



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material


Superintendent

Wesley A. P. P.

Wesley A. P. P.

323.1  
4-29

1904p





1398  
15 JAN 2010

Հարցազեկի Գ. Գր. Կոչման

323.1


26 SEP 2006

Վ-29

ՄԻՔԱՅԷԼ ՎԱՐԱՆԴԵԱՆ

~~Քիմիայի թանգարան~~

# ՀԱՅՐԵՆԻՔԻ ԳԱՂԱՓԱՐԸ



Հաստատված է

ՀԱՅ ՅԵՂԱՓՈՒԱԿԱՆ ԴԱՇՆԱԿՑՈՒԹԵԱՆ

5975

Ժ Ը Ն Ե Վ  
1904



16721

8 AUG 2013

### ԱՌԱՋԱԲԱՆ

Շատ կան խնդիրներ, որոնք կարօտ են լայն թեօ-  
րիական լուսաբանութեան: Բայց ո՞ր են մեր մէջ թեօ-  
րեւիհոս-հրապարակախօսներ. . .

Հայկական արիւնոտ իրականութիւնը ինքնին պա-  
տասխան է այդ տխուր հարցման: Վեանքի յորձանքը  
կլանում է լաւագոյն երիտասարդ ուժերը և ժամանակ  
չէ տալիս փիլիսոփայելու, ընդհանրացնելու:

Ներկայ գրքոյկը հրատարակելով, մենք հնազանդում  
ենք մի ներքին պահանջի, որ միանգամայն թւում է  
ընդհանուր, ժողովրդական:

Արոշել հայրենիքի դիրքը երկրագնդի վրայ, նրա  
ըմբռնումը լուսաւոր աշխարհում և մարդ-անհատների  
քաղաքացիական պարտաւորութիւնները նրա վերաբեր-  
մամբ, — ահա ինքնին հրապուրիչ մի նիւթ: Բայց նա  
հրապուրիչ է մասնաւորապէս հայ գրողի համար, քանի  
որ ունի հայկական կեանքում կենդանի այժմեութիւն:

Հայի հայրենիքը յօշոտում է դրսից, յօշոտում է  
ներսից:

Գրսից՝ ասիական բռնակալներն են, որ ձեռք ձեռքի  
ուած, ձգտում են ջնջել մեզ, մէկ տեղ մորթելով, միւս  
տեղ բարոյապէս խեղածիւրեւելով ազգայնական կեր-  
պարանքից զրկելով:

Ներսից՝ անտարբերութեան պատուհանն է, —  
մեզմ՝ որակւումով — որ արտայայտւում է ազգային բոլոր  
գործօնների նկատմամբ:



3226-2001



չին, բայց միշտ թարմ վերք: . . Որքան տուժել ենք նրանից: . . Որքան նիզակներ են փշռել նրա համար դեռ 60-ական թվականներին, հայոց վերածնունդի բաժնի վերաները:

„Աստուածընտիր“ ազգ չկայ, ի հարկէ: Իւրաքանչիւր մի ցեղ ունի իր յոռի, բացասական գծերը, որ դարերը ամուր դրօշմել են նրա ճակատին: Բայց բոլոր ազգերն էլ — գէթ ժամանակակից քաղաքակրթութեան մէջ — ունեն մի բարձր առաքինութիւն, այն՝ որ բոլորն էլ ձգտում են պահպանել իրենց ազգայնական ուրոյն կերպարանքը, որ միանգամայն ներդաշնակուում է առաջադիմութեան պահանջների հետ:

Մենք ևս վաղուց քաղաքակրթութեան աւազանն ենք մտել: Մենք պարծենում ենք մեր „վերածնութեամբ“, մեր կուլտուրական ունակութիւններով: Մենք ճանաչել ենք լուսաւոր աշխարհից, որպէս մի ինքնատիպ ու առաջադէմ ազգ, որ ունի կատարելու մի փայլուն մի ս ս ի ա խաւար Արեւելքում: Մենք սիրով ընդունում ենք մեր վրայ այդ միասին: Բայց ահա հակասութիւն. մենք միաժամանակ ցոյց ենք տալիս մի խելագար անհոգութիւն՝ դէպի այն բոլոր գործօնները, — լեզու, մամուլ, գրականութիւն և այլն — որոնք կոչւած են առաջնորդելու մեզ իբրև ուրոյն, գիտակից ազգի, դէպի համամարդկային քաղաքակրթութեան իդէալներ:

Ռ ու ս ա ց մ ա ն վտանգը զուր խօսք չէ այլևս, ոչ էլ յոռետես մի բանդագուշանք: Եւ ուսուցումը բռնի չէ միայն, այլև կ ա մ ա լ ո Ր :

Տարիներից ի վեր մեր վրայ տեղացող բիրտ հարւածներին մենք պատասխանեցինք միշտ ծառայական համակերպումով և խրախուսած դրանից՝ ուէակցիան առաջ գնաց յարաճուն կատարութեամբ, մինչև որ հասցրեց ներկայ տագնապին. . .

„Մի ամբողջ դասակարգ հայութեան մէջ՝ բուրժուա-

առևտրական դասակարգը, այնքան ուսումով է, որ վրտարել է իր ընտանիքներից մայրենի լեզուն, փոխարինելով այն՝ ուսուերէնով“ . . — այսպէս էին խօսում վերջին ժամանակ — մելամաղձոտ ու հեգնական շեշտով — արտասահմանեան ուսւ յեղափոխական հրատարակութիւնները, արձանագրելով ցարիզմի անմիտ ու ապերախտ արարքները Կովկասեան Հայաստանում. . .

Այդ յայտնութիւնը, որքան վշտառիթ, նոյնքան և ստոյգ է, տարաբախտաբար. — նա բնորոշում է ցեղական մի արատ:

Չընայած բոլոր բացառիկ օրէնքներին, որոնց ենթակայ ենք, չընայած բոլոր դրակօնական ճնշումներին՝ մենք ցոյց ենք տալիս ձ ու լ մ ա ն հակումներ. . .

Ուլտրա-կոսմօպօլիտական մի հակահրելի ձգտում է բուն դրել հայկական գիտակցութեան մէջ, որ տանում է դէպի այլասեռում, ա պ ա զ գ ա յ ն ա ց ու մ (Denationalisation): Կա ճարակում է „բարձր“ խաւերը և կամաց կամաց իջնում է դէպի ցած. . .

Հայ գաղափարական երիտասարդութիւնը կոչւած է մարտել այդ անպատիւ երևոյթի դէմ, բայց նրա մէջ էլ տիրում է մտքերի խառնաշփոթութիւն:

Նրա մի մասը, թիւր ըմբռնելով սօցիալիզմի վարդապետութիւնը, նրա անունով ժխտական դիրք է բռնում հայի ազգային ստացւածքների նկատմամբ: Լեզու, դրպութիւն, հայրենիքի գաղափար, ազգայնական ինքնուրոյնութիւն և այլն և այլն, նրա աչքում ամենաշատը աւելորդ նախապաշարումներ են, որոնց վիճակած է շուտով չքանալ. . . Նրա համար գոյութիւն չունի հայ ազգային-քաղաքական դատ և նա բացասական դիրք է բռնում նաև դէպի ուսասհայոց մասնակցութիւնը թիւրքահայ շարժման: „Կովկասահայերը չեն կարող մասնակցել մի դատի, ուր իրանք շ ա հ չ ու ն են“ . . . Ամեն



բան վերածուում է մատերիալիստական շահի և դասակարգային կռիւներին . .

Մենք յոյս ենք տածում, որ ներկայ գրեածքով պիտի կարողանանք գէթ մասամբ պարզել թիւրիմացութիւնները և նպաստել՝ ուղղելու մտքերը դէպի մի բանաւոր աշխարհաստեայցք, հիմնւած գիտական ճշմարտութեան վրայ, որը մեր միակ ղեկավարն է:

Ս. Վ.

1 մայիս, 1901

1

ԱԶԳԵՐԻ ԾԱԳՈՒՄԸ

Սօցիոլոգիական մի կնճիռ. — Ե՞րբ է կազմակերպւել ազգային ոգին. — Նախապատմական շրջան. — Հաւարական գիտակցութեան սկզբնաւորումը. — Ընկերակցութիւն. — Կռիւք, իբրև պատճառ մարդկանց համախմբման:

Հայրենիքի գաղափարը . .

Մի հին, շատ հին բնազդ, որ նոյնանում է ազգայնութեան գաղափարի հետ և որ եղել է ամենահզօր խթաններից մինը քաղաքակրթութեան էւօլիւցիայի:

Մի կուռք, որի առջև անյիշատակ ժամանակներից ի վեր սերունդները գլուխ են խոնարհեցրել ճշմարիտ կրօնական երկիւղածութեամբ: Խուսկը ծխել է դարերի ընթացքում նրա պատւանդանի վրայ և միլիօնաւորների աղիողորմ հեծկտոցները երկինք են սլացել մարդկային ողջակէզների արեան գոլորշիների հետ. . .

Մի դիւթական բան կայ այդ գաղափարի մէջ, որ միշտ հմայել ու ցնցել է ժողովուրդներին, հասցրել է նրանց խանդավառութեան գագաթնակէտին և պատճառել է ահաբեկողորդ սասանումներ . . . Պատմական ծանր փորձութիւնների ժամին, երբ հայրենական օձախի վրայ յանկարծ փչում է կործանարար հողմը, երբ բռնաւորի դժնդակ ուրւականը նկարուում է հօրիզոնի վրայ և հնչեցնում ուղմի շեփորը, — նա է, այդ կախարդական գաղափարի ուժը, որ մի ակնթարթում ի մի է գումարում մարդկանց անհամար լէգիօններ,



մղում է նրանց դէպի փոթորկի յորձանուտ հոսանքը, դէպի յաղթութիւն կամ դէպի կորուստ . . .

Երբ — սև օրերին — դահճի խարազանը սկսում է աւերումի իր դժոխային գործը, երբ հարազատների արիւնը հոսում է հեղեղներով և միլիոնաւոր ժողովուրդը յօշոտւած, արիւնաթաթախ՝ գալարւում է բռնաւորի ոտքերի տակ, — մենք դարձեալ տեսնում ենք այդ ուժը, մենք տեսնում ենք դարձեալ հայրենիքի ազատութեան ոգին, որ դիակոյտերի ու փլատակների տակից վեր է սլանում հզօր, անպարտելի, հեգնում է թշնամու մոլեգնութիւնը, հեգնում է ճակատագրի բոլոր խաղերը և սիրտ է տալիս յուսահատուածներին:

Մի հրաշալի ուժ . . . Նա որ սովորական, նօրմալ ժամանակ թուում է շատերին մի տարտամ յիշատակ, մի տժգոյն արստրակցիա, — նա տագնապների, գոռ փոթորիկների ժամին հանդէս է գալիս, որպէս մի վսեմ իրականութիւն, մի անսպառ աղբիւր փայլուն, առնական սխրագործութիւնների, դիւցազնական անձնւիրութեան:

Նա որ սովորական, նօրմալ ժամանակ պարտաճանաչ քաղաքացուն անգամ չէ ալեկոծում, նա անօրինակ դժբախտութեան օրերում բոցափառում է նոյնիսկ հասարակութեան տակաւնները, նա հերոսացնում է նոյնիսկ հեղգերին, թուլամորթներին . . .

Որտեղից է գալիս այդ զարմանալի գաղափարը . . . Ե՛րբ է արդեօք դրւել ազգայնութեան սաղմը երկրագնդի վոյս, երբ է կազմակերպւել, կուել ու կօփւել այն հաւաքական գիտակցութիւնը, որ մենք անւանում ենք ազգային ոգի:

Գժւարին հարցեր: Եւ մենք նրանց վոյս շատ չենք ծանրանայ: „Ծագումների“ հարցը ամենակնձոռոտն է սօցիոլոգիայի մէջ, ինչպէս նա ամենակնձոռոտն է և կենսաբանութեան ու տիեզերագիտութեան մէջ: Ազգայնու-

թիւնը, համարեա թէ կարելի է ասել, նոյնքան հին է, որքան մարդկանց ընկերակցութիւնը: Նրա սկիզբը փնտրելու համար՝ պէտք է անցնենք պատմութեան շէվքից, պէտք է իջնենք այն մութ, արհաւիրակց նախապատմական շրջանը, երբ դարվիլնիստների ասելով՝ կուել էր բոլորի ընդդէմ բոլորի . . . Գոյութեան բնազդը ամենաուժեղն էր, և մարդը ձգտում էր ամենից առաջ ապահովել իրեն՝ թէ մարդ-գայլի փտրժակներից և թէ բնութեան ահարկու տարերքներից, որոնք միշտ պատրաստ էին պայթել նրա գլխին:

Թշուառ նախամարդը . . . Իբ անմիջական կարիքների ստրուկ, մերկ ու կիսաբաղձ՝ նա խաբխափում էր տիեզերական լաբիւրինթոսում, կրում էր շրջապատի բոլոր հարւածները, առանց հակազդել կարողանալու, փախչում էր զարգանդած՝ գիշատիչ գազաններից, կծկում, գալարւում էր կայծակի հանդէպ, փոթորկի, ուրագանի միջոցին վազում էր լեղապատառ, առանց յետ նայելու, տարւած սարսափի միահեծան զգացումով . . .

Ահա թէ ինչու մե՛նակ, կղզիացած չէր կարող նա մնալ, և հասարակական զարգացման արշալոյսին մենք ամենուրեք երկրագնդի վրայ հանդիպում ենք միայն մարդկային համայնքներ, — մեծ մասամբ կապւած արիւնակցական, ընտանեկան կապով:

Զարգացման անիւր առաջ է դլորւում, բնութիւն-թշնամին միշտ աւելի և աւելի չէզոքացւում է և սեղի տալիս մարդ-թշնամուն: Մարդկային համախմբումը իր նախնական շրջանում մէկ նշանաբան ունէր — ընդհանուր շահը. անհատը ոչինչ էր, նա կրանում էր ընդհանրութեան մէջ, նա „ըօրագնդի“ անյայտ զինուոր էր, — մի համը զինուոր, առանց ձայնի և իրաւունքի: Այդ վիճակի ներկայացուցիչն էր նահապետական հինաւուրց ընտանիքը, ուր միահեծան իշխանութիւնը պատկանում էր աւագներին, նահապետներին: Անհատը ժխտում էր



իր անհատականութիւնը, բայց և վարժուած էր այն գերագոյն առաքինութեան՝ անձնուրացութեան դրպարոցի մէջ որ պիտի դառնար անկիւնաքարը ապագայ Տոյակապ ազգային շէնքի:

Վրիւր ծնող է ամեն բանի, կուի սկզբունքը նախագահուած է քաղաքակրթութեան էությունային: Մշտնջենական կուի վիճակը հարկադրել է որոշ հողի վրայ, որոշ սահմաններում՝ ապրող համայնքներին՝ մօտենալ իրար, ի մի ձուլել և այդպիսով հնարաւորութիւն ունենալ պաշտպանելու հեռաւոր ու անյայտ թշնամիների յարձակումներից:

Իսկ այդպիսի յարձակումների պատճառները շատ էին. . . Նախապատմական այդ ժամանակներում տարբեր աշխարհագրական վայրերում ապրող մարդկային համայնքները ունէին և տարբեր կուլտուրայի աստիճաններ: Այն ժամանակ, երբ դիցուք մի կէտում, շնորհիւ միջավայրի նպաստաւոր պայմանների, — ջրերի առատութեան, հողերի պարարտութեան, նաւադնաց գետերի, բարեխառն կլիմայի, մետաղների հանքերի և այլն և այլն — մարդիկ արագ առաջադիմում են, ձուլում են մետաղներ, ընտանեցնում են վայրի անասուններին, զարգացնում են բոյսերի մշակութիւնը, մղում են առևտուր և դառնում հարուստ, բարգաւաճ համայնքներ, — մի այլ կէտում, շնորհիւ միջավայրի աննպաստ պայմանների՝ մարդիկ երկար ժամանակ մնում են հօրդայական, նօսադ վիճակում և չունենալով ապրուստի ուրիշ միջոց՝ դիմում են թալանի, աւազակութեան, ճիշտ այնպէս, ինչպէս այժմեան քրդերը:

Ահա մեծ մասամբ այդ երկրորդ տիպի համայնքներն են, որ բնական մղումով արշաւում էին առաջին տիպի համայնքների դէմ:

Այդ դրութիւնը տեւել է, անշուշտ, երկար դարեր:

Խաղաղ, նստակեաց համայնքները այդ դարաւոր պատերազմների ընթացքում ապրելով ու կուլտուրով միասին, մէկ հողի վրայ, նման շահերից ու ձգտումներից մղւած, միշտ աւելի և աւելի մօտենում են իրար, ձուլում են իրար հետ, — ստեղծում է նրանց մէջ արիւնի ազգակցութիւն, որը հետզհետէ ամրապնդւում է և ուժեղանում ժառանգականութեամբ, մշակում են նրման սովորութիւններ, պատմական աւանդութիւններ, ընդհանուր լեզու, կրօն, օրէնքներ և այլն և այլն:

Այդպէս են կազմակերպւել ազգային գերգաստանները: Նրանք մեծացել են ժամանակի ընթացքում, ճիւղաւորւել են: Նրանք զարգացել են համաձայն ամուր, ծակատագրական այն օրէնքներին, որ բնութիւնը և տրնտեսական կեանքը առաջադրել են նրանց և որոնք պայմանաւորել են նրանց ծագումը:

Այո. քանի դեռ նախնական փոքրիկ համայնքները — կամ ասենք՝ տոհմերը — ապրում էին բոլորն էլ թափառական վիճակում, չունենալով աշխատանքի մշակած գործիքներ, պարապելով սոսկ ձկնորսութեամբ և խաշնարածութեամբ, — չկար նրանց համար հրամայական պահանջ՝ իրար հետ ձուլելու: Այնքան դեռ չնչին էր նրանց հարստութիւնը, որ չէր կարող հրապուրել թշնամիներին:

Այլ բան եղաւ, երբ գործիքները շատ թէքիւմը շակւելով՝ մարդիկ վարժւեցին երկրագործութեան: Խիտ անտառներից, լեռնոտ վայրերից նրանք իջան, գրաւեցին դատ-դատ համայնքներով ջրառատ, արգաւանդ դաշտավայրերը. աշխատանքը եռաց, արդիւնագործութիւնը ծաղկեց, լայնացաւ, բաժանւելով այլ և այլ ճիւղերի: Զարգացաւ առևտուրը, փոխանակութիւնը հարեան համայնքների մէջ, աճեց մարդկանց թիւն ու հարստութիւնը. բայց դրա հետ միասին — այդտեղ ևս կար



մեղալի թարս կողմը — դրա հետ միասին աճեց հետ-  
դհետէ թշնամու ահը, արտաքին վտանգը:

Եւ տեղի ունեցան հնադարեան անցեալում նոյնա-  
նման երևոյթներ, որոնց ակնատես ենք նոր պատ-  
մութեան մէջ, — նոսադ, ուղմասէր տարրերի յար-  
ձակումներ՝ խաղաղ ու երկրագործ տարրերի վրայ, և  
մշտնջենական աւարառութիւններ... Ինչ որ կրել են  
համեմատաբար նոր ժամանակներում արեւմտեան Եւրո-  
պայի ազգաբնակչութիւնները հունների, արաբների, մա-  
ջառների, սելջուկների ձեռքից՝ նոյնը կրել են անյի-  
շատակ անցեալում — նոյնպիսի աւազակաբարոյ ցեղերի  
ձեռքից, — Չինաստանը, Եգիպտոսը, Միջագետքը, Հա-  
յաստանը և այլն: Այդ վերջինը՝ ճակատագրի մի քստմենը  
խաղով՝ դեռ այսօր ևս կրկնում է հասարակական էւ-  
լիցիայի այդ հինաւուրց, աղետալի Փաղը:

Եւ անդուլ մաքառումների ու արկածալի փորձութիւն-  
ների մէջ ամրապնդեց համերաշխութեան կապը:  
Հաղորդակցութիւնը առանձին համայնքների մէջ միշտ  
աւելի և աւելի կենդանացաւ, նրանց բողբոջները ժա-  
մանակի ընթացքում միակերպեցին, հարթելով ճանա-  
պարհը ընդհանուր ազգային լեզուի համար: Անջատական,  
տարամերժ ոգին չբացաւ նրանց մէջ, տեղի տալով ընդ-  
հանուր ազգային ոգուն...

Ամբողջ դարեր են սահել, մինչև որ նախնական ազ-  
գային գերդաստաններից աստիճանաբար մշակելէ աւելի  
բարձր ձև հասարակական կենցաղի, աւելի բարձր և  
աւելի գիտակից մի անհատականութիւն, — ազգա-  
յին պետութիւնը՝ իր պատշաճ օրգաններով:  
Մենք այն տեսնում ենք գրեթէ ամեն տեղ և ամեն  
ժամանակ. ամեն մի ժողովուրդ, որ հասել է ինքնա-  
ձանաջութեան, ունեցել է իր պետութիւնը և  
կորցնելով այն, ձգտել է վերստին յետ նւաճել:

II

ԱԶԳԱՅՆՈՒԹԵԱՆ ԷՈՒԹԻՒՆԸ

Անհատ եւ համայնք. — Հասարակագիտական դէտերմինիզմ. —  
Գաղափարի որոշումը. — Տեսակէտներ. — Արիւնակցութիւն. — Լեզուի  
ու կրօնի նշանակութիւնը. — Ո՛ր է «սուստրատումը»...

Ազգայնութիւնը չէ ներկայանում մեզ, իբրև անհատ-  
ների սոսկ հաւաքածու — փխրուն, վաղանցուկ — այլ  
իբրև օրգանական մի ամբողջութիւն: Լոկ քանակու-  
թեան յարաբերութիւնը չէ, լոկ արտաքին, նիւթական  
նշանները չեն, որ բնորոշում են այս կամ այն ազգը, այս  
կամ այն ժողովուրդը. — կան սօցիալական-հոգեբանա-  
կան խորունկ պատճառներ, որոնք երկար ժամանակ ան-  
խոնջ գործելով մարդկային այլազան համայնքների ար-  
գանդում, ստեղծում են նրանցից ազգային ուրոյն, առանձ-  
նայատուկ միութիւններ, իրենց էութեամբ մնայուն,  
յարատւ: Այդպիսի պատճառներ են՝ ներքին փոխա-  
դարձ համակրութիւնը, կամ զգայնական նմանութիւնը,  
ապա կամ քերի ներդաշնակութիւնը, որից և բղխում  
է ընդհանրական ճիգը, համազգային գործակ-  
ցութիւնը:

Անհատը այդ զարմանալի միութիւնների մէջ չէ կարող  
այլ կերպ հասկացել բայց եթէ միայն իբրև մէկ ան-  
դամ այն կամքերի համակարգութեան, որոնց փոխադարձ  
յարաբերութիւնները կազմում են — չէզէլի արտա-  
յայտութեամբ — իւրաքանչիւր անդամի ըմբռնելի  
էութիւնը:

Այդ փաստի զօրութեամբ՝ զիցուր լեհ անհատը մեզ



ըմբռնելի և ճանաչելի է դառնում, միմիայն իբրև ան-  
դամ զգայութիւնների և կամեցողութիւնների այն հա-  
մակարգութեան, որը կազմում է լեհ սոցիալիստութիւնը  
և որը դարձնում է յիշեալ անհատին ոչ թէ միայն  
մարդ առհասարակ, այլ և լեհ:

Այդտեղից և առաջանում են ազգայնական տիպար-  
ները — ոչ ցեղերը: Լեհ տիպարը հիմնականապէս տար-  
բեր է ուստից, չեխից, ուստինից, սերբից, բուլղարից:  
Իւրաքանչիւր մի ազգ ունի իր մէջ այն, ինչ որ սօցիո-  
լոգիան անւանում է հասարակագիտական դէտեր-  
մինիզմ (պատճառական շղթայակցութիւն): Իւրաքան-  
չիւր մի ազգ ունի մտքերի և զգացումների մի ինքնա-  
տիպ հիւսւածք, որ առաջ է գալիս համայնքի ու ան-  
հատների Պշտնջենական փոխազդեցութիւնից: Մտքերի,  
զգացումների և կամքերի այդ հիւսւածքն է, որ  
անցնելով ժառանգաբար սերնդից սերունդ՝ կազմում  
է ժողովրդի ոգին, ազգային գիտակցութիւնը:

Այն ինչպէս օրգանական բջիջների մէջ, այնպէս և հա-  
մայնքի անգամների մէջ՝ կայ մշտնջենական փոխազդեցու-  
թիւն (Gegenwirkung): Պատմական էւօլիցիայի ընթաց-  
քում մերթ համայնքն է իր բարբերի ուժով բարձրա-  
ցնում ընկած անհատին, մերթ անհատն է իր արտակարգ  
առաքինութիւններով արթնացնում ու ազնւացնում  
համայնքը: Մեր „անձնաւորութիւնը“ մեր Փիղիբական,  
մտաւոր ու բարոյական եսը ոչ այլ ինչ է, եթէ ոչ  
մի հիւսւածք, որի նիւթերը մեծ մասամբ փոխառւած  
են ընդհանուր ազգային շտեմարանից. իսկ այդ վերջինը  
ուրիշ բան չէ, բայց եթէ արդիւնք բոլոր անհատների  
համերաշխ գործակցութեան:

\* \* \*

Ինչպէ՞ս որոշել ազգայնութեան կամ հայրենիքի գաղա-  
փարը, նրա ճշգրիտ էութիւնը: Մի կնճռոտ հարց է դա, որ

զբաղեցրել թէօրեափոփոսներին: Կան գաղափարներ, որոնք  
տրամաբանական յստակ որոշման չեն ենթարկուում:

Ազգայնութիւնը հետաքրքրում է և՛ էտնոլոգին (ցե-  
ղաբան) և սօցիոլոգին և՛ նոյնիսկ իրաւագէտին ու քա-  
ղաքագէտին: Իւրաքանչիւրը նրանցից՝ հարցը իր տեսա-  
կէտով լուսաբանելով՝ յանգում է մի ջոկ եզրակացու-  
թեան, որը ներկայացնում է գաղափարի էութեան մի որոշ  
կողմը: Յեղաբանը, հետեւելով բնագիտական մեթոդին,  
առաջ է բերում ընտրողութեան, ժառանգականութեան,  
յարմարումի և այլն օրէնքները, որ և կիրառում է մարդ-  
տեսականների կամ ցեղերի վրայ, որոնք տարբերում են  
գանգի կազմութեամբ, կաշւի, մազի, աչքերի գոյնով  
և այլն: Սօցիոլոգը, հասարակաբանը, ինչպէս վերը տե-  
սանք, քննում է մարդուն ոչ միայն իբրև տիեզերա-  
կան կոյր ուժերի ծնունդ, այլև իբրև մի գոյութիւն, որ  
ընդունակ է մտածել, զգալ և կամենալ:  
Թէև մարդկային այդ երեք կարողութիւնները վեր-  
ջին քննութեամբ պայմանաւորուած են նոյն տիեզերական  
ուժերով, այնուամենայնիւ, նրանք ունեն իրենց զարգաց-  
ման ուրոյն պատմութիւնը և ենթակայ են սօցիոլոգիային,  
հասարակական գիտութեան:

Վերջապէս, իրաւաբանը և քաղաքագէտը ազգային  
գաղափարի հետ կապում են որոշ իրաւական, քաղա-  
քական արտօնութիւններ:

Իւր առաջ է գալիս խառնաշփոթութիւն: Իւր մենք  
դժւարանում ենք գտնել մի բանաձև, որ կիրառուէր հա-  
ւասարապէս բոլոր երկրների ու ժողովուրդների վրայ:

Ընդհանուր ծագում, Փիղիբական ու հոգեկան նմա-  
նութիւններ, ընդհանուր հող, լեզու, կրօն, ընդհանուր  
պատմութիւն և այլն և այլն, — ահա այն գործօնները,  
որոնք զատ-զատ կամ մի քանիսը միասին, կամ բոլորը  
մէկտեղ՝ կոչւած են լուսաբանել ազգայնութեան իմաստը,



բայց և անկարող են մատակարարել մի զուտ գիտական, բաւարար որոշում:

Անշուշտ, մեծ է ցեղագրական պայմանների, ինչպէս նաև լեզուի ու կրօնի ազդեցութիւնը ազգութիւնների զարգացման վրայ: Ո՞վ կարող է ուրանալ որ Փիղիբա-կան ընդհանուր ծագումը հէնց ի սկզբանէ աղբիւր է եղել նաև հոգեկան համակրութիւնների: Ո՞վ կարող է ժխտել լեզուի հսկայական ուժը, որը մի ժողովրդի դարաւոր փորձութիւնների միջոցին մթերում ու պահպանում է հարազատութեամբ ընդհանուր բարբերն ու աւանդու-թիւնները . . .

Լեզուն բաժանում է մի ազգի ճակատագիրը, մը-շակում, հասունանում է նրա ինքնաճանաչութեան զարգացման հետ միասին. ամբարում ու յաւերժանում է կրօնական ծէսերի, օրէնսգրական սկտերի, գրական յիշատակարանների մէջ և այլն: Երբ այդ թանկագին գանձը սկսում է սպառուել, երբ մայրենի լեզուն ըս-կսում է խեղաթիւրել կամ իսպառ դուրս նետել գործածութիւնից, — դա արդէն նշան է ազգութեան այլասեռման: Այնքան մեծ է լեզուի ազդեցութիւնը, որ սօցիոլոգներից ոմանք նրա վրայ են հիմնում ազգայնու-թիւնը: Այդ նոյն կարծիքի արտայայտութիւնն է Արնտի ծանօթ ոտանաւորը.

Was ist des Deutschen Vaterland? .  
So nenne endlich mir: das Land,  
So weit die deutsche Zunge klingt,  
Und Gott im Himmel Lieder singt. . .

(Ո՞րն է գերմանացու հայրենիքը,  
Յոյց տուր ինձ, վերջապէս, այդ երկիրը.  
— նա տարածւում է ամեն տեղ,  
Ուր գերմանական լեզուն է հնչում,  
Ուր Աստուծն երկնքում լիղեր՝ է երգում. . .)

• Երգեր:

Անժխտելի է և կրօնի դերը: Նրա ազդեցութիւնը, մեծապէս թուլացած մեր օրերում, հղօր էր վաղեմի ժամանակներում: „Ամեն մի կրօն սկզբներում մի ազ-գութիւն էր“, — ասում է յայտնի սօցիոլոգ-կրօնագէտ Մաքս Միլլէրը: Արդարև: Արօնը մարդկութեան նախնա-կան շրջանում միաւորող կապն էր գերդաստանի մէջ, ապա քաղաքում (cité) և վերջապէս պետութեան մէջ: Յունական քաղաքները, (Սպարտա, Աթէնք և այլն), որոնք սկզբում ներկայացնում էին մի մի հայրենիք և ուր հելլենիզմի, յոյն ազգայնութեան սաղմերը դրւեցին, — յունական քաղաքները ապրում էին աստուածների բըռ-նակալութեան տակ: Եւ երբ Սօկրատեսին, աշխարհիս մեծագոյն փիլիսոփաներից մէկին՝ մահուան էին դատա-պարտում, նրա դահիճները պատճառաբանում էին, թէ նա մեղանչել է հայրենիքի դէմ, քանի որ մեղանչել է աստուածների դէմ:

Քանի քանի ազգեր պահպանել են դարերի ընթաց-քում իրենց ինքնուրոյնութիւնը, շնորհիւ իրենց կրօնա-կան միութեան. . .

Այնուամենայնիւ, կան ազգութիւններ և այդ նշանաւոր գործօններից դուրս, — կամ լեզուից ու կրօնից, կամ թէ աշխարհագրական և ցեղագրական պայմաններից: Ոչ մէկը դրանցից չէ ներկայանում իբրև ա Ր ա մ ա-բ ա ն օ ր է ն ա ն հ ր ա ժ ե շ ա պայման՝ մի ազգայ-նութիւն կազմելու համար:

Ազգ է Ղվէյցարիան, որ ունի առնւազը երեք տար-բեր ցեղեր, երեք լեզուներ և նոյնքան կրօններ: Ազգ է համարւում հրէութիւնը, որ վաղուց զրկւած հայրենի հողից՝ ծաւալել է բովանդակ երկրագնդի վրայ, և ամեն տեղ ցոյց է տալիս օրինակելի համերաշխութիւն:

Ազգ է Մեծ-Բրիտանիան, որ նոյնպէս կազմւած է տարբեր ցեղերից — կելտերից, սաքսերից ու նորմաններից:

3726 - 100X





Որտեղ է մնում ազգայնական գաղափարի «սուբստրատումը», նրա ամենաէական յատկանիշը...

Նա մնում է անըմբռնելի, — մենք չենք կարող որոշել նրան, ոչ էլ նկարագրել լիակատար կերպով: Նոյնիսկ շատ որոշ անհատականութեան տէր ազգութիւնները դժարանում ենք բնորոշել գիտականօրէն: Մի գաղտնիք կայ ազգայնութեան գաղափարի մէջ, որ երբէք չէ դրսևորում, որ խոյս է տալիս մեր դիտողութիւնից — մի գաղտնիք կայ, որ աւելի բարձր է, աւելի հարուստ, աւելի խորունկ, աւելի ընդարձակ, քան թէ բոլոր բնորոշ գծերը, որ մենք կարող ենք թւել — լեզու, կրօն, արիւնակցութիւն և այլն:

Յամենայն դէպս, մենք գործ ունենք մի կենդանի իրողութեան հետ, — մեր առջև կանգնած է մի շատ կոնկրետ անհատականութիւն, որ իրօք մէկ է իր բնորոշ գծերով, տարբեր ուրիշներին:

Ազգ կայ ամեն տեղ ուր՝ ինչպէս ասում է Ստիւարտ Միլլը՝ մարդիկ միացած են ընդհանուր համակրութիւններով, որոնց զբոլութեամբ նրանք հակւած են ոչ միայն գործելու համերաշխութեամբ և ապրելու միևնոյն կառավարութեան տակ, այլ և տենչալու, որ այդ կառավարութիւնը կազմեն հէնց իրենք, կամ իրենց մի մասը:

Ազգ կայ ամեն տեղ, ուր՝ ինչպէս ասում է Ռընան՝ կայ դարաւոր մի անցեալ, հիւսւած ճիգերից ու զոհողութիւններից, ուր կայ մի անցեալ՝ փայլուն, հերոսական սիրագործութիւնների, ուր կան պատմական աւանդութիւններ... Այն կռիւները, որ դարերի ընթացքում մղել է մի համայնք ընդհանուր թշնամու դէմ, այն ուրախութիւնները, որ նա ունեցել է յաղթանակներից, այն տառապանքները, որ նա ունեցել է պարտութիւններից, այն երգերը, որ նա հիւսել է յաղթանակների ու պարտութիւնների առթիւ, — ահա այդ վսեմ

համերաշխութեան անունն է ազգ: Մենք անկողում ենք նաև հայրենիք: Երկու բառերի մէջ տարբերութիւնը աւելի ձևական է, քան թէ էական:

Նա այնքան կենդանի է, այդ համերաշխութիւնը, մարդկանց սրտերում, որ դեռ հնադարեան, Հոմերական ժամանակներում բարձրաձայն հռչակում էր կռիւը յանուն հայրենիքի, և յունական հանձարը բացականչում էր Հոմերոսի բերանով. «Մեռէք ու մի զղջաք, որովհետև պանծալի բան է՝ մեռնել հայրենիքի համար»...



III

ԱԶԱՏ ՀԱՅՐԵՆԻՔԻ ԻԴԵԱԸ

Հին եւ միջին դարերում. — Նորագոյն պատմութեան մէջ. — Մեծ Յեղափոխութիւնը եւ «ազգայնութեան սկզբունքը». — Ազատագրական կռիւները. — Արեւելքում եւ Արեւմուտքում. — Ստորեւ ազգերի վերածնութիւնը:

Չենք ուզում գծել մանրամասնօրէն ազգայնական այդ համերաշխութեան էւօլիւցիան, նրա պատմութիւնը իր նախնական շրջանից սկսած մինչև մեր օրերը: Ազգային գաղափարը արտայայտել է, անշուշտ, թէ հնադարեան եւ թէ միջնադարեան կեանքում, բայց արտայայտել է թոյլ, երկչոտ կերպով:

Հին դարերում անթիւ, այլազան ազգութիւնները կորչում էին Հռոմէական տիրապետութեան համայնակուլ հոսանքի մէջ, — թագաւորող գերութեան գրկում անկարող էր փթթիլ ազգային գաղափարը:

Միջին դարերում բովանդակ Եւրոպան մասնաւոր էր մի կողմից աւատականութեան, միւս կողմից՝ կաթօլիկ եկեղեցու տիրապետութեանը: Ազգութեան գաղափարը նսեմանում էր կաթօլիկութեան գաղափարի առջև:

Պէտք էր քաղաքակրթութեան մի յայտնի աստիճան, պէտք էր պատմական մի յատուկ մընոլորտ, որպէսզի անկախ հայրենիքի իգէալը արտայայտէր իր բոլոր ուժով եւ իր բոլոր վեհութեամբ:

Ազգերը գոյութիւն ունէին, իբրև ցեղագրական միութիւններ, ընդ ընդգործէն, առանց ազգային ինքնագիտակցութեան: Իսկ այդ վերջինը կարող էր արթնանալ այն երկրներում միայն, ուր — մտաւոր ու քաղաքական

առաջադիմութեան շնորհիւ — անհատը ինքն էր սթափուում եւ ձգտում խորտակել իրեն կաշկանդող շղթաները, միահեծան տէր դառնալ իր ճակատագրին: Միջնադարեան խոր գիշերի մէջ ազգայնական տարբերութիւնները գրեթէ ոչ մի կարևորութիւն չունէին քաղաքական առաջադիմութեան համար: Քանի քանի ազգեր՝ խեղճ ու անլեզու նախիրների պէս, այս կամ այն բռնաւորի քմահաճոյքով փոխադրուում էին մէկ լծից միւսը, բաժանուում էին, վերստին ձուլուում, վերստին բաժանուում եւ այդպէս անվերջ:

Եթէ մի լուրջօրէնու 14<sup>րդ</sup> կամ թէ մի կարևոր 12<sup>րդ</sup> ձգտում էին տիեզերական հրամանատարութեան, պատճառը այն էր, որ ազգերը դեռ եւս իրաւունք չունէին տնօրինելու իրենց ճակատագիրը. . . Բայց կամաց կամաց նրանք զգաստացան եւ գտան որ անհրաժեշտ է խզել մարդկանց հին համախմբումները. . .

Ազգայնութիւնը, իբրև ոչ միայն ցեղագրական փաստ, այլ եւ իբրև քաղաքական-իրաւաբանական միութիւն, իբրև մի ուրոյն մարմին, իր յատուկ, անձեռնմխելի իրաւունքներով — ազգայնութիւնը իբրև այդպիսի մի մարմին, ծնունդ առաւ եւ ձևակերպեց պատմական այն մեծ, աշխարհաստան փոթորկի միջոցին, որի անունն է Քր ան ս Ի ա կ ան Յ ե Ղ ա փ ո խ ու թ Ի ւ ն:

Ազատութեան եւ եղբայրութեան գաղափարների հետ՝ Քրանսիական Մեծ Յեղափոխութիւնը հուշակեց հանդիսաւոր կերպով ազգերի անբռնաբարելի ու թիւնը: 1792 թ-ի Ազգային Համագումար Ատեանը (la Convention Nationale) խոստանում էր նոյնիսկ «եղբայրական օգնութիւն» այն բոլոր ժողովուրդներին, որոնք կ'ուղէին ձեռք բերել իրենց ազատութիւնը: 1795-ին «Մարդկային Իրաւունքների Ծանուցման» մէջ (la Déclaration des Droits de l'Homme) վճռական կերպով յայտարարուում էր, որ ոչ մի ազգ



իրաւունք չունի խառնել մի ուրիշ ազգի կառավարութեան մէջ, որ ժողովուրդները անկաս են, ինքնիշխան, որքան էլ սահմանափակ լինի նրանցից իւրաքանչիւրի թիւն ու գրաւած հողի տարածութիւնը:

Պանծայի թւական: Հիմնուած էր մի նոր միջազգային իրաւունք: Յեղափոխութիւնը՝ մոլեգին ու յաղթական՝ ուզում էր մէկ թափով տապալել համաշխարհային բռնապետութիւնը, ազատել շղթայւած ժողովուրդներին, կեանք ու ոգի տալ մարող ազգերին:

Յուսոյ մի հսկայական ճառագայթ էր այդ, որ վայրկենաբար լուսաւորեց տառապող երկրագունդը... Դրժբախտաբար, Յեղափոխութեան յաղթանակը կարճատե եղաւ: Ընտով վոյս հասաւ Նապոլէօնեան ռէակցիան, իր անդադրում ու արիւնահեղ պատերազմներով, ուր կոխկռուում ու սրբապղծում էին ժողովուրդների իրաւունքները...

Սակայն — չարիքը որքան յաճախ բարիք է ծնում — հէնց այդ պատերազմներն էին, որ մեծ, անսովոր թուիչք հաղորդեցին ազգայնական շարժումներին, հէնց նրանք էին, որ խթան եղան ազգերի վերածնութեան:

Ազգային անկախ գոյութեան սկզբունքը՝ ղեկավարող շարժառիթն էր Նապոլէօնի դէմ սկսւած կռիւները:

1813 թւին, երբ Գերմանիան դեռ ևս գրավւած էր Փրանսիական զորքերով, երբ Կորսիկացի տիտանը՝ համաշխարհային տիրապետութեան իր տենչանքներից ահամայ հրաժարելու վոյս էր արդէն, երբ պետութիւնների հզօր դաշնակցութիւնը պատրաստուում էր սանձահարել նրան, — ամբողջ գերմանական ժողովուրդը իր ազատութեան գաղափարով վառւած՝ իբրև մէկ մարդ գրոհ էր տալիս Նապոլէօնեան տիրապետութեան դէմ... Այն օրերն էին, երբ բանաստեղծ Կեօրներ հնչեցնում էր իր դիւթիչ երգը. «Աճիր գերմանական հայրենիք

մեր դիակների վրայ»... Իսկ մեծ մետափիզիկ-փիլիսոփա Գիլտե, իր անձուկ առանձնասեռեակից դուրս նետելով, մոլեգին ճառերով բոցավառում էր իր հայրենակիցներին:

Եւ — օ պատմութեան ծաղը — Բօնապարտին հալածող դաշնակից պետութիւնները իրենք էին հանդիսանում ազատութեան ասպետներ, իրենք էին բարձրաձայն յորհորում. «Ազատ եղէք, ժողովուրդներ»... Սին խօսքեր, ի հարկէ; որ շուայում էին թագաւորները տագնապի ըսպէին, երբ պէտք էր ժողովուրդների վոյս կրթնելով, յաղթահարել գոռող կամայապետին: Անցաւ վտանգը, և ազատութեան շուայ խոստումները մուռացութեան տրւին: Ռուսաստանն էր հականապոլէօնեան շարժման ղեկավարը և նրա կամքն անցաւ: Գաշնակից բռնակալները ոչ միայն չազատեցին ժողովուրդներին, այլ աւելի ևս ամրապնդեցին նրանց գերութեան շղթաները, դնելով նրանց գլխին մի վիթխարի ծանդարմ, որ անւանեցին «Սրբազան դաշնակցութիւն»...

«Քրիստոնէական ոգով տոգորւած»՝ բռնաւորները երդուում էին Վիեննայի մէջ՝ (1815 թ.) ընդհանուր ուժերով «հսկելու ազգերի խաղաղութեան վոյս», պահպանելու քաղաքական հաւասարակշուութիւնը, statu quo...

Երբէք ազգերի դէմ այդքան ահարկու դաւ չէր կազմակերպւել: Եւ դուցէ երբէք ազատութեան դահիճները այդքան անհեթեթ չէին եղել իրենց յայտարարութիւնների մէջ... «Քրիստոնէական եղբայրութիւն» էին հռչակում նրանք, իսկ այդ միջոցին լուում էր յօշուտւած Վհաստանի հեծկլտոցը, ողբում էր Խտալիան, որին մատնել էին աւստրիական բռնապետութեանը, ողբում էր Բելգիան, որին ստորագրել էին օտար Հօլլանդիային, ողբում էին գերմանացիք, որոնք քիչ առաջ ոտքի էին կանգնել՝ կոււելու յանուն ընդհանուր հայրենիք:



նիքի ազատագրութեան, իսկ այժմ ենթարկուում էին բազմաթիւ իշխանների կամայականութիւններին: Ամեն տեղ լաց ու հառաչանք: Ամեն տեղ ոտնահարուում էր ազգայնական պատիւը, մարդկային իրաւունքը: Եւրոպան իրար մէջ բաժանում էին միապետները, ինչպէս կը բաժանեն հողային անբնակ մի տարածութիւն: Չուլում էին իրար հետ տարբեր ազգութիւններ, միանգամայն տարբեր պատմական աւանդութիւններով: Բովանդակ ցամաքի ազգաբնակչութիւնը ներկայանում էր նրանց, որպէս անբան անասունների մի հսկայական հօտ, որ պէտք էր առաջ քշել մտրակով ու խարազանով և որը անմուռնչ հլու հնազանդութեամբ պարտաւոր էր հետեւել իր „աստածընտիր“ առաջնորդներին. . .

Սակայն իրերի հոսանքը աւելի ուժեղ է, քան ամենահզօր բռնակալը: Ազգերի ազատութեան գաղափարը աճեց, զարգացաւ նոյնիսկ „Սրբազան Գաշնակցութեան“ մահաբոյր գրկում: Ազատ հայրենիքի իդէալը, որ հոգի ու մարմին էր աւել Մեծ Յեղափոխութեան ցնցումների մէջ, վարակել էր արդէն գերութեան տակ հեծող ժողովուրդներին և Մետերնիխների ամենահանձարեղ դաւերն անգամ չէին կարող կանխել մերձեցող փոթորիկը: Երբ այդպիսի մի իդէալ ծնունդ է առնում ու ձևակերպուում մարդկանց գիտակցութեան մէջ, նա ձգտում է անդիմադրելի կերպով հարթել իր ճանապարհը, ոչնչացնելով բոլոր հինաւուրց կաղապարները, բոլոր քարացած կաստանները, բոլոր աղնաւանութիւններն ու իշխանութիւնները, որոնք յաւիտեան թագաւորելու տենչանքն ունին: Երբ գաղափարը կաշկանդուում է իր բնականոն առաջնադասութեան մէջ, նա դիմում է յեղաշրջումների ու կատաստրոֆների, նա դիմում է մեծ մարդկանց օգնութեան, բայց աւելի յաճախ նա կոչ է անում ժողովուրդային մեծ զանգաւածներին, մասսաներին. . . Կրա յաղթական սլացքի առաջ յետ է նահանջում

ամենանրբացած դիւանագիտութիւնը, օգն են ցնդում „հաւասարակշռութեան“, statu quo-ի թէօրիսները. . .

Ազատ հայրենիքը պէտք է յաղթանակէր, իբրև պահանջ քաղաքակրթութեան, իբրև պօստուլատ համամարդկային հոգեբանութեան:

Եւրոպական ցամաքի վրայ առժամայէս կաշկանդուած՝ ազատութեան ոգին խօսեց մի հեռաւոր անկիւնում, արեւելեան մի փոքրիկ ժողովուրդի ծոցում, Յունաստանի մէջ: Թիւրքական բռնութեան այդ մեծ զոհին էր վիճարկուած՝ առաջին անգամ Արևելքում բարձրացնել ապստամբութեան դրօշը՝ օտարի լծի դէմ:

Այդ երկրում, որ աւելի մեծ է իր պատմական յիշատակներով, քան թէ գրաւած հողի տարածութեամբ ու բնակիչների թւով՝ տասնիններորդ դարի սկզբներում առաջին անգամը երևան եկաւ ազգայնական գիտակցութիւնը մի ժողովուրդի, որ ուղում էր ազատ ապրել իր նախնիքների քրտինքով ցողած հայրենիքի մէջ:

Չարմանալի բմահաճոյքներ ունի պատմութեան փիլիսոփայութիւնը: Ա՛յլ կարող էր կարծել, որ հայրենիքի գաղափարը աւելի շուտ պիտի յաղթանակէր դարերով ստրկացած այն հեռաւոր խորշերում, քան թէ անհամեմատ աւելի քաղաքակիրթ Արևմուտքում. . .

Ապստամբութիւնը պայթեց: Կանարիսների և Բօցարիսների ռազմակօչը հազարաւոր արձագանքներով շառաչեց Եւրոպայում: Հանրային կարծիքը խլրտաց և ցնծութեամբ գրկեց հելլենների դատը: Մարդկային վեհանախնութեան հաղադէպ վարկեաններ. . . Արևմուտքի — տակաւին Ֆէօդալական, միապետական Արևմուտքի — ամբողջ ինտելիգենտ ընդհանրութիւնն էր, որ Բայրօսների ու Շատօբրիանների առաջնորդութեամբ արշաւում էր օսմանեան բռնապետութեան դէմ՝ յանուն ըստրկացած ազգերի անկախութեան, յանուն Հայրենիքի անբռնարարելի իրաւունքների:



Գիւանագիտութիւնն անգամ, երկար տատանումներէց յետոյ, օգնութեան հասաւ կուռղ Յունաստանին — հաճելի էր սպիտակ ցարին՝ հարւածել Թիւրքիայի ամբողջութեանը — և այդպիսով „Սրբազան Գաշնակցութեան“ հիմքերը խախտեցին. . .

Եւ արեան գետերի, անբաւ զօհողութիւնների գնով վերածնեց փիլիսոփայութեան ու գեղարւեստի հռչակաւոր որրանը, իր վերածնութեամբ նւիրագործելով „Ազգայնութեան Ազգբունքը“:

Չենք կանգ առնում մանրամասների վրայ: Թէ ի՞նչ պէս են զարգացել, ի՞նչ պայմաններում են վերածնել այլ և այլ ազգերը, դա առարկայ է պատմագրութեան, — մենք միայն հետևում ենք գ ա ղ ա փ ա թ ի աստիճանական առաջադիմութեան:

Վերբերը հետևեցին յոյների օրինակին, տաճկահայատակ ուրիշ ազգերը ևս յաջորդաբար պարզեցին անկախութեան դրօշը և ճաճկաստան կոչւած վիթխարի դիակը հետզհետէ անդամահատեց, յարութիւն տալով դարերով նահատակ ժողովուրդներին: Պատմական մի անգրդւելի օրէնք էր այդ աստիճանական անդամահատումը որ դեռ չէ ասել իր վերջին խօսքը:

Մտրուկ ազգերի անկախութեան գաղափարը միշտ աւելի մեծ խանգով արծարծեց նաև եւրոպական Արևմուտքում: Ազատութեան ոգին տասնիններորդ դարում, կարելի է ասել, դուրս կոչեց անյայտութեան անգնդից անկախ, ինքնավար ազգերի մի ամբողջ շարան — Բելգիա, Ունգարիա, Իտալիա, Յունաստան, Վերբիա, Ռուսմանիա, Բուլգարիա և այլն, որոնք մինչ այն՝ սոսկ ցեղագրական արտայայտութիւններ էին, առանց քաղաքական յաւակնութիւնների, այժմ գարձան մի մի ազգային պետութիւններ, իրենց ինքնատիպ, ուրոյն կերպարանքով, — մի մի գործօններ քաղաքակրթութեան:

### IV

## ՀԱՅՐԵՆԻՔԻ ԳԱՂԱՓԱՐԸ ԵՒ ՍՕՑԻԱԼԻԶՄԸ

Հայրենասիրութիւն և հայրենամոլութիւն. — Ազգայնական կոնիւնք. — Ինչպէ՞ս հաշտեցնել ազգայնութիւնը մարդկայնութեան հետ. — Տեսակէտներ. — Սօցիալիզմը և մեջազգայնութեան դաւանանքը. — „Կօմմունիստական Մանիֆէստ“ . — Աշխատաւորները հայրենիք չունն՞ն . . .

Աւանդ հայրենիքի գաղափարը, ազգային անկախութեան վեհ սկզբունքը ունեցաւ և իր ստեղծարարին կողմերը. . . Ինքը գաղափարը մեղաւոր չէր այդտեղ, — մեղաւոր էր անզուսպ ծայրայեղութեան ոգին: Շօվինիզմ, նւաճողական տենդ, ազգերի անհաշտ հակամարտութիւն, — ահա այդ ստեղծները:

Մեծ գաղափարներին ասես վիճակած է միշտ խեղճութիւրեւել ու ալլասեուել: Հայրենիքի գաղափարը նոյն ճակատագիրն ունեցաւ, ինչ որ ազատութեան գաղափարը Մեծ Յեղափոխութեան միջոցին: Երբ այդ վերջինը թափուի արագութեամբ հաստատեց բուրժուազական ազատութեան ուժիւր, գրեթէ անմիջապէս հետևեց նրան սարսափելի հակահարւածը, — խանդավառութեան սրբազան կրակը փոխարկեց շուտով մի մտայն ու ահաւոր խարոյկի, որը անյագ լրափում էր ազատութեան զինւորներին:

Այո. հայրենիքի, ազգայնութեան պաշտամունքը ևս ունեցել է և ունի տակաւին իր Եակօբիները, իր Ռօբեսպիէտներն ու Մարտաները: Նրանց բնորոշ գծերն են ամեն տեղ՝ ասելութիւն և սանձարձակ մոլեգնութիւն:



Ոչ մի ազգ, դժբախտաբար, զերծ չէ „ազգայնական նախապաշարունակներից“ . . . Անգամ արևմտեան հասարակութիւնների մէջ՝ միջին քաղաքացին, իր ազգային հըպարտութիւնը հասցնելով գոռոզութեան՝ հակած է ներբողել իր հայրենիքի առաքինութիւնները և նսեմացնել ուրիշ, մանաւանդ հակառակորդ ազգերին: Ազգային դրօշը հանդիսանում է յաճախ, որպէս խորհրդանշան տխուր, քստմնելի արարողութիւնների. նրա անունով սրբագործուում են ամենազագրելի ոճիրները ընդդէմ մարդկայնութեան . . .

Եւ այդ ողբալի գրութեան արտայայտութիւնն է այսօր քաղաքակիրթ մարդկութեան վրայ կոշմարի պէս ծանրացող ս պ ա ու ա զ է ն խ ա ղ ա ղ ու թ իւ ն ը, ուր անկախ, վերածնւած, լուսաւոր ազգերը, ոտից ցգլուխ վնւած՝ պատրաստ են ամեն վայրկեան գրոհ տալ իրար դէմ և չնչին պատրւակներով արեան գետեր հոսեցնել . . .

Ինչպէս խուսափել այդ այլանդակ ծայրայեղութիւններից, ինչպէս արդեօք զուգարել, հաշտեցնել հայրենիքի ս է բ ը և ս է բ ը դ է պ ի հ ա մ ա յ ն մ ար դ կ ու թ իւ ն ը . . . Ահա մի մեծ հարց, որ մեր օրերում այնքան սաստիկ յուզումէ կրքերը և այնքան հրատապ այժմութիւն է վայելում: Խաղաղութեան առաքեալներ, կրօնի վարդապետներ, փիլիսոփաներ և ամեն կարգի մարդասէրներ առաջարկել են լուծման այլ և այլ եղանակներ. . . Բայց նրանք բոլորն էլ — քրիստոնէութեան առաջին օրերից ի վեր — պոռոյտ են գալիս կախարդական շրջադժի մէջ և անկարող են տալ արմատական, իրական լուծում:

Քրիստոնէութիւնը սկզբունքով վերացրեց ատելութիւնը և քարոզեց սէր ու եղբայրութիւն բոլոր մարդկանց մէջ: Բայց — հակասելով իր հիմնական սկզբունքին — նա թողեց յարատեւել անհաւասարութիւնը՝

հարստի ու աղքատի, տիրոջ ու հպատակի, բռնաւորի ու ստրկի: Աւետարանը մուտք գործեց ամեն տեղ դարձաւ տիեզերական, բայց մարդիկ շարունակեցին խողխողել իրար, աշխարհը շարունակեց թատերաբեմ լինել Մովսիսական դժնդակ օրէնքի՝ „ակն ընդ ական“ ի արհաւիրքների . . .

Չօգնեցին կրօնները, չօգնեցին և հանճարեղ փիլիսոփաները իրենց անհամար բարոյագիտական կողէքսներով, օրինագրքերով: Մաքի տիտանները տարիների ընթացքում ճառեցին „Վերագոյն Բարիքի“ և „Վատեգօրիկ հրամայական“ ների մասին, կառուցեցին տիեզերական խաղաղութեան հոյակապ ծրագիրներ . . . բայց նրանք բոլորն էլ սապնի փշտիկների պէս օդն էին ցնդում, զարնւելով իրականութեան անսասան ապառաժին:

Բարոյական քարոզներ: Ի՞նչ է նրանց դերը հասարակական ցաւերի ովկիանում . . .

Բայց ահա հասունացաւ Սօցիալիզմի վարդապետութիւնը: Նա ձգտեց դուրս վանել սօցիօլոգիայի աշխարհից բարոյագիտական մարզանքները և յենւելով առողջ, ռեալիստ աշխարհայեցողութեան վրայ՝ շեշտեց, որ տիեզերական չարիքները մի անգամ ընդմիշտ վերացնելու համար՝ պէտք է վերացնել նրանց անունդ տուող պատճառները, — անտեսական և բարոյական հարըստահարութեան բոլոր ձևերը: Միջազգային խաղաղութիւնն ու եղբայրութիւնը վեհ իդէալներ են, բայց նրանց հասնելու համար պէտք էր կոչ անել դրական գործօնների, պէտք էր հրատարակել չարիքների դէմ անողոք կռիւ . . .

Պէտք էր ոչնչացնել դասակարգերը, քանի որ դասակարգային տիրապետութիւնն է յաճախ ծնունդ տալիս աղբերի մրցման, շօվինիզմի և պատերազմների: Պէտք էր ոչնչացնել բուրժուազական մասնաւոր սեփականութիւնը, քանի որ նա է մայր-պատճառը դասակարգային բա-



ժանուճների և բիւրաւոր չարիքների:

Եւ սօցիալիզմը հրապարակ եկաւ, մի ձեռքում բըռնած սիրոյ աւետարանը — իր իդէալը — միւս ձեռքում՝ սուրբ, գերագոյն միջոցը դէպի այդ իդէալը:

Կա հրապարակ եկաւ մի ջազգայն ու լ թ ե ա ն (Internationalisme) դաւանանքով և յայտնեց ամենազօրեղ հակակշիռը ազգայնամոլ ծայրահեղութիւնների և ազգայնական հակամարտութեան . . .

\* \* \*

1871 թւականին էր. պատմական մի մեծ, արիւնոտ դրամայից յետոյ, երբ դիւցազնական ֆրանսիան, ուժասպառ, յաղթահարւած, փուռել էր Բիսմարկի ոտքերի տակ և ամբողջ միացեալ գերմանիան, շփնիզմի արբեցութեան մէջ, խրախճանքներ էր կատարում, „Deutschland über Alles!“ որոտալով, յանկարծ, բոլորովին անսպասելի կերպով լըւեցին գերմանական Ռայխստագի մէջ ազգային այդ գերագոյն հիմնարկութեան մէջ բողոքի շանթալից ձայներ, ցասման աղաղակներ բիսմարկեան քաղաքականութեան դէմ . . . Երկու գերմանացի պատգամաւորներ էին դրանք, որ քաղաքացիական աննման արիութեամբ, ամբողջ Ռայխստագի գոռոււմ-գոչումների մէջ՝ իրենց գարշաւքն էին յայանում օրւայ դըժընդակ հերոսին, նշուակում էին Էլզաս-Ղօտարինգիայի „յափշտակումը“ և իրենց եղբայրական ողջոյնն էին յղում Փրանսիական պրօլետարիատին:

Երկու սօցիալիստներ էին — Բ է բ է Լ և Լ ի բ կ ն ե խ ա : Բիսմարկեան հայրենիքը անիծեց նրանց, իսկ բուն քաղաքակիրթ աշխարհը, բոլոր ազնիւ մարդիկ հրճւանք զգացին երկու պերճախօս առաքեալների հանդէպ, որոնք խիզախեցին կտրել ազգային նախապաշարունակների լեռը և կանգնել զուտ մարդկային տեսակէտի վրայ: Այդ վերջինը սօցիալիզմի տեսակէտն էր

և երկու պատգամաւորները իրենց տարրական պարտքն էին կատարում, իբրև սօցիալիստ:

Առաջին անգամ այդ տեսակէտը որոշ ու յստակ ծանուցեց աշխարհին Մարքս-Էնգելսեան հռչակաւոր „Մանիֆէստի“ մէջ, որը 1848 թւի փետրւարեան մրրկոտ օրերի վաղորդայնին՝ հրապարակ նետեց ծանօթ մարտակոչը. „Պրօլետարներ բողոք երկրներ միացէք“ . . .

Երկար տարիներ այդ կոչը մնաց անարձագանք և միայն 1864-ին դարձաւ կենդանի իրականութիւն: 1864-ին նոյն Մարքսի ջանքերով հիմնեց Լօնդօնում „Միջազգային Բանւորական Գաշնակցութիւնը“, որը հռչակեց բողոք ազգերի եղբայրակցութիւնը յանձին աշխատաւոր մասսաների:

Նոր աւետարան էր այդ, տարբեր նախկիններից, այն էական յատկութեամբ՝ որ քարոզում էր իր հաւատացեալներին կազմակերպել մի ջազգայն համերաշխութեան հողի վրայ և անդադրում պատերազմել . . . Պատերազմել կապիտալիզմի ու շփնիզմի դէմ, աշխարհակալական տենչանքների, ժողովրդասպան պատերազմների դէմ:

Նոր աւետարանը տարածեց արագութեամբ, գտաւ մեծ թւով համախոհներ բոլոր երկրներում: Մի ջազգայն ու լ թ ե ա ն դաւանանքը շեշտեց յարաձուն ուժգնութեամբ սօցիալիստական մամուլի մէջ, հրապարակական միտինգներում, ազգային ու միջազգային կոնգրէսներում:

\* \* \*

Եւ ահա հարց. ո՞ւր էր մնում սօցիալիզմի այդ յաղթական առաջնաղացութեան դիմաց, ո՞ւր էր մնում միջազգայնութեան այդ որոտագոչ փառաբանումների միջոցին՝ ազգայնութեան հինաւուրց գաղափարը: Արդեօք



հայրենասիրական խանդը մարեց նոր հոսանքի այլքների մէջ, հայրենիքի կուլտը վերացաւ . . .

— Անտարակոյս, բացականչում է Փանատիկոս նորակունները, որ սօցիալիզմի այբուբէնն անգամ սովորելու ճիգ չէ արել:

Մենք կարծում ենք հակառակը: Եւ մեզ վկայ են այն յաճախակի և վճռական բողոքները, որ յայտնում են քաղաքակրթւած երկրների սօցիալիստները, ամեն անգամ, երբ բուրժուա-հակառակորդը շարտում է նրանց երեսին «անհայրենիք», «հակազգային» մակդիրները:

Մենք կարծում ենք, որ սօցիալիզմի մէջ հայրենիքի գաղափարը գտեց միայն, ստացաւ իր իսկական, վեհ կերպարանը:

Անշուշտ, կան որոշ «ֆորմուլներ» (բանաձև), որոշ արտայայտութիւններ սօցիալիստական ֆրազաբանութեան մէջ, որոնք մոլորութեան պատճառ են լինում, որոնք ընթերցողին — մանաւանդ անպատրաստ, մակերեսային ընթերցողին — կարծել են տալիս, թէ սօցիալիզմը ժրխտում է հայրենիքի գաղափարը, թէ նա թշնամի է ազգայնութեան:

Գեռ 1847 թւին, նոյն մեր յիշած Մանիֆէստի մէջ կարելի է տեսնել յայտարարում էր հանդիսաւոր կերպով, թէ «աշխատաւորները հայրենիք չունեն»: Այդ խօսքը այնուհետեւ մտաւ, այսպէս ասած, շրջանառութեան մէջ, նրան աւելացան ուրիշ նոյնիմաստ խօսքեր ու դարձաձոներ, ինչպէս օրինակ՝ *ubi bene ibi patria* — ուր շահ ունիմ, այնտեղ է իմ հայրենիքը — և այլն: Եւ նորահաւատները ամեն տեղ եռանդով կրկնեցին ստարածեցին, առանց հետաքրքրելու, թէ երբ և ինչ պայմաններում են գործածուել այդ խօսքերը սօցիալիզմի վարդապետների մօտ, առանց իմանալու, թէ որքան նրանք համապատասխան են իրականութեան, հասարակական-մասսային հոգեբանութեան . . . Կեանքի

գաղտնիքները առհասարակ շատ աւելի բարդ են, քան պարզ սիմպլիստ «բանաձևերը»:

Կան ֆորմուլներ, որոնք ունեն միայն ժամանակաւոր գոյութեան իրաւունք: Որեւէ մեծ տաղանդ, հասարակական որեւէ մեծ շարժման մի նախաձեռնող հրապարակ է նետում նրանց, շարժման սկզբնաւորութեան մէջ, — և ծայրայեղ, էնտրանզիտան ձեռով, — այն գիտակցութեամբ՝ որ այդ տարածքի ֆորմուլները, թէպէտ և չունին մնայուն արժէք, բայց հէնց շնորհիւ իրենց սուր արտայայտութեան, մեծապէս օգնում են ազգի ազատագրության — մտքերի յուզման — իրենց նորութեամբ զարնում են մարդկանց ջղերին, բնորոշում են նոր սկսած շարժումը և հաղորդում նրան ցանկալի թուիչքը: Սակայն յետագայում, երբ բացայայտում է նրանց ներքին տկարութիւնը, նրանք այլևս չեն յուզում մարդկանց, այլ յաճախ պատճառում են հիասթափութիւն միայն:

Այդ բնոյթն ունին Վաքարի և Էնգելի բերանով հռչակած մի քանի ֆորմուլներ:

Սօցիալիստական միտքը 1847-ին, նոյնիսկ յանձին իր ամենափայլուն ներկայացուցիչների, դեռ ևս անորոշ էր, տարտամ, խարխափուն: Միևնոյն ժամանակ նա նեղ էր, էնտրանզիտան (անհաշտ, չիրաւախօհ):

Նեղ էր դասակարգի հասկացողութիւնը, նեղ էր և պրօլետարիատի պատմական կոչման ըմբռնումը: Սօցիալիզմի հիմնադիրներին թւում էր, թէ աշխատաւոր դասակարգը լիակատար ինքնաձանաչութեան հասնելու համար՝ պէտք էր խորտակէր բոլոր աւանդական կապերը, որոնք շղթայում են նրան ազգային կեանքի հետ: Նրանց թւում էր, թէ կապիտալիզմը ճակատագրական ձգտումն ունի՝ միշտ աւելի և աւելի ստորացնելու բանւոր դասակարգը, խլելու նրանից գոյութեան բոլոր երաշխիքները, նրան դուրս շարտելու նոյնիսկ հայրենիքի, ազգութեան սահմաններից:



„Աշխատաւորները հայրենիք չունեն“ հռչակաւոր ֆրազը, ուզում է հէնց ասել, որ այդ աշխատաւորները ստոր են դուած հայրենիքից, քանի որ նրանք և՛ կողոպտուած են և՛ անարգուած և՛ բռնաբարուած իրենց ամենասուրբ իրաւունքների մէջ:

Բայց այդ ֆորմուլի մէջ եղած անպատեհութիւնը չէր կարող խուսափել Մարքսի և Էնգելսի սուր գիտողութիւնից: Ա զ գ ա յ ի ն ս ա հ մ ա ն ն եր ի մ է ջ է, որ պրօլետարիատը պիտի մղէր իր դասակարգային կըռիւր: Ա զ գ ա յ ն օր է ն է, որ նա պիտի կազմակերպէր կոմունիստական (համայնական) աշխատանքն ու արդիւնագործութիւնը: Եւ ահա միւսնոյն „Մանիֆէստի“ մէջ մենք կարդում ենք.

„Պրօլետարիատի կռիւր բուրժուազիայի դէմ եթէ ոչ իր պարունակութեամբ, գոնէ իր ձևով պէտք է լինի նախ և առաջ ազգային կռիւ պէտք է, բնականաբար, որ իւրաքանչիւր երկրի պրօլետարիատը նախ վերջացնէ իր հաշիւները իր սեփական բուրժուազիայի հետ“:

Ապա կարդում ենք և հետևեալը.

„Պրօլետարիատը նախ պիտի նւաճէ քաղաքական իշխանութիւն, բարձրանայ ազգային դասակարգի աստիճան, կազմակերպէ ինքն իրեն որպէս ազգ. այդ մտքով նա դեռ ազգային կերպարանք ունի, թէպէտ և ոչ բնաւ բուրժուազիայի իմաստով“:

Այդպիսով, թուում է թէ բանւոր դասակարգի զուտ ազգային գոյութիւնը, ըստ „Մանիֆէստի“, մի վայրկեան է միայն պատմութեան ընթացքում, — այն վայրկեանը, երբ այդ դասակարգը պիտի ձեռք բերէ քաղաքական իշխանութիւն իր հայրենիքում: Այնուհետև նա յայտնուում է գ ու ըր ս ազգայնութիւնից, այնուհետև նա դառնում է մի մասը տիեզերական-կոմունիստական հայրենիքի:

Մարքսեան դպրոցի շրջահայեաց մտքերը, նրանք՝ որոնք սովորել են քննադատաբար վերաբերւել ուսուցչի խօսքերին և ոչ թէ սերտել ու կրկնել սարկօրէն, — մերժում

են այսօր „գիւլէքտիկայի“ այդ խ ա ղ ը, մետաֆիզիքական այդ ֆորմուլները: Մետաֆիզիքական՝ այն պատճառով, որ չեն հիմնուած ստոյգ փորձի վրայ, իրական կեանքի ճիշտ ծանօթութեան վրայ:

Երբէք, տասնիններորդ դարի դասակարգային արիւնահեղ կռիւների միջոցին և ներկայ օրերում, երբէք չենք գիտում, որ եւրոպական այս կամ այն երկրի պրօլետարիատը, բուն աշխատաւոր ընդհանրութիւնը խղէր իր կապերը հայրենիքի, ազգայնութեան հետ. երբէք չենք տեսնում, որ նա ժխտէր այդ գաղափարների հետ անբաժան կապուած տենչանքները, աւանդութիւնները, յուշերն ու յոյսերը . . .

Քրանսիական պրօլետարիատը, որ ամենամեծ ճակատամարտներն է մղել նախորդ դարի ընթացքում, — 1830-ին, 1848-ին և 1871-ին — որոնցից երբեմն սասանւել է ամբողջ տիեզերքը, որոնք երբեմն ազդանշան են տւել և բուն կեցրել ապստամբութեան հրդեհը ուրիշ երկրներում, — Քրանսիական պրօլետարիատը երբէք, մի վայրկեան անգամ չէ մոռացել ազգային պանծալի աւանդութիւնները, որոնք բղխում են 1789-ի գիւցաղնական օրերից և որոնք ընդհանուր սեփականութիւն են ոչ միայն բանւորական այլև բուրժուազական — մանր ու խոշոր — դէմօկրատների: Քրանսիական պրօլետարիատը, հրահանգուած իր այդ թովիչ աւանդութիւններից՝ կոււել է միշտ անսասան հաւատով դէպի քաղաքական — ոչ զուտ բանւորական — յեղափոխութեան ամենակարող ուժը, և նա կոււել է միշտ ներշնչուած այն հպարտ գիտակցութեամբ՝ որ Քրանսիական հայրենիքը կուչած է դեր խաղալ տիեզերական ազատագրութեան հոյակապ գործում . . .

Ահաւասիկ փաստեր — իսկ դրանք են իշխում, կարելի է ասել, տասնիններորդ դարի սօցիալական շարժման զարգացման վրայ — ահաւասիկ փաստեր, որոնք պերճախօս ժխտումն են բերում այն վերացական ֆոր-



մուշներին, թէ՛ „աշխատաւորները չունեն հայրենիք“, թէ՛ „ուր շահ ունիմ, այնտեղ է իմ հայրենիք“:

Պրօլետարական կռիւր ոչ միայն իր ձեռով այլև իր էութեամբ, իր բովանդակ կերպարանքով ազգային դրօշմ է կրում բոլոր երկրներում — և ազգայնութիւնը ներկայ դէպքում հանդէս է գալիս իր լաւագոյն իմաստով, կատարեալ ներդաշնակութեան մէջ՝ մի ջ ա զ գ ա յ ն ու թ ե ա ն գ աղ ափարի հետ:

Միւս կողմից — հարկ կայ արդեօք շեշտել — գալոց համաշխարհային կօմունիզմն էլ չէ պատկերանում առողջ դատողութեանը, իբրև մի վիթխարի, տիեզերական կենտրօնացումն, այլ իբրև դ ա շ ն ա կ ց ու թ իւ ն աղ ա տ ու ի նքնակայ համայնքների-հայրենիքների...

V

ԴԵՊԻ ԻՐԱԿԱՆՈՒԹԻՒՆ

Մարքս եւ Էնգելս շտկում են 1848 թւի վրիպումները. — Ազգային ինտերի հզօր ծաւալումը. — Սօցիալիզմը՝ միշտ աւելի եւ աւելի ունակաւոր:

Արբ Մարքսի երկու ըստ երևոյթին հակասական ֆօրմուլները — „Աշխատաւորները հայրենիք չունեն“ և „Պրօլետարիատը պիտի կաղմակերպւի իբրև ազգ“ — կարող են հաշտուել մէկ պայմանով միայն՝ որ սօցիալական յեղափոխութիւնը կատարւի արագութեամբ, որ մէկ թափով պրօլետարիատը գերիշխանութիւն ստանայ իր հայրենիքում և փոխարինէ բուրժուա-ազգութիւնը՝ պրօլետար-ազգութեամբ: Այլապէս երկու ֆօրմուլների հաշտութիւնը անհնարին է: Եթէ պրօլետարիատի յաղթանակը պիտի ձեռք բերւի ոչ թէ յանկարծական մի յեղաշրջումով, այլ միայն մաս-մաս, աստիճան-աստիճան, ապա ուրեմն մենք պիտի ունենանք հասարակական էւօլուցիայի մէջ մի երկարատև շրջան, ուր պրօլետարիատը թէպէտև տակաւին չպիտի նոյնանայ ազգութեան հետ, այնուամենայնիւ նա պիտի պահպանէ և ուժեղացնէ նրան — իր ազգութիւնը — պիտի ձգտէ զարգացնել նրա արդիւնաբերութիւնը, պիտի ապահովէ նրա անկախութիւնը — թէկուզ հէնց միլիտարիզմի և ուրիշ չարիքների գնով — պիտի ապահովէ ընդգէմ արտաքին թշնամիների, ընդդէմ հնարաւոր յարձակումների...

Այդ երկարատև շրջանում, ուրեմն, աշխատաւորները,



պրօլետարիատը պիտի կանգնած լինեն զուտ ազգայնական հողի վրայ, պիտի պաշտպանեն ոչ միայն իրենց, այլև հակառակորդ դասակարգի շահերը, ընդհանուր ազգի, հայրենիքի շահը:

Մարքսեան Փորմուլների ճշտութիւնը, ուրեմն, կախած է նրանից, թէ ինչպէս պիտի վրայ հասնի սօցիալիզմի լիակատար յաղթանակը, թէ մօտաւորապէս ինչ եղանակով պիտի կատարուի բուրժուազական կարգերի տապալումը... Բի հարց, որ այլևս պարագ, կարենետային հարց չէ այսօր, այլ առաջնակարգ կարևորութիւն ունեցող մի խնդիր, որ զբաղեցնում է սօցիալիզմի թէօրիատիկոսներին և որ այնքան մեծ դեր խաղաց ու զղափառ է կրիտիկոս մարքսիստների միջև բորբոքած հակառակութեան ու սուր պայքարի մէջ:

Սօցիալիստական աշխարհում երբեմն տիրում էր այն համոզումը՝ որ սօցիալիզմի յաղթանակը մօտ է, որ աշխատաւոր մասսաները փութով ու դիւրութեամբ կը գրկեն նոր աւետարանը, քանի որ այնքան նա հրապուրիչ էր, այնքան պարզ ու հասկանալի էին նրա հրահանգները...

Այդ թիւրիմացութիւնը, որ տակաւին չէ բարձւած սօցիալիստական շարքերից, գալիս է հէնց Մարքս-Էնգելսեան Մանիֆէստից: Երկու ռազմիկները, տարւած ծայրայեղ լաւատեսութեամբ, յեղափոխական յափշտակութեան մէջ՝ մարգարէանում էին, որ բուրժուազական յեղափոխութեանը զերմանիայում շուտընդիոյթ կը հետևէր սօցիալական յեղափոխութիւնը, բուրժուազիայի վերջնական տապալումը...

Անցաւ այն օրերից աւելի քան կէս դար, — բուրժուազական հասարակութիւնը ոչ միայն կանգուն մնաց, այլև, դժբախտաբար, ցոյց տւեց այնպիսի կենսունակութիւն, որ «Մանիֆէստի» հեղինակներից մինը, Քրիտիկոս Էնգելս, ստիպւած եղաւ իր մահից քիչ առաջ

հրապարակ հանել հետեւեալ պարզ ու նշանակալից խոստովանութիւնը.

«Պատմութիւնը շարժարարեց մեզ և բոլոր ուրիշներին, որոնք մեզ պէս մտածելով 1848 թւին հաւատում էին պրօլետարիատի յաղթանակին շատ մօտ ապագայում: Նա պարզ ցոյց տւեց, որ սնտեսական զորդացման վիճակը եւրոպական ցամաքի վրայ այն ժամանակներում դեռ բնաւ այնքան հասունացած չէր, որ կարելի լինէր սնչացնել կապիտալիստական արդիւնազօրծութիւնը: Նա ապացուցեց այդ սնտեսական այն յեղափոխութեամբ, որը 1848-ից սկսած զբաւեց ամբողջ ցամաքը և իրօք մտցրեց խոշոր ինդուստրիան Ֆրանսիայում, Աւստրիայում, Ռեզպարիայում, Ահատանում, իսկ վերջերս նաև Ռուսաստանում, այն ինչ Վերմանիայից ստեղծեց առաջին կարգի արդիւնաբերական երկիր, — ամեն տեղ սնտեսական յեղափոխութիւն կապիտալիստական խարխիւի վրայ... Եթէ պրօլետարիատի այսօրւան հզօր բանակն անդամ դեռ ևս չէ հասած իր նպատակին, եթէ նա՝ հեռու մի հարւածով յաղթից դիրք անցնելով յամառ ու դժնդակ պայքարի մէջ — դա հաստատապէս ապացուցանում է, որ անհնարին էր 1848-ին առաջ բերել սօցիալական յեղաշրջումը ըսկ անակրնկալ մի յարձակումով... Այդպիսի անակրնկալ հարւածների ժամանակն անցել է: Այնտեղ ուր հասարակական կազմակերպութեան լիակատար կերպարանափոխման հարց է դրւած, այնտեղ իրենք մասսաները պետք է մասնակցեն, պետք է հասկանան, թէ ինչի համար են կռիւ մղում իրենք: Բայց որպէս զի մասսաները հասկանան իրենց անելիքը, անհրաժեշտ է երկարատև, անդուլ աշխատանք»:

Գա Մարքսիզմի վերջին խօսքն է, նրա ամփոփումը: Մարքսիզմը գրանով շտկեց իր խոշոր վրիպումներից մինը, և «կատաստրօֆային թէօրիայի» հետ ինքն ըստ ինքեան յաղթահարեցին նաև Փորմուլները՝ հայրենիքի ու ազգայնութեան մասին:

\* \* \*

Վկրում տարտամ, անորոշ ու անստոյգ՝ մարքսիստական վարդապետութեան հիմնական գաղափարները, շը-



նորՏիւ քննադատող մտքի առաջադիմութեան, յետագայում սրբագրւեցին, և ինքը վարդապետութիւնը միշտ աւելի և աւելի դարձաւ ու է ա լ ի ս տ ա կ ա ն, միշտ աւելի և աւելի համապատասխան իրականութեան:

Այ՛, յոյսերը չափազանց վարդագոյն էին 1848-ին և մարգարէութիւնները՝ չափազանց յախուռն ու հապաճեալ: Մարքսեան Մանիֆէստը խօսում էր միայն դասակարգային կռիւն երի մասին, այնինչ գրեթէ միայն ազգային ազատ կռիւններն էին, որ այնուհետեւ լցրին համաշխարհային պատմութիւնը: Մարքս և Էնգելս առհասարակ շատ էին ցած գնահատում ազգայնական գործօնի դերը պատմութեան մէջ... Գրչի մի հարւածով նրանք չէզոքացնում էին ազգերի դարաւոր ներհակութիւնը:» Ժողովուրդների ազգային բաժանումներն ու հակառակութիւնները — ասում են նրանք Մանիֆէստի մէջ — միշտ աւելի և աւելի կորչում են արդէն, շնորհիւ բուրժուազիայի զարգացման, առևտրի ազատութեան, համաշխարհային վաճառանոցին, շնորհիւ ինդուստրիական արդիւնագործութեան միակերպութեան և նրան համապատասխանող կենսական պայմաններին»...

Որքան այդ բոլորը հեռու է իրականութիւնից... Մանիֆէստի հեղինակները չէին կարող նախատեսել ազգային խնդրի անսովոր ծաւալումը և նրա հզօր արտայայտութիւնները... 1848-ից յետոյ, ժողովուրդային այնքան բողոքաբանութիւն և համատարած ցնցումների մէջ գերիշխող փաստը՝ պրօլետարական, կոմունիստական գործողութիւնը չէր, այլ ստրկացած ու պառակտւած ազգերի — Իտալիայի, Ունգարիայի, Ղեհաստանի, Գերմանիայի — հսկայական ճիգը՝ թօթափել օտարի կամ հարազատ բռնաւորի լուծը և կազմակերպել իբրև ինքնուրոյն, ազգայնական ռամկավար մարմիններ:

Պատմական հրահանգիչ փորձութիւնները համոզեցին Մարքսին, որ նրա սկզբնական գուշակութիւնները

պրօլետարիատի արագ ու յաղթական առաջխաղացութեան մասին՝ անհիմն էին, որ նրա հասկացողութիւնը ազգային մեծ խնդրի կատարելիք դերի մասին մութ ու տարտամ էր, նրա Փորմուկները՝ խախուտ, վերացական:

1851-ին և 52-ին գրած «Յեղափոխութիւնը և Հակայեղափոխութիւնը» վերնագրով իր աշխատութեան մէջ՝ կարլ Մարքս այլևս սոսկ «գասակարգային կռիւ», բանւոր դասակարգի անջատ գործողութեան և «պրօլետարիատի մօտալուտ յաղթանակի» ջատագովը չէ, ոչ էլ մարգարէն. նա ցու է յայտնում, որ ֆրանկֆուրտի հռչակաւոր պարլամենտը չկարողացաւ ստեղծել գերմանական ազգի միութիւնն ու ուժը...

«Քանի դեռ հողը չէր մարքւած բանւորների անկախ գործողութեան համար, քանի դեռ հաստատւած չէր ընդհանուր և ուղղակի ընտրողական իրաւունքը, քանի դեռ երեսունութեց մեծ ու փոքր պետութիւններ շարունակում էին կտրատել Գերմանիան անթիւ մասնիկների, — ի՛նչ կարող էր անել պրօլետարական կուսակցութիւնը»... և այլն:

Հետևելով նոյն տրամաբանութեան, Մարքս և Էնգելս մի քանի տարի յետոյ, ջերմ պաշտպան կանգնեցին Իտալիայի ազգային միացման:

Այսօր, աւելի քան յիսուն տարի է անցել, արևմտեան Եւրոպայում կազմակերպւել են արդէն անկախ ազգութիւններ, ռամկավարական կարգերով, — բայց մենք տակաւին հեռու ենք այն վիճակից, երբ պրօլետարիատը կարող է մղել՝ Մարքսի արտայայտութեամբ՝ «իր սեփական կռիւր»...

Յիսունական թւականներից յետոյ Մանիֆէստի Փորմուկները ազգայնութեան ու հայրենիքի մասին արձագանք չգտան սօցիալիստական աշխարհում: Մարքս և Էնգելս ինչպէս և նրանց հեղինակաւոր աշակերտները, կամ իսպառ հրաժարւեցին նրանցից, կամ թէ թողնեալ ազգերի ձուլման կնճռոտ խնդիրը գալոց դա-



րերին: Պատճառը... ինքը արիւնոտ իրականութիւնն էր, ուր ճնշած, կոխկռտած աղգութիւնները, որպէս հակա-յական մի մարտադաշտում, մորեղնութեամբ գրոհ էին տալիս իրենց դարաւոր հարստահարիչների դէմ, տենչա-լով ազատ, ինքնուրոյն գոյութեան: Ունգարիան, Իտալիան ապստամբել էին Աւստրիայի դէմ և արիւնոտուում էին հերոսական ճակատամարտերում: Լեհաստանը, պատ-մութեան այդ խորթ, թշուա զաւակը, գալարուում էր ցարի ոտքերի տակ և զիւցազնական թռիչքներ էր գործում՝ իր ազատութիւնը վերստանալու համար: Ապա Արևելքի մանր աղգերը՝ Բուլգարիան, Կրետէն, Մակե-դոնիան, Հայաստանը՝ իրենց պարբերական երերումնե-րով... Ամենքն էլ ազգային դրօշակն էին պարզում, ամենքն էլ ձգտում էին պատաււոր դիրք բռնել արե-գակի տակ:

Հրահանգն էր այդ իրականութիւնը... և սոցիա-լիզմի թէօրեափոխները ստիպւած եղան աղգայնութեան ըմբռնումի մէջ՝ «ստամոքսային» պատճառներից դուրս հաշի առնել նաև ուրիշ մոմէնտներ, հոգեբանական կարգի պատճառներ:

Հեռու աղգայնութեան վրայ խաչ գնելու մտքից՝ նրանք ընդհակառակը, իրենց մանիֆէստների, հրապա-րակական ճառերի ու յօդուածների մէջ ամեն մի առթիւ ինամբով շեշտեցին, որ միջաղգայնութեան գաղափարը, ին տ եր ն ա ց ի օ ն ա լ ի զ մ ը, միանգամայն հաշտուում է աղգայնութեան գաղափարի ու հայրենասիրութեան հետ: Ոմանք ուղղակի և բացարձակապէս հռչակեցին հայրենիքի անհրաժեշտութիւնը, նրա օգտակարութիւնը քաղաքա-կրթութեան նորմալ բնականոն զարգացման համար:

VI

Փ Ա Ս Տ Ե Ր

«Ինտերնացիօնալ» եւ ազգային նարցը . — Հեղինակաւոր սօցիալիստների կարծիքները նոյն նարցի մասին . — Սօցիալիզմը ազնւացնում է նայրենիքի գաղափարը:

Խօսենք փաստերով:

Ինտերնացիօնալիզմի առաջին գործնական արտայայ-տութիւնը մենք տեսնում ենք 1864-ին, Մարքսի ջան-քերով հիմնւած «Ինտերնացիօնալի», կամ Միջազգային Բանւորական Գաշնակցութեան մէջ:

Ուշագրաւ հանգամանք. այդ նոյն բազմատարր, գերազանցապէս միջազգային Գաշնակցութեան հետ, նրա ծագման մէջ, նրա որրանում, մենք տեսնում ենք շեշտւած ազգային խնդիրը, տեսնում ենք նրա հզօր փաստաբանութիւնը: Ռուսաց բռնակալութեան զօհ՝ Լեհ ժողովուրդի խնդիրն էր այդ: 1863-ին, ռուսական Լե-հաստանում ժայթքեց վերջին արիւնահեղ ապստամ-բութիւնը, որի անգութ, բարբարոսական ճնշումը յա-րուցեց լուսաւոր աշխարհում ցասման փոթորիկ: Բանւոր ընդհանրութիւնը ալեկոծւեց, մանաւանդ Փրանսիայում ու Անգլիայում, և որոշեց կազմակերպել ռուս միապե-տութեան դէմ մի հուժկու բողոք «բոլոր երկրների պրօլետարիների» կողմից...

1863-ին և 64-ին Լօնդօնում գումարւած մեծ մի-տինգներում, զանազան երկրների բանւորական պատ-գամաւորները ոչ միայն իրենց բողոքը հնչեցրին ռու-սաց բռնութիւնների դէմ, այլև ներբողեցին լեհական



Տայրենասիրութիւնը, ջերմ, ոգևորած պաշտպան կանգնեցին լեհ ազգի անկախութեան:

Այդ համախմբումներով և սկիզբ առաւ աշխարհահռչակ Ինտերնացիոնալը. նրանցով և առաջին անգամ իրագործեց գործնական կեանքում Մարքսի ռազմակոչը՝ «Պոլետարներ բոլոր երկրների, միացէք»:

Ահա թէ ինչ էր գրում 1866 թւին, այդ դաշնակցութեան գերմանական հատուածի կենտրոնական օրգան՝ Ժընէվի «Der Vorbote» լրագիրը:

«Իւրաքանչիւր մի ազգ պետք է ամենից առաջ իր ազգային պարտաւորութիւնները կատարէ, այսինքն ձգտէ քաղաքական ազատութեան ներքում և ազգային անկախութեան՝ դրուում»:

Նոյն թերթի մէջ՝ 1868 թ.

«Միջազգային բանւորական ձգտումն է՝ նպաստել ամեն տեղ ազատ և ամբողջական ազգային զարգացման: Ամենափոքրիկ ազգութեանն անգամ պետք է միշտ ապահովել ազատ ու անկախ գոյութիւն»:

«Իւրաքանչիւր մի ազգ, իբրև օրգանական մի անդամ մարդկային զերդաստանի մեծ շղթայի՝ իր անկախութեան, ընդունակութիւնների համեմատ պիտի մտտակարարէ իր բաժին-աշխատանքը ընդհանուր քաղաքակրթական գործի համար»:

Այդպիսով «Ինտերնացիոնալ» մտածողների համար՝ ազգային պարտաւորութիւնների կատարումը հանդիսանում էր որպէս անհրաժեշտ մի նախապայման ազգերի եղբայրացման: Եւ թէօրիական այդ դաւանանքին համապատասխանում էր գործնական կեանքում պատշաճ տաքսիկ:

Այն յիշատակելի օրերից իվեր Մարքս և Էնգելս, ինչպէս և սօցիալիզմի ուրիշ ներկայացուցիչներ, ամեն առթիւ ցոյց տւին լեհ հայրենասէրներին իրենց համակրանքն ու անվերապահ պաշտպանութիւնը:

Անտարակոյս, այդ պաշտպանութեան մէջ մեծ դեր էր խաղում մի կարևոր հանգամանք. այն՝ որ արևմտեան

սօցիալիստների աչքում բռնապետական Ռուսաստանի կանգուն մնալը մի ահաւոր վտանգ էր միջազգային ռամկավարութեան համար, յեղափոխութեան յաղթանակի և քաղաքակրթութեան առաջադիմութեան համար: Էւ, հետևաբար, այդ վտանգի դէմ մաքառողները, լեհաստանցիք, բնական դաշնակիցներ էին արևմտեան ռամկավարականների ու սօցիալիստների, — դաշնակիցներ, որոնց պետք էր աջակցել խրախուսել:

Ահա թէ ինչ էր գրում ուղղափառ մարքսիստ՝ Վարլ Կատուցիի Neue Zeit-ի էջերում (1895/6 թ. հատ. II), ի պատասխան այն փոքրաթիւ սօցիալ-դեմոկրատների — Բոլա Ղիւքսեմբուրգի և ընկերութեան — որոնք մի ծանծաղ կօսմայօրիտիզմով տարւած, թոյլ են տալիս իրենց՝ բացասական, երբեմն նոյնիսկ հեզնական դիրք բռնել լեհ սօցիալիստների հայրենասիրական և ազգային անկախութեան ձգտումների նկատմամբ, և որոնք քարոզում են լեհերին՝ հրաժարել ազգային անկախութիւնից, որը «անիրագործելի է ներկայ բուրժուազական կարգերի մէջ»: Հրաժարել առհասարակ «ազգայնական ցնորքներից», ձուլել ուսմների հետ և ձգտել ընդհանուր հայրենիքի, Ռուսաստանի բարենորոգման. — Վարլ Կատուցիի պատասխանում էր սօցիալ-դեմոկրատների այդ խմբին:

«Աերցները մի այլ պահանջ, որը, ի հարկէ, չէ ձևակերպւած գերմանական սօցիալ-դեմոկրատիայի ծրագրի մէջ, բայց որը իբրև պօստուլատ, իբրև իրէտալ, ապրում է իւրաքանչիւր սօցիալ-դեմոկրատի սրտում — հանրապետութիւնը: Գերմանական հանրապետութիւնը մի մազաշափ անգամ աւելի մօտիկ չէ, աւելի իրագործելի չէ, քան ազատ Ահաստանը: Բայց այդ պատճառով՝ օր. Ղիւքսեմբուրգ չի յանդիմանի գերմանական սօցիալ-դեմոկրատներին, որ նրանք հանրապետականներ են: Ինչ որ իրաւացի ենք զանում գերմանացիների համար, նոյնը պիտի գաննէք իրաւացի և լեհերի նկատմամբ: Արդ, եթէ լեհերը հանրապետական են, ինչ իրէտալ կարող են ունենալ նրանք: Արեւիկ է արդեօք սպասել, որ նրանք ուղենան լինել



քղաքացիներ՝ գերմանական, աւստրիական կամ ռուսական մի հանրապետութեան: Եթէ նրանք ուզում են հանրապետութիւն, ապա կարող են մէկը միայն ուզենալ — լեհականը: Եթէ օր. Ղիւքսեմբուրգ կ'ուզէ արգելել լեհ սօցիալ-դեմօկրատներին՝ առաջագրելու անկախ Լեհաստանի պօստուլատը այն պատճառով՝ որ նա ներկայումս անիրազորօճելի է, ապա նա նոյնպէս պիտի արգելէ նրանց՝ հանրապետական լինել:

Նոյն յօդուածի մէջ Մարքսիզմի տաղանդաւոր թէօրեատիկոսը առաջ է բերում է մի շարք ծանրակշիռ նկատումներ, որոնցով բողոքում է Լեհաստանի մի բուռն հակադրութիւն<sup>1)</sup> սօցիալ-դեմօկրատների դէմ, որոնք նրա — կառուցիչ — կարծիքով՝ կարող են միայն «Լեհաստանի հարստահարիչների շահերը հոգալ» (*die Geschäfte der Unterdrücker Polens besorgen*). «Ազգային անկախութիւնը — շարունակում է կառուցիչ — այն հոգն է, որի վրայ միայն պրօլետարիատը կարող է հասնել իր ուժերի լիակատար փթթման»...

Կիմենք ուրիշ սօցիալիստ հեղինակութիւնների: Սրանից ընդամենը վեց տարի առաջ, Համբուրգի ազգային սօցիալիստական կօնգրէստով, ծերունի Ղիւքսեմբուրգը որոտընդօստ ծափահարութիւնների մէջ յայտարարում էր.

«Մենք ոչ մի տարակոյս չպիտի թողնենք մեր լեհ ընկերների մէջ, որ լեհական ձգտումները դէպի անկախութիւն մենք համարում ենք նոյնքան իրաւացի, որքան ամեն մի ուրիշ ժողովրդի անկախութեան ձգտումները»:

Եւ Բէքէլը գերմանական սօցիալիստ կուսակցութեան առաջնորդը, յայտնեց այդ կետում իր համաձայնութիւնը Ղիւքսեմբուրգի հետ:

1) Ինքը Կառուցիչն է այդպէս որակում: Հարկաւոր է յիշեն որ Լեհաստանի երեք հաւաքածուների մէջ տիրապետող սօցիալիստական կուսակցութիւնը կամպանաձէ է զուտ ազգային հողի վրայ, ինչպէս այդ կը տեսնենք հետեւեալ գլխում:

Պարտաւոր ենք սեպում յիշեցնել որ այդ հանդիսաւոր յայտարարութիւնները, տարաբախտաբար, չեն բաժանում գերմանական բոլոր սօցիալիստներին, և այդ պատճառով դեռ մինչև օրս էլ լեհ ու գերմանացի սօցիալիստների միջև նկատելի են ցաւալի տարաձայնութիւններ, որոնք երբեմնապէս յանգում են նոյնիսկ ընդհանրութեան: Այդ մասին կը խօսենք հետեւեալ գլխում:

Այժմ շարունակենք բերել կարծիքներ: Ազգայնութեան խնդիրը սօցիալիստական տեսակէտով լուսաբանելու համար՝ մենք օրինակ բերինք սօցիալիստների վերաբերումը դէպի ճնշած ազգերից ամենաուժեղը — Լեհաստանը: Այժմ տեսնենք նոյն սօցիալիստների վերաբերումը դէպի մի հեռաւոր, ասիական, ճնշած ու փոքրիկ ազգութիւն — դէպի հայեր: Բաւականանա՞նք միայն մէկ ձայնով, որ պէտք է համարել ամենահեղինակաւորը:

Նոյն կարը կառուցիչն, որի անունով երգում է ամբողջ միջազգային Սօցիալ-Դեմօկրատիան, 1902 թ. մարտի 4-ին Եւրոպայի Հայ Ռեսան. Միութեան Լիազօր կոմիտէին ուղղած իր մի յօդուած-նամակի մէջ<sup>1)</sup>, գրում է ի միջի այլոց հետեւալը.

«Ես բոլոր սրտով հայոց դատի համակրող ու պաշտպան եմ, և հայոց դատ ասելով ես հասկանում եմ ոչ միայն լոկ նրանց պաշտպանութիւնը թիւրքական ու քրդական կոտորածների դէմ, այլև վերականգնումը նրանց ազգային անկախութեան»:

Յայտնի է, որպիսի ջերմ համակրութեամբ են վերաբերում հայ ազգային-քղաքական դատին՝ Եւրոպայի գրեթէ բոլոր սօցիալիստ հեղինակութիւնները, որոնք մի յուզիչ համերաշխութեամբ՝ ձգտում են վերականգ-

1) Այդ նամակը ամբողջութեամբ պիտի լոյս տեսնէ Եւր. Հայ Ռես. Միութեան հրատարակելիք մեծ ժողովածուի մէջ:



ներ, կողքուրել ջարդ ու փշուր հայութիւնը և մղել նրան դէպի խաղաղ, շինարար պրօգրէսի ճանապարհը: Մեր ականջներին հնչում է շարունակ նրանց նւիրական կոչը, որ շրջան արեց քաղաքակրթած երկրագնդի վրայ և որ արտայայտում է երկու քաղցր, հմայիչ բառերով՝ „Pro Armenia“!...

Գիմենք Փրանսիական սօցիալիստներին: Տեսնենք, ինչ են ասում տիեզերական ազատագրութեան առաջապահ երկրում, ուր փթթւել ու ծաղկել է գործնական սօցիալիզմը, ուր տակաւին 1789-ի յիշատակելի օրերում՝ Գանտօններն ու Ռօբեսպիէնները մի սրտագրաւ համադրութեան մէջ՝ հաշտեցնում էին միջազգայնութեան, մարդկայնութեան գաղափարները ամենախանդավառ հայրենասիրութեան հետ: Պրօլետարական շարժումների այդ կլասիկ երկիրը միշտ ըմբոստ է եղել „Փօրմուշների“ և քարացած դօգմերի զիմաց...

Ամենից առաջ յիշենք կարծիքը երկու նշանաւոր մարդկանց, որոնք ներկայացնում են սօցիալիզմի երկու հոսանքներ: Խօսքս Ժօնէսի և Գէրի մասին է: Նրանք երկուսն էլ զանազան ժամանակ և ամբողջ երկրի առաջ, պարլամենտական բեմից, արտայայտել են իրենց կարծիքները ազգայնութեան և հայրենիքի մասին:

„Սպասելով միջազգային այդ խաղաղութեան իրադարձմանը սօցիալիստական միութեամբ՝ սօցիալիստները բոլոր երկրներում պարտաւոր են պաշտպանել իւրաքանչիւրը իր հայրենիքը ամեն հնարաւոր յարձակումների դէմ...“

Այսպէս էր խօսում 1895 թւի ապրիլի 7-ին Փրանսիական պարլամենտում Ժան Ժօնէս, որ իր անձնան պերճախօսութեան հետ միացնում է մեծ, զգալուն մի սիրա և խոր ու ընդգրկող միտք:

Ժիւլ Գէրի, Ժօնէսի ակոյեանը, յայտնի է իբրև Մարքսի մոլեռանդ երկրպագու: Բայց մեզ զբաղեցնող խնդրի մէջ նա միանգամայն համաձայն է Ժօնէսի հետ: Ահա մի կտոր՝ նոյն պարլամենտում արտասանած՝ Գէրի մի ճառից (1897 թ. 20 փետրւար).

„Ինչպէս որ գաւառների անհետացումը չկատարեց ընդդէմ գաւառների 1789-ին, երբ ծնունդ էր առնում ազգային շէնքը, այդ առաջին էտապը դէպի մարդկային միութիւնը, այնպէս և վաղան յեղաշրջումը չպիտի կատարւի այսօրւան ազգութիւնների դէմ, այլ նրանց օգտին և նրանց բարձրագոյն զարգացման համար“:

Նոյն ոգով է ներշնչւած և Կէրի ծնունդ „Բանոր կուսակցութեան Ազգային Խորհրդի“ մէկ մանիֆէստը, ուղղած „Փրանսիայի աշխատաւորներին“: Նա յայտարարում է, որ միջազգայնութեան գաղափարը ոչ նւաաստացնում և ոչ էլ զօհում է հայրենիքը. նա շեշտում է, որ „միջազգային ուղիի վրայ ու ք գնելով, մարդիկ չեն դադարում հայրենասէր լինել“:

Մի ուրիշ սօցիալիստ-թէօրետիկոս, Կարբիէլ Գըվելլի, իր մի գրածքի մէջ — „Սօցիալիզմ, Յեղափոխութիւն և Միջազգայնութիւն“ վերնագրով — հետեւեալն է ասում.

„Ինչպէս որ ընտանեկան համերաշխութեան զգացումին, առանց նրան աղճատելու, միացաւ ազգային համերաշխութեան զգացումը, նոյնպէս և այդ վերջինին միանում է նրան պահպանելով՝ միջազգային համերաշխութեան համեմատաբար նոր զգացումը:

... Աինելով միջազգայնիկ՝ (ինտերնացիօնալիստ) աշխատանքի ընկերների մէջ, երբ աշխատանքի շահերն են վտանգւած խաղաղութեան ժամանակ, մենք ամենից առաջ հայրենասէր և Փրանսիացի ենք, երբ Ֆրանսիան, մեր հայրենիքը, յայտնւի պատերազմի վտանգի մէջ“ ...



Յիշենք, իբրև լրացումն, նաև մի անկախ ֆրանսիական սօցիալիստի կարծիքը.

Ահա թէ ինչ է ասում *La Revue*-ի ներկայ տարւայ No 3-ում Իւրբէն Գոհիէ, ֆրանսիայի ամենատաղանդաւոր հրապարակասոսներից մինը, որ իր մտքովն գրչով խարազանում է բուրժուազական բոլոր կարգերը, — հասնելով յաճախ ամենաձայրայեղ անիշխանականութեան.

« Ես միջազգայնացած եմ (*internationalisé*). բայց դա չէ նշանակում, թէ ես ազգազգայնացած եմ: Ես ինտերնացիօնալիստ եմ խելքով, և Ֆրանսիացի եմ սրբտով, մեր ցեղի պակասութիւններով ու արժանաւորութիւններով... Ես ուզում եմ բացարձակ արդարութիւն բոլոր մարդկանց համար և, եթէ նրա իրագործումը կախած լինել ինձնից, ես այն կ'իրագործէի նախ և առաջ մեզ մօտ:

Իմ համարողաբացիներից հռչակած իբրև «անհայրենիք» ես քարոզէլ եմ Ամերիկայի Միացեալ Նահանգների ամբողջ տարածութեան վրայ Ֆրանսիական հանձարի մեծութիւնը».

Գուք տեսնում էք, ընթերցող, որ մենք շատ հեռու ենք այն գրութիւնից, երբ սօցիալիզմի թէօրետիկոսները կարող էին թեթև սրտով հրաժարիմք ասել «ազգայնական նախապաշարումներին», երբ նրանք կարող էին բացականչել. «Աշխատաւորները հայրենիք չունեն»... .

Տեղն է յիշատակել նոյնանման մի ուրիշ ֆորմուլը, որ ասում է «Հարստահարիչները հայրենիք չունեն» (*Les exploitateurs n'ont pas de patrie!*) — որ Ֆրանսիացի անիշխանական շատօն կարծես կամեցել է զուգադրել առաջինին... Երկու ֆորմուլներն էլ մեղանչում են ճշմարտութեան դէմ:

Բայց շարունակենք.

Իտալիայի սօցիալիստ կուսակցութեան պարագլուխ գիտնական-հրապարակախօս Էնրիկօ Ֆերրի, գրում է *La Revue*-ի միևնոյն համարում, ուր գետեղած են

հեղինակաւոր մարդկանց կարծիքները հայրենասիրութեան և մարդասիրութեան մասին.

« Իմ ընտանիքից յետոյ՝ ես սիրում եմ իմ ծննդավայր գիւղը, որ յիշեցնում է իմ մանկութեան սիրուն ու երջանիկ տարիները... .

« Իմ գիւղից յետոյ՝ սիրում եմ իմ Մանտու գաւառը և Լօմբարդիայի իմ շրջանը, որ ես աւելի քան Իտալիայի մի ուրիշ անկիւն՝ գտնում եմ ներդաշնակ իմ ճաշակի, իմ մրտածելու, գործելու, ապրելու եղանակի հետ:

« Բայց ես շատ սիրում եմ նմանապէս իմ մեծ հայրենիքը, Իտալիան: Իւր այն բոլոր զովանքներն ու փոթորիկները, որ ես կրում եմ զուարթ սրտով, պատճառաբանում են հայրենիքի այդ սիրով. որովհետև ես կուզէի տեսնել իմ հայրենակիցներիս աւելի բախտաւոր և նոյնպէս մեծ, ինչպէս մեծ էին մեր պապերը Հռոմէական Հանրապետութեան կամ Աերածնութեան շրջանում:

« Եւ այս բոլորը չէ արգելում ինձ լինել մնլեռանդ ու ուղղիկ սօցիալիստ, լինել տենչացող մարդկութեան բարօրութեան... .

« Մտածել, ուրեմն, թէ մարդկութեան սէրը նշանակում է հայրենասիրութեան մահ կամ փճացում, — ասել է ՀՀասկանալ, որ մարդկային սրտում տեղ կայ բոլոր պարուսիտ (այլաւոր) զգացումների համար, որոնք տարածւում են, լճի ալիքների նման, մեր անձնաւորութիւնից դէպի մեր ընտանիքը, դէպի մեր քաղաքը, դէպի մեր ազգը, վերջապէս՝ դէպի մարդկութիւնը»:

Գարձեալ նոյն հանդէսի նոյն համարի մէջ՝ բելգիական սօցիալիստ կուսակցութեան պարագլուխ Էմիլ Աանդերվելդ, գրում է ի միջի այլոց հետևեալը.

« Այն ժամանակ միայն (պրօլետարիատի յաղթանակից յետոյ) հայրենիքի գաղափարը, այլևս չի լինի հակասող ամենարայն ինտերնացիօնալիզմի... Չանաղան երկրների քաղաքացիները որոշ շափով հաւատարիմ կը մնան այն աւանդութիւններին, որոնք կապում են նրանց այժմեան ազգութիւնների հետ: Բայց այդ գերադասումները կը կորցնեն բոլրովին յարձակողական բնոյթը և ոչինչ ուրիշ հետևանք չեն ունենայ՝ բայց եթէ միայն պահպանել ներդաշնակ



Տի ա յ Լ ա զ ա ն ու թ ի ւ ն՝ մ ի ջ ա զ գ ա յ ի ն հ ա մ եր գ ի  
մ է ջ ։

Աւստրիայի պարլամենտական գործիչ՝ սօցիալիստ  
Պ եր ն եր ս ո ր Փ եր, 1897-ին Վիեննայում գու-  
մարւած աւստրիական սօցիալիստական համաժողովի  
մէջ միւսնոյն միտքը յայտնեց հետեւեալ խօսքերով, որոնք  
արժանացան բուռն ծափահարութեան.

»Սրանից 12 տարի առաջ Սօցիալ-Վեմօկրատիան սողոր-  
ւած էր անմիա ու անարիւն ինտերնացիօնալիզմով, — այսօր նա  
կանգնած է բոլորովն ուէպական ինտերնացիօնալիզմի հողի  
վրայ... Ազգերը պիտի նմանեն ծաղկաւէտ մի պարտիզի, ուր  
երկներանգ ծաղիկները չւերախացնում են մեր աչքը... յոյ՞  
ունեմ, որ ամեն տեղ պիտի յողթանակէ այն համոզումը՝ որ  
կարելի է լինել ազնիւ գերմանացի, շիտակ իտալացի, լատ-  
պալօն, լինելով հանդերձ միջազգային խանդավառ սօցիալ-  
դեմօկրատ»:

Գիմենք այժմ մեր հարեան ուսներին: Հետաքրքրի  
է, ի հարկէ, լսել ամենահեղինակաւոր ուս սօցիալիստի  
Լ ա վր օ վ ի կարծիքը, որը իր ինքնուրոյն փիլիսոփայա-  
կան մտածողութեամբ պատկառելի տեղ է գրաւել մի-  
ջազգային սօցիալիստական աշխարհում և իր հայրենի-  
քում ևս միանգամայն յարգւած է բոլոր ֆրակցիաներից:

» Ա զ գ ա յ ն ու թ ի ւ ն և Ս օ գ ի ա լ ի զ մ « խո-  
րագրով իր դասախօսութիւնը, կարդացւած Պարիզում  
1883-ի հոկտ. 16-ին, Պետր Լավրով եզրափակում է  
հետեւեալ խօսքերով.

» Վերջացում եմ մի դիտողութեամբ, որը ամփոփում է  
ազգայնութեան և սօցիալիզմի փոխադարձ յարաբերութեան  
խնդրի էութիւնը: Համոզւած սօցիալիստը իրօք ամենամիլե-  
ոսանդ հայրենասէրն է. նա ձգտում է, որքան կարելի է, լաւ  
եղանակով մտցնել իր ազգի անդամներին սօցիալիստական  
մտքերի աշխատանքի մէջ... »

Այդ հիմնական գաղափարը Լավրով հանգամանօրէն  
արծարծում է նաև իր համբաւաւոր «Պատմական նա-

մակներ»-ում, որոնք լոյս են տեսել 1871-ին, Միրսով  
անւան տակ: »Ամենամիլեոսանդ հայրենասէր« բառերը  
Լավրով, ի հարկէ գործ է անում ոչ գոեհիկ շօվի-  
նիզմի մտքով: Գրան ապացոյց այն սողերը «Պատ-  
մական նամակներ»-ից, որոնցով մեծանուն սօցիալիստ-  
յեղափոխականը նշաւակում է ազգայնական տտերու-  
թեան ներկայացուցիչներին, որոնք իրենց ազգը բար-  
ձրացնել են ուզում, ուրիշներին օտնահարելով:

» Այդ տեսակ հայրենասէրները, ասում է Լավրով, սրբա-  
պղծում են ազգայնութեան դրօշը և դիտակցաբար կամ  
անգիտակցաբար ձգտում են ստորացնել իրենց հարազատ  
ժողովրդին, որդեկելով նրան՝ մտնել առաջադիմական գոր-  
ծօնների շարքը « (Պատմական նամակներ, երես 179):

Գստապարտելով այդ վնասակար ա զ գ ա մ ո լ ու  
թ ի ւ ն ը, Լավրով ոչ պակաս ուժով արշաւում է  
— յիշատակւած դասախօսութեան մէջ — նաև հակա-  
ուակ ծայրայեղութեան դէմ, կ օ ս մ օ պ օ լ ի տ ի զ մ ի  
դէմ:

» Կոմպօզիտ կարող էր լինել էգօիստ, եսամոլ, որը ջնջե-  
լով անհատի ու մարդկութեան միջև գոյութիւն ունեցող  
բոլոր կապերը և ունենալով շատ քիչ հնարաւորութիւն՝  
նւիրելու ընդհանուր մարդկային խնդիրների, նա, կոմպօզիտը  
իր համար իրաւունք էր մշակում՝ չհետաքրքրելու ոչ մի  
բանով, որ կարող էր պահանջել մարդկանցից իրական զսհեր... »

\* \* \*

Հարկ կայ արդեօք աւելի երկար ծանրանալու այս խնդրի  
վրայ... Ազգայնութիւնը և սօցիալիզմը ոչ միայն իրար չեն  
բացասում, հայրենիքը և մարդկայնութիւնը ոչ միայն  
հակառակորդներ չեն, այլ միանգամայն ներդաշնակ գա-  
ղափարներ, մի տեսակ փոխադարձ լրացուցիչներ: Ազգա-  
յին զգացումը, հայրենիքի գաղափարը սօցիալիստական  
վարդապետութեան մէջ սրբագործւում են, ընդու-  
նում են վսեմ ու ջինջ կերպարանք... Ոչ մար-



դատեաց, վնասակար շովինիզմ, ոչ էլ ծոյլ, դատարկ կօսօպօլիտիզմ, այլ անաղարտ հայրենասիրութիւն միացած ինտերնացիօնալիզմի կամ միջազգայնութեան գաղափարի հետ — ահա ժամանակակից ճշմարիտ ինտելիգենտ մարդու դաւանանքը:

Արժէ փոքր ինչ աւելի կանգ առնել ազգայնական հրատապ խնդրի վրայ, որը տիրապետող գծերից մէկն է ժամանակակից քաղաքակրթութեան, և, անտարակոյս, վաղւան Ռուսաստանում ևս, այդ հսկայածաւալ ու բազմատարր կայսրութեան մէջ, որի հետ կապւած է մեր ճակատագիրը, — նա պիտի հանդիսանայ առաջնակարգ հարց, թերևս ուժգին հակամարտութեան ու ընդհարումների ահաւոր գործօն . . .

Գէթ տեսնենք — խոշոր, ընդհանուր գծերով — ինչպէս են լուծուիմ Եւրոպայի մէջ ճնշւած ազգերի կենցաղավարութեան հարցը, ինչ է, այսպէս ասած, սօցիօլոգիայի վերջին խօսքը նրա վերաբերմամբ և ինչպէս են նայում այդ խնդրի վրայ մասնաւորապէս Ռուսաստանի յեղափոխականները, սօցիալիստները:

## VII

### ԱԶԳԱՅԻՆ ԻՆՔՆԱՎԱՐՈՒԹԻՒՆ

Գերիշխանութեան ձգտումները եւ ծնւած ազգերը — Աւստրիական քաօքը . — Լեհ ազգայնութիւնը Գերմանիայում . — Vae Victis! Փէդերալիզմը որպէս միակ բանաւոր լուծում . — Աւստրիական Սօցիալ-Դէմօկրատիան եւ Փէդերալիզմի սկզբունքը . — Գերմանական Սօցիալ-Դէմօկրատիան եւ լեհական անկախութիւնը . — Ազգային ինքնավարութեան նարքը Ռուսաստանում . — „Նարօղնայա Վօլիա“ . — Սօցիալ-Դէմօկրատ եւ Սօցիալիստ - Յեղափոխական կուսակցութիւններ:

Ազգայնութեան սկզբունքը, բարձրաձայն հռչակւած Մեծ Յեղափոխութեան միջոցին, ներագործւած ամբողջ յետագայ պատմութեամբ՝ այսօր տակաւին հեռու է յաղթանակից: Այդպէս է նոյնիսկ քաղաքակրթւած, սահմանադրական Արեւմուտքում:

Գեռ բազմութիւ են պատմական փոքրիկ ազգութիւնները, որոնք՝ ենթարկւած բազդի բերմունքով այս կամ այն մեծ ցեղին, այս կամ այն պետութեան՝ ողբում են իրենց իրաւագուրկ վիճակը, ճշում են շարունակ, եռում կատաղութեամբ և ցասումով գրոհ են տալիս իշխող ցեղերի դէմ . . .

Քաղաքական կուսակցութիւնները իրարու են անցնում, վառւած փոխադարձ ատելութեամբ. պարլամենտների և լանդտագների կամարները թնդում են օբստրուկցիաի վայրենի աղաղակներից, կեանքը թունաւորում է, առաջադիմութեան գործը կանգ է առնում և մինիստրութիւնները յաջորդում են իրար՝ մինը միւսից անձարակ, անզօր գտնելու մի իրական դարման տիրող չարիքների:



Որպիսի՜ ահաւոր փոթորիկներ են ծագում միմիայն լեզուի խնդրից—իւրաքանչիւր մի ազգ լինելով հզօրապէս նախանձախնդիր իր մայրենի լեզւին, նրա պահպանման ու բարգաւաճման...

Ուժեղները բանեցնել են ուզում յաղթողի իրաւունքը և *Vae victis!*-ի (վայ յաղթւածին) ցաւագին կօջը դեռ տարածում է լուսաւոր աշխարհի վրայ...

Աւստրիան կլասիկ երկիրն է ազգայնական այդ փոթորկալի պայքարներին: Աննւազը ու թ տարբեր ազգութիւններ—գերմանացիք, չեխեր, լեհեր, ռուսիներ, ռումէներ, իտալացիք, սլովեններ, խորվատներ—ապրում են այդ դժբախտ հողի վրայ և չկան երկու հարեւաններ, որ ապրեն խաղաղութեամբ: Գերմանացիք բռնւած են չեխերի, սլովէնների և իտալացիների հետ: Լեհերը և չեխերը փոխադարձաբար գրգռում են Սիլեզիայում: Ռուսիները ատամներ են կրճտացնում լեհերի դէմ՝ Գալիցիայում և ռումէների դէմ՝ Բուկօվինայում. սլովէները կուռում են խորվատների ու իտալացիների դէմ և այդպէս անվերջ և բոլորն էլ ժամանակ առ ժամանակ գրոհ են տալիս հրէական երի դէմ...

Իւ ստեղծում է այդ կենտրոնախոյս ուժերի գործակցութիւնից մի այլանդակ քօսս, որ առիթ է տալիս ամենամնայլ դուշակութիւնների...

Այդ դեռ միայն Աւստրիան. իսկ նրա կողքին կայ տասնութ միլիոն բնակչութիւն ունեցող Ունգարիան, որը մշտական պայքարի մէջ է Աւստրիայի հետ, բայց որը ինքն էլ ներկայացնում է սահմանագրական մի բըռնապետութիւն, ուր 40% մաջառները—7 միլիոն բնդդէմ 10-ի — ձգտում են խեղդել, ապագգայնացնել 60% այլազգիներին՝ ռումէներին, խորվատներին և այլն:

Իշխող տարրը, որ գրեթէ ամէն տեղ նոյն դաւանանքն ունի՝ Աւստրիայում, թէ Ունգարիայում, Գերմանիայում, թէ Ռուսաստանում, Տաճկաստանում և այլն — բռնու-

թեամբ հարթել է ուզում ազգայնական տարբերութիւնները և ամբողջ երկիրը ուզում է դարձնել միապաղաղ մի ամբողջութիւն, մարդանհասանների մի սոսկ շեղջակոյտ (*agregat*): Նրա համար ազգերի խնդիրը ամենաշատը՝ հանդիսանում է իբրև լեզուների ու պաշտօնների խնդիր:

Կա ատօմիստական-կենտրոնական ըմբռնումն է քաղաքական դիտութեան մէջ, որին հակադրում է հաւաքական-ապականտրոնական թէօրիան:

Այդ վերջինի համեմատ՝ այլևայլ ազգութիւններից բաղկացած պետութիւնը լոկ անհասանների մի հաւաքածու է, այլ մի ամբողջութիւն, կազմւած ինքնուրոյն ազգային միութիւններից:

Ազգային խնդիրը այդ վերջին ըմբռնումով՝ լեզուների ու պաշտօնների խնդիր չէ միայն, այլ շատ աւելի ծանրակշիռ մի հարց, որ վերաբերում է պետական բովանդակ կազմակերպութեան, — մի քաղաքական-սահմանադրական հարց:

Ազգերը կայսրութեան սահմանների մէջ պիտի ձեռք բերեն իրաւական անհատականութիւն. նրանք պիտի կազմեն օրգանական ամբողջութիւններ, օժտւած պետական ֆունկցիաներով: Այն ժամանակ միայն նրանք տէր կը լինեն իրենց ճակատագրին և այն ժամանակ միայն թէ կը պահպանուի կայսրութեան ամբողջութիւնը և թէ կ'ապահովուի նրա բնականոն ու անարգել առաջադիմութիւնը:

Այս է ապակենտրոնական կամ ֆէդերատիստական թէօրիայի իմաստը: Միանգամայն անհրաժեշտ ու բանաւոր մի լուծում՝ որ տրամաբանօրէն հետևում է ամբողջ նախորդ դարի պատմութիւնից:

Այնուամենայնիւ, դեռ ըստ երևոյթին շատ մեղան կը թափուի, շատ տարիներ կ'անցնեն կուռով ու փոթորիկ-



ներով, մինչև որ իշխող տարրերը կըզան այդ բաղձարի եզրակացութեան:

Առ այժմ ապակենտրոնական թէօրիայի միակ ներկայացուցիչն է, Աւստրիայի մէջ, սօցիալիստ կուսակցութիւնը, որը պահանջում է անկախ ազգերի միջաշնակցութիւն՝ Տիմուաձ լեզական սահմանների վրայ: Այդ կուսակցութիւնը գործնականապէս կիրառել է արդէն դաշնակցութեան սկզբունքը, նա մտցրել է իր կազմակերպութեան մէջ — 1897-ից սկսած — ազգայնական ամենալայն ապակենտրոնացում: Նա միացնում է գերմանացիներին, չեխերին, լեհերին, իտալացիներին և հարաւային սլավոններին: Ամէն մէկը այդ կազմակերպութիւններից ինքնավար է (autonome) իր ազգային գործունէութեան սահմաններում, բայց և բոլորն էլ կապած են դաշնակցական ամենասերտ կապով: միացած են ընդհանուր սօցիալիստական ծրագրով, յաճախ նոյնիսկ ընդհանուր տարախօսք — երբ հարկաւոր է մասսային ցոյցերով պահանջել ութամեայ աշխատանքի օր, ընդհանուր ընտրողական իրաւունք, խօսքի, մամուլի ազատութիւն և այլն: Եւ այդպէս՝ թե թեի տւած, իբրև մէկ բանակ, դադարի օր գործի մի հզօր միութիւն՝ նրանք ձգտում են տապալել ընդհանուր թշնամուն, — միայն տութիւնն ու կապիտալիզմը և վերաշինել Աւստրիան սօցիալիզմի ու ազգերի եղբայրացման խորհրդների վրայ:

Սօցիալիստ կուսակցութիւնները Աւստրիայի մէջ տալիս են իրօք համերաշխութեան մի յուզիչ օրինակ ամբողջ աշխարհին: Չնայած որ նրանք համեմատաբար դեռ շատ երիտասարդ են արեւմտեան սօցիալիստական կուսակցութիւնների շարքում, բայց որոշ խնդիրներում ցոյց են տալիս ավելի մեծ հասունութիւն ու հեռատեսութիւն: Նրանք մշակել են լաւագոյն «ազգայնական ծրագիրը»: Նրանք լաւ գիտեն, որ կենսաբան չէ վերածուած սոսկ դասակարգային ընդհարումների. չոր, շարժական «ֆոր-

մուլների» մարդիկ չեն նրանք, այլ կենդանի իրակաւութեան: Նրանք ամենօրեայ փորձերից գիտեն, թէ որքան մեծ է ազգայնական գործօնի դերը նոյնիսկ դասակարգային անտագոնիզմի բոլորքման շրջանում: Նրանք լաւ են ըմբռնել, որ սօցիալիզմի յաղթութեան միջոցը՝ պրօլետարիատի դասակարգային կռիւլ՝ կարող է հասնել իր կատարեալ զարգացման միմիայն ինքնավար ու խաղաղ հարեանութեամբ ապրող ազգերի մէջ:

Ազատ պիտի լինի ժողովուրդը ամէն տեսակէտով, որպէս զի պրօլետարիատը կարողանայ իր բոլոր զէնքերով և բոլոր թափով զիմագրաւել իր հասարակական հակառակորդին: «Ազգային անկախութիւնը նոյնքան անհրաժեշտ է պրօլետարիատի նօրմալ ու բազմակողմանի զարգացման համար, որքան ընդհանուր ընտրողական իրաւունքը, որքան մամուլի ու խօսքի ազատութիւնը» (Կաուցկի):

Եւ Աւստրիայի կուսակցութիւնները — գերմանացի, չեխ, լեհ, իտալացի և այլն — սօցիալիստական սկզբունքների հետ միասին՝ իրենց երկրներում եռանդով արծարծում են ճշմարիտ, մաքուր հայրենասիրութիւն:

\* \* \*

Անցնենք Գերմանիա: Այնտեղ մենք գտնում ենք ավելի անմխիթար մի կացութիւն: Ահա ձեզ մի երկիր, առաջնակարգ, բարգաւաճ, որ ընդհանուր քաղաքական իրաւունքների տեսակէտից շատ ավելի բարձր է, քան Աւստրիան: Տարբերութիւնը երկու երկրների միջև գրեթէ այնքան մեծ է, որքան Աւստրիայի և Ռուսաստանի միջև:

Երեսուն ու երեք տարուց ի վեր Քիսմարկի հայրենիքը վայելում է ընդհանուր ընտրողական իրաւունք, մամուլի, խօսքի ազատութիւն: Երեսուն ու երեք տարուց ի վեր սօցիալիզմը այնպիսի հսկայական թուիչներ է արել, որ սօցիալիստական կուսակցութիւնը, իր երեք միլիօն ընտրողներով և 80 պատգամաւորներով Ռայխստագի մէջ՝



համարուում է ամենաուժեղ քաղաքական մարմինը իր հայրենիքում և սօցիալիստական շարժման առաջապահը ամբողջ աշխարհում:

Այո. և սակայն այդ լուսաւոր, «կիսասօցիալիստական» երկրի մէջ մենք ահանատես ենք ազգայնական մի վայրենի քաղաքականութեան, որ երբեմն յարուցանում է զայրոյթ ու նողկանք արեւմտեան աշխարհում: Բիւսարկի ոգին դեռ սաւառնում է իր հայրենիքի վրայ՝ Ռայխստագի շէնքում, լանդտագներէ մէջ, ուսկից արձակուում են թոյլ ազգերի դէմ քստմենքի հրահանգներ...

Թող թոյլ տրւի մեզ՝ հակիրճ բնորոշել այդ քաղաքականութիւնը, «յօրինակ այլոց»: Էլզաս-Ղօտարինգիան մի կողմ թողնելով, կանգ առնենք միայն գերմանական Ահաստանի վրայ:

Արեւելի անցքերը դեռ ևս թարմ են բոլորի յիշողութեան մէջ: Բարձր կառավարութեան, կայսրի ու կանցլէրի հաւանութեամբ էր, որ սրանից ընդամենը երկու տարի առաջ գանակոծում էին լեհ զպրոցական մանուկներին, այն պատճառով միայն, որ նրանք ուզում էին իրենց մայրենի լեզուով խօսել, աղօթել...

Գէպքերը չափազանց ըմբոստեցուցիչ էին և այն օրերից ի վեր լեհական խնդիրը Գերմանիայի մէջ ստացել է անսովոր այժմէութիւն: Թէ Ռայխստագում և թէ պրուսական լանդտագում՝ այդ խնդիրը ծեծւում է յաճախ լեհ պատգամաւորները, երբեմն նաև գերմանացի սօցիալիստները, նշաւակում են բիսմարկեան ռէժիմը Պօլնանում ու վերին Սիլեզիայում: Ահնում են փոթորկոտ վիճաբանութիւններ: Ազգային հալածանքի փաստաբանները հարկադրում են խօսել: Եւ հիշ են ասում...

Կրանք ամեն անգամ շեշտում են հզօրի, յաղթողի իրաւունքը: Ամիսներ առաջ, պրուսական ներքին գործերի մինիստր՝ կոմս Համմերշտայն՝ խօսելով լեհական

խնդրի մասին, ասում էր պարզապէս. «Մենք պէտք է հրամայենք և նրանք (լեհերը) պէտք է հնազանդւեն»: Wir haben zu befehlen und sie haben zu gehorchen!

Կերկայ տարւայ ապրիլի 15-ին լեհ Միլնիցկի արտասանեց Ռայխստագի մէջ մի յուզիչ ճառ՝ այդ նոյն մինիստրի և ամբողջ պրուսական քաղաքականութեան դէմ, որը «բունի կերպով ձգտում է պրուսացնել լեհական նահանգները»:

«Մենք ոչ մի անջատական ձգտումն չունենք, յայտարարում էր լեհ պատգամաւորը, մենք միայն ուզում ենք օրինական միջոցներով պրօպագանդ անել՝ մեր մայրենի լեզուն պաշտպանելու համար»:

Այդ մեղմ, չափաւոր ճառին հետևեց սովորական կոշտ պատասխանը: Կառավարութեան բերան՝ պետական քարտուղար Պօլադօլսկի նոյնպէս պնդեց յաղթողի իրաւունքի վրայ. «Կռիւ է, ասում էր նա, և վերջնական յաղթանակը պիտի տանէ նա, ով ամենից աւելի խնայող ու խելօք է և ով ամենից աւելի ընդունակ է տնտեսապէս»:

Միևնոյն օրը, ապրիլի 15-ին, լեհական հարցը դրւած էր պրուսական լանդտագի մէջ: Հերցօգ Տրախենբերգ — մի ուրիշ բիսմարկեան — զարգացնելով հակալեհական իր ծրագիրը, հետևեալն էր ասում, ի միջի այլոց. «Մեր լաւագոյն գործիքն է դպրօրը. նա պիտի տանէ գործը այնպիսի եղանակով, որ լեհ երեխաները աւելի դիւրութեամբ գերմաներէն խօսեն, քան լեհերէն»:

Որքան խրատական են այս փաստերը՝ սահմանադրական կարգերի ձգտող ճնշւած ժողովուրդների համար...

«Մենք պէտք է հրամայենք — նրանք պէտք է հրնազանդւեն»... Ո՞ր չէ հնչում այդ ամբարտաւան Փրազը... Բայց կրգայ ժամը, երբ գոռոզ յաղթողը հաշիւ կը ներկայացնէ իր արարքների մասին, կրգայ



ժամը — շատ հեռու չէ նա — երբ „յաղթաճճները“ կը շտկեն իրենց կորացած մէջքը և կը ծառանան իրենց դահիճների դէմ . . .

Պանգերմանիզմի վայրենի պրօպագանդը լեհական Պօզնանում հասցնում է միայն մէկ հետևանքի, — նա բորբոքում է լեհերի ատելութիւնը դէպի իշխող տարրը և դրա հետ միասին արծարծում է նրանց մէջ հայրենասիրութեան կրակը: Լեհ տարրը այսօր, աւելի քան երբ և իցէ, տոգորւած է անկախ հայրենիքի բռն անհանքով, և Պօզնանի ամբողջ տարածութեան վրայ՝ լեհ ինտելիգենտի առանձնասենեակի մէջ, թէ գեղջկական խաղաղ կացարաններում, ուժգին որոտում է վաղեմի ռազմերգը՝ „Գեռ կորած չէ՛ Լեհաստանը“ . . .

Սօցիալիստները բացառութիւն չեն կազմում ընդհանուր հայրենասիրական եռանդի մէջ. ընդհակառակը. նրանք այն աստիճան նախանձախնդիր են ազգային անկախութեան, որ ուզում են պահպանել իրենց ինքնուրոյնութիւնը նոյնիսկ կազմակերպական խնդիրների մէջ:

Լեհ սօցիալիստ կուսակցութիւնը մինչև օրս մնում է անկախ՝ գերմանական Սօցիալ-Գէմօկրատիայից: Կազմակերպւած զուտ ազգային հօղի վրայ, նա չէ ուզում մտնել այդ վերջինի մէջ, իբրև սոսկ հատուած, այլ ուզում է մտնել, իբրև ինքնավար մարմին:

Այդպիսի մի տաքտիկ լեհ սօցիալիստների աչքում ունի խոշոր կարևորութիւն, իբրև մի ցոյց պանգերմանիզմի, համագերմանական տիրապետութեան դէմ: Պէտք է յիշել որ լեհ սօցիալիստական շարժումը պրուսական Լեհաստանում ենթակայ է անհամեմատ աւելի խիստ հալածանքի կառավարութեան կողմից, քան բուն գերմանական սօցիալիստական շարժումը՝ միևնոյն վայրերում:

Կայ և մի ուրիշ պատճառ, որ միանգամայն ար-

գարացնում է լեհական սօցիալիստ կազմակերպութեան անկախ գոյութիւնը:

Կայ մի հոսանք գերմանական Սօցիալ-Գէմօկրատիայի մէջ, որ բարեկամական աչքով չէ նայում լեհական անկախութեան ձգտումների վրայ և նոյնիսկ երբեմն դժգոհութիւն է յայտնում, որ լեհ սօցիալիստները մըղում են սօցիալիզմի պրօպագանդը իրենց մայրենի լեզուով: Ահա մի դէպք, որ բացառիկ չէ, տարաբախտաբար.

Գերմանական Սօցիալ-Գէմօկրատիայի օրգաններից մինը՝ Գրէզդէնի բանւորական թերթը, 1897-ին խօսելով լեհական սօցիալիստական կօնգրէսի մասին, ասում էր ի միջի այլոց.

„Բերլինում չըկայ մի լեհ աշխատաւոր, որ չըհասկանայ գերմաներէն լեզուն. ի՞նչ օգուտ կարող է ունենալ մի փոքրիկ լեհական թերթ, որը յամենայն դէպս ոչ մի կերպ չէ կարող մրցել գերմանական խոշոր սօցիալ-գէմօկրատական թերթերի հետ: (տես Beilage zur Sächsischen Arbeiter-Zeitung, 1897 No 131):

Գժևար չէ տեսնել թէ ո՞վ է մեղանչում ներկայ դէպքում սօցիալիզմի սկզբունքի դէմ, — լեհ սօցիալիստները, թէ՛ յիշեալ թերթի խմբագիրները: Լեհաստանի ամենատաղաքէմ կուսակցութիւնը իրաւունք չունի հրապարակախօսել իր մայրենի լեզուով տարածել սօցիալիզմը իր հայրենակիցների մէջ՝ որովհետև կան գերմաներէն խմացող լեհ աշխատաւորներ, — ահա թէ ուր է տանում հակազգայնական նեղարտութիւնը . . .

Հակառակ Կնտերնացիօնալի և ամենահեղինակաւոր սօցիալիստների տւած սանկցիային՝ դեռ էլի գտնուում են Ֆանատիկոսներ, — նոյնիսկ սօցիալիստական շարքերում, — որոնք ուղղակի կամ անուղղակի բռնանում են փոքրիկ ազգերի իրաւունքների վրայ, նպաստաւորելով գերիշխող ցեղի ազդեցութիւնն ու տիրապետութիւնը:

Չարմանալի չէ այդ պարագաներում, որ լեհ ժողո-



վրդի ամենահզօր սօցիալիստ-յեղափոխական կուսակցութիւնը ուզում է պահպանել անջատական, անկախ գոյութիւն:

„Լեհական պրօլետարիատը երբէք չըպիտի հրաժարւի ազատութեան ու անկախութեան ձգտումից“ — բացականչում էր այդ կուսակցութեան ամենատաղանդաւոր ներկայացուցիչ և աւստրիական պարլամենտի անդամ՝ Գ աս շին ս կ ի, 1902 թ. հոկտ. 19-ին, Բերլինում գումարած լեհ-գերմանական սօցիալիստական խորհրդաժողովում: Հակաճառութեան մի խօսք անգամ չըլուսեց գերմանացի սօցիալիստների կողմից, — հակաճառելը կը լինէր դաւաճանութիւն տասնեակ տարիների ընթացքում դաւանած սկզբունքին... Բայց շարունակենք:

Լեհ սօցիալիստական կուսակցութեան անկախ գոյութիւնը սկսում է 1893 թ-ից: Մինչ այն՝ նա կազմում էր ագիտացիական մի աննշան մարմին գերմանական Սօցիալ-Դեմօկրատիայի շրջանակներում: Այնուհետև նա դարձաւ ինքնավար և զուտ ազգային մարմին, պահպանելով հանդերձ — չնչին յաւելածով — Էրֆուրտեան յայտնի ծրագիրը, որի հիմնական սկզբունքները պարտաւորեցուցիչ են բոլոր երկրների սօցիալիստների համար: 1893-ից ի վեր նա ինքնագլուխ վարում է իր ներքին գործերը, համերաշխ ընթանալով գերմանական սօցիալիստների հետ այնպիսի հարցերում — ընտրողական պայքար և այլն — որոնք վերաբերում են ընդհանուր կայսրութեան: Նա գումարում է յատուկ համաժողովներ, մղում է սօցիալիստական բուռն ագիտացիա իր հայրենակիցների մէջ, հրատարակում է „Gazeta Robotnicza“ թերթը, որ պաշտօնական օրգանն է գերմանական կայսրութեան մէջ ապրող բոլոր լեհ սօցիալիստների: Նա միաժամանակ պահպանում է ամենասերտ կապ ուսական և աւստրիական Լեհաստանի

հետ: Երբ մէկ մասում պահասում են ագիտացիական կամ նիւթական ուժեր, միւս մասից փոխադրւում են այնտեղ: Եւ այդպիսով հրապարակ է գալիս իրօք մի ամբողջական սօցիալիստական կուսակցութիւն լեհական հայրենիքի երեք տարբեր հատւածների մէջ, և միջազգային սօցիալիստական կօնգրէսներին Լեհաստանը ուղարկում է յատուկ ներկայացուցիչներ:

Թէ գերմանական, թէ աւստրիական և թէ ուսական Լեհաստանի մէջ՝ ազգային խնդրի վերաբերմամբ տիրում է մտքերի կատարեալ ներդաշնակութիւն. — ամեն տեղ սօցիալիստները ձգտում են անկախ լեհական հանրապետութեան:

Լեհ սօցիալիստ կուսակցութիւնը գերմանական Լեհաստանում՝ կատարում է մի ծանրակշիռ և գերազանցապէս կուլտուրական դեր: Նա ոչ միայն կազմակերպում է լեհ պրօլետարիատի սնտեսական ու քաղաքական կուրը, այլև պաշտպանում է նրա ազգային-քաղաքակրթական շահերը բառիս ամենալայն նշանակութեամբ: Նա ջերմապէս հայրենասէր է, բայց նրա ըմբռնումը հայրենասիրութեան մասին լինելով համաձայն միջազգայնութեան առողջ դաւանանքին՝ արգելք չի լինում նրան՝ մաքառելու բոլոր ուժերով լեհ բուրժուական կուսակցութիւնների — դրամատէրների ու կղերականների դէմ — որոնք նոյնպէս շարունակաբար կոչ են անում հայրենասիրութեան՝ իրենց կուսակցական շահերը առաջ տանելու համար:

1893 թ-ականից ի վեր երկու սօցիալիստ կուսակցութիւնները՝ գերմանականը և լեհականը՝ խուլ ու անընդհատ մաքառման մէջ են... Գերմանական Սօցիալ-Դեմօկրատիան մերթ ձանաչել է անկախ լեհական մարմնի գոյութիւնը, մերթ բացասական դիրք է բռնել դէպի նա, և բանակցութիւնների մէջ մասնելով՝ ձգտել է ձուլել: Յարաբերութիւնները ժամանակի ընթացքում այն աս-



տիճան լարեցին, որ 1902-ի պարլամենտական ընտրութիւնների միջոցին՝ լեհ և գերմանացի սօցիալիստները ներկայացրին առանձին-առանձին թեկնածուներ (սովորաբար երկու կողմերը համաձայնութեան էին գալիս թեկնածուների վերաբերմամբ):

Ընդհանուր ժողովներն ու երկար-բարակ բանակցութիւնները չըլանգեցին դրական հետեանքի՝ գերմանական Սօցիալ-Գեմօկրատիայի վարիչ շրջանը միշտ աւելի և աւելի թշնամական դիրք բռնեց դէպի Լեհաստանի անկախութեան ծրագիրը՝ հակառակ իր նախորդ ծանուցումներին ու սօցիալիստ աստղերի յայտնած կարծիքներին, հակառակ նոյնիսկ 1896-ի Էօնդօնի Միջազգային Սօցիալիստական կօնգրէսի հանդիսաւոր որոշման, թէ՛ «Բոլոր ազգերը ունեն կատարեալ իրաւունք կազմակերպելու, ինչպէս կամենում են»:

Խօսքը և գործը, այո, շատ յաճախ չեն ներդաշնակուում նոյնիսկ ամենաառաջադէմ կուսակցութեան մէջ, որը գրել է իր դրօշակի վրայ՝ համբերողութիւն և բացարձակ արդարութիւն: Գարձեալը ուրեմն, մի տխուր հանգամանք, որ խրատական է այն բոլոր փոքրիկ ազգութիւնների համար, որոնք՝ կաշկանդուած մի հզօր ցեղի գերիշխանութեան տակ՝ ձգտում են դէպի մի լաւագոյն ապագայ...

\* \* \*

Ազգային ինքնավարութեան կնճռոտ խնդիրը դրոււմ է նաև ժամանակակից Ռուսաստանում: Ընկերք է, թերևս, շեշտել այստեղ, թէ որքան ուժեղ են գերիշխանութեան հակուձիները կատարելիքի ու Սուվորինների հայրենիքում և թէ որքան անտարբեր է նոյնիսկ ուսուցողական ընդհանրու-

1) Այդ բանակցութիւնների մանրամասն ու փաստական պատմութիւնը արւած է մի փոքրիկ բրօշուրի մէջ. «Offener Brief der Polnischen Sozialistischen Partei an die deutsche Sozialdemokratie».

թիւնը դէպի այն բազմաթիւ ժողովուրդների ճակատագիրը, որոնք ապրում են կայսրութեան սահմաններում, ճնշուած իբրև քաղաքացի և իբրև ազգ:

Ազատ լինելով ցեղական ուսե ատելութիւնից, շեշտելով հանգերձ մեր ջերմ համակրանքը դէպի ուսուցողական ժողովուրդը, մենք չպէտք է թագցնենք որոշ անվիճելի ճշմարտութիւններ:

Արիւնոտ փաստեր կան արձանագրուած պատմութեան էջերում: Եթէ մենք մոռանանք՝ Լեհը չի մոռանայ... Նա, որ Ռուսաստանի բոլոր ազգերի մէջ ամենից աւելի է ճաշակել հալածանքի թոյնը. այդ մեծ նահատակը՝ որ 1830-ից սկսած՝ հնչեցրել է շարունակ իր ցնցող ձայնը կախաղանների վրայից և Սիբիրի տունդրաններից...

Լեհը չի մոռանայ: Նա գիտէ, որ իր կրած աղետների մէջ միայնտական կառավարութիւնը չէ միակ պատասխանատուն. գիտէ, որ լեհական սարսափները կատարուել են ուսուցողականութեան հաւանութեամբ...

Երեսնական թուականներին, երբ Լեհաստանը ջարդուած, արիւնլալ համակուել էր անհնարին սգով, երբ ուսուցողների բիրտ բազուկներով «կարգը վերահաստատուել էր Աարշաւայի մէջ» — Պուշկինն էր հրապարակ գալիս, Ռուսաստանի մեծ ու «ազատամիտ» բանաստեղծը, որ նոյնիսկ թխած ունի մի շարք անց էն դուր ոտանուորներ — Պուշկին գալիս էր ոչ թէ բողոքելու կատարուած անիրաւութիւնների դէմ, ոչ թէ նշաւակելու բռնապետական գաղանութիւնները և այդպիսով գէթ մասամբ հանգստացնելու Ռուսականութեան խիղճը, — ոչ, նա գալիս էր իր ասեղագոյ ժուսայով՝ հեգնելու և անարգելու արիւնաթաթախ զօհերին...

Ո՞վ է մոռացել «Բօրօղինոյի տարեգարծը», ուր փառաբանուում են ուսուցողները յաղթանակները «ըմբոստ Աարշաւայում». կամ «Ռուսաստանի զրպարտիչներին» շանթարձակ ոտանաւորը, ուր բանաս-



տեղձը որոտում է ի պատասխան Եւրոպային, որը բողոքում էր ոուս զորքերի վայրագութիւնների դէմ. «Թողէր, որ մենք ինքներս վճռենք մեր մէջ հին ընտանեկան վէճը. հարցը նրանում է՝ արդեօք սլավոնական առունները պիտի թափուին ոուսաց ծովի մէջ, թէ՞ ոուսաց ծովը պիտի չորանայ»...

Քանաստեղծական այդ յոխորտանքին պատասխանեց յետագայում Միցկեվիչ, ասնչուղ լեհաստանի այդ հարազատ և սքանչելի զաւակը, որ այնքան բուռն կերպով զգաց հայրենիքի տառապանքները և այնքան յափշտակութեամբ նրա ազատութեան իդէալը երգեց:

«Իմ ոուս բարեկամներին՝ խորագրով՝ ցնցող բանաստեղծութեան մէջ՝ Միցկեվիչ ուրազածում էր ապագայ լեհ-ուսական համերաշխութիւնը, որը հնարաւոր է, նրա կարծիքով, միմիայն ազատ Ռուսաստանի և անկախ լեհաստանի միջև. ապա մի սրտառուչ ներբող էր կարդում ոուս աքսորական Գեկաբրիստներին, որոնք նիւթել են իրենց հռչակաւոր դաւադրութիւնը միապետութեան դէմ (1825 թիւն) լեհերի հետ միասին: Լեհ բանաստեղծը ուղղում է նրանց զգացւած խօսքեր, մտիթարում ու քաջալերում է նրանց: Ահա վերջաբանը.

«Մի բաժակ թոյն պիտի թափեմ այժմ: Խօսքերիս դառնութիւնը դերբուկ է, լափող այդ դառնութիւնը գալիս է իմ հայրենիքի արիւնից ու արցունքներից: Թող նա կրծոտէ և լափէ ոչ թէ Չեզ, այլ Չեր շղթաները»...

Թշառ, վտարանդի ազգային բանաստեղծը չտեսաւ իր տենչերի իրականացումը: Քայց նա անսաւ ոուս-լեհական համաձայնութեան առաջին քայլերը — մի փոքրիկ, համեստ սկզբնաւորութիւն: Ռուս հասարակութեան անզգայութիւնը յաւիտենական չէր: Կամաց-

կամաց երևան եկան սրտի տէր մարդիկ, տոգորւած բարձր գաղափարներով:

Աւթսունական թւականներին նրանց թիւը աճեց և նրանք խմբեցին հռչակաւոր շերտերի շուրջը: Լինելով խանդավառ հայրենասէրներ՝ Ալեքսանդր Հերցեն իր ընկերներով, միւսնոյն ժամանակ ջերմ պաշտպան էին լեհական անկախութեան: Եւ ահագրեցիկ «Կօլօկօլի» մէջ նա սկսեց քարոզել իր անկարեկիր հայրենակիցներին՝ ի նըպաստ անկախ լեհաստանի:

Անցան տարիներ: Յեղափոխական-ազատագրական շարժումը հող բռնեց նաև բուն Ռուսաստանում: Հանդէս եկաւ աշխարհահռչակ «Նարոզնայա Աօլիա»-ն իր քաջարի սպայակոյտով: Նա ևս քարոզեց լեհ-ուսական եղբայրակցութիւն և մինչև անգամ կուրի դաշն կապեց լեհ-սօցիալիստական «Պրօլետարիատ» կազմակերպութեան հետ (1884 թ): Ընդհանուր ուժերով տապալելու համար բռնապետական ռեժիմը: Լեհաստանի անկախութիւնը երկուստեք ընդունեց, իբրև անհրաժեշտ պայման, *conditio sine qua non*:

Ահա այդ առթիւ «Նարոզնայա Աօլիա»-ի նշանաւոր ազգը.

«Յարգող ամեն մի ազգի անկախութեան ու ազատ զարգացման՝ «Նարոզնայա Աօլիա» կուսակցութեան Գործադիր Յանձնաժողովը չէ կարող չընդունել նաև, որ ոուս և լեհ ազգերի սօցիալական պայմանների տարբերութիւնները չեն թոյլ տալիս գործածել նոյնանման միջոցներ՝ ոուս ու լեհ սօցիալիստների նախապատրաստական աշխատանքների մէջ: Հետևաբար, «Նարոզնայա Աօլիա» և լեհական «Պրօլետարիատ» կուսակցութիւնների միջև՝ կատարեալ ձուլումը կարող էր աւելի շուտ խոչընդոտ լինել լեհ և ոուս սօցիալիստներին գործունէութեան համար, խանդարելով երկու կողմերի ազատութիւնը՝ կազմակերպութեան ու պաշարի լաւագոյն միջոցների բնորութեան մէջ: Այս սկզբունքի զօրութեամբ՝ ոուս Գործադիր Ասիտէն, միանալով լեհ կենտրոնական Ասիտէի հետ՝ ընդունում է, սակայն, իբրև միանգամայն իրաւացի



այս վերջինի որոշումը՝ վերաբերեալ «Արօլետարիատի» անկախութեանը և սեփական պատասխանատուութեանը՝ Ղեհաստանի բոլոր գործերը վարելու խնդրում: Գործադիր Կօմիտէն չէր էլ կարող իր վրայ առնել գործերը վարելու պատասխանատուութիւնը մի երկրում, որը այնքան տարբերուած է Ռուսաստանից, ինչպէս և նա չէր ուզի իր սեփական գործերը դնել որևէ ոչ-ուսու կուսակցութեան ազդեցութեան ներքոյ: Բայց սերտ կապը «Նարոդնայա Վօլիա» և «Արօլետարիատ» կուսակցութիւնների միջև նոյնքան անհրաժեշտ է, որքան և նրանց կատարեալ անկախութիւնը:

«Մեր ընդհանուր թշնամուն, ուսու կառավարութիւնը տապալելու խնդրի մէջ՝ ուսու և լեհ սօցիալիստների կռիւը ոչնչով չէ կարող տարբերուել: Այդտեղ բարոյական միութիւնը ուսու և լեհ սօցիալիստների միջև կարող է և պետքէ դառնայ ճշմարիտ ու կատարեալ: Ընդհանուր թշնամուն մենք պիտի ընդդիմադրենք մեր միացած ուժերը: Այդ տեսակետից ուսու Գործադիր Կօմիտէի կարծիքները բոլորովին համաձայն են լեհական Կենտրոնական Կօմիտէի կարծիքների հետ: Տապալել ուսու կառավարութիւնը — դա, բնականաբար, ամենից առաջ ուսու յեղափոխականների պարտաւորութիւնն է, որոնց հետ լեհական յեղափոխական ուժերը, այդ մասնաւոր դակ մարմին: Այսպէս են մեր դաշնակցութեան բնական պայմանները, որոնց համեմատ մշակել է համաձայնութիւն լեհ և ուսու կազմակերպութիւնների միջև: Հաստատուելով այդ համաձայնութիւնը, Գործադիր Կօմիտէն յոյս է տածում, որ իրականութիւնը ցոյց կըտայ շուտով այդպիսի մի միութեան առաւելութիւնները՝ թէ մեզ և թէ մեր լեհ ընկերների համար»:

«Նարոդնայա Վօլիա» կուսակցութեան Գործադիր Կօմիտէ.  
Պետերբուրգ, 1 մարտի 1884 թ.

Պատկերը մեծապէս փոխուել է այն օրից: Տեսնական կեանքը յեղաշրջուել է, մտքերը առաջադիմել են՝ թէ բուն Ռուսաստանի և թէ նւաճւած երկրների մէջ: Սօցիալիզմի և Յեղափոխութեան դրօշակի տակ համալսմբւած են այսօր հարիւրաւոր հազարներ՝ ինտելիգենտ և մասսա, — և բովանդակ ուսու կայսրութիւնը ներկայացնում է մի հրաբուխ, որը պատրաստ է յարմար

ըռպէին դուրս ժայթքել աւերիչ ու ազատարար լուսն... Եւ նոյն չարատանջ խնդիրները՝ ազգային անկախութեան ու ինքնավարութեան մասին՝ այժմ արդէն արծարծուած են ուսուհասակ բոլոր երկրներում և բոլոր յեղափոխական շրջաններում: Ռուսաստանի ազգային գերիշխանութեան դէմ այսօր գանգատուած է ոչ միայն լեհը, այլև ֆիննը, հրէան, լեւոզիներ, հայը, վրացին: Քաղաքակիրթ ազգերի օրինակից հրահանգւած՝ նրանք ամեն տեղ կազմակերպուած են ազգային հողի վրայ և ներդաշնակ զարնում են ահապահ հողի վրայ և ան, այլև վ ա ղ ւ ան վ տ ան գ ի դ է մ . . .

Խնդիրը ծեծուած է նաև ուսու սօցիալիստական շրջաններում, — սեղ է միանգամայն ժամանակի պահանջ է: Ինչպէս են վերաբերուած ուսու սօցիալիստ կազմակերպութիւնները այդ ծանրակշիռ, կենսական խնդրին: Ս օ ջ ի ա լ - Գ է մ օ կ ր ա տ կ ու ս ա կ ց ու թ իւ ն ը , մ ի ն չ և օ ր ս , դ ժ ք ա խ տ ա ք ա ր , ա ու ն ձ ի ն հ Տ ա ք ք ր ք ր ու թ իւ ն չ է ց ոյ ց տ ւ ւ ւ ա զ գ ա յ ն ա կ ա ն հ ար ց ր ի ն կ ա տ մ ա մ ք : Կ ր օ ր գ ա ն ն ր ու մ ն ա ա ո հ ա ս ար ա կ խ ու ս ա փ ու մ է ա յ դ կ ար գ ի հ ար ց ր ի ն ց , և ե թ է ե ր բ ւ մ ն ա պ է ս շ շ ա փ ու մ է ի է ա յ դ ն ա ան ու մ է շ ա տ դ գ ու շ ու թ ե ա մ ք ու ան որ ո շ ու թ ե ա մ ք :

Սօցիալ-Գեմօկրատիան յայտարարում է, թէ «Իւրաքանչիւր մի ազգ իրաւունք ունի իր ուղածին պէս սահմանել իր վիճակը», բայց մենք հանդիպում ենք նոյն կուսակցութեան կենտրոնական օրգանում և այնպիսի Ֆրազներ, որոնք խօսում են ի վնաս այդ յայտարարութեան անկեղծութեան: «Արօլետարիատի գործը չէ, ասում է «Խակրա»-ն, քարոզել ֆէդէրալիզմ ու ազգային ինքնավարութիւն. պրօլետարիատի գործը չէ առաջադրել այդ տեսակ պահանջներ, որոնք անխուսափելի կերպով առաջ կը բերեն պահանջ՝ ստեղծելու ինքնավար դասակարգային պետութիւն»:



Մի այլ տեղ ասեա՞ծ է. «Մենք միշտ և անպայման պիտի ձգտենք բոլոր ազգերի պրոլետարիատի ամենասերտ միութեան, բայց միայն առանձին, բացառիկ դէպքերում մենք կարող ենք առաջադրել և եռանդով պաշտպանել այնպիսի պահանջներ, որոնք հակաձեռն ստեղծելու նոր դասակարգային պետութիւն կամ թէ փոխարինելու պետութեան լիակատար քաղաքական միութիւնը՝ աւելի թոյլ դաշնակցական միութեամբ և այլն»: («Խակրա», 1903 թ. յուլիս 15):

Այս տեսակ տարտամ, երկդիմի, խորհրդաւոր յայտարարութիւններով, բնականաբար, չէին կարող գոհանալ Ռուսաստանի բազմաթիւ ազգերի ներկայացուցիչները, — և Սօցիալ-Գէմօկրատիայի դէմ լուեցին բողոքներ: Լեհական սօցիալիստ կուսակցութիւնը մեղադրեց նրան դօքտրինի օրութեան մէջ: Գժոք՝ մնացին և ուրիշ տարրերը:

Սօցիալ-Գէմօկրատ կուսակցութիւնը Ռուսաստանի մէջ հակառակորդ է յայտնուում դաշնակցական, ապակենտրոնական սկզբունքին՝ ոչ միայն պետական սահմանադրութեան մէջ, այլև յեղափոխական կազմակերպութիւնների փոխադարձ յարաբերութեան խնդիրներում: Նա ուզում է լինել աստրիական Սօցիալ-Գէմօկրատիայի հակապատկերը: Նա ծրագրել է միացնել իր գրկում այլ և այլ ազգերի սօցիալիստական կուսակցութիւնները և մէկ կենտրոնական մարմնի միջոցով վարել շարժումները ոչ միայն ընդարձակ Ռուսաստանի մէջ, այլև հեռաւոր «Ծայրերում», ուր սօցիալական և նոյնիսկ քաղաքական պայմանները այնքան տարբեր են, այնքան ինքնատիպ:

Այդ ծրագիրը նա չաջողեց իրագործել և վարմանակը կը լինէր, եթէ աջողէր: Լեհաստանի մեծ սօցիալիստական մարմինը դուրս մնաց նրանից: Նրա շարքերից

հեռացած է այսօր նոյնիսկ հրէական Բունդը<sup>1)</sup>, այդ հզոր ու գործօն կազմակերպութիւնը, որ երէկ, կարելի է ասել, հոգին էր ուսական Սօցիալ-Գէմօկրատիայի. — այսօր Բունդը ևս կանգնած է ազգային հողի վրայ, ուզում է հեռու մնալ ամեն տեսակ «խնամակալութիւնից» և պահպանել իր ինքնուրոյնութիւնը: Նա կատարի պայքար է մղում ուս սօցիալ-գէմօկրատներին դէմ, մտրակում է նրանց կենտրոնացման ու գերիշխանութեան ձգտումները, անւանում է նրանց «ասիմիլատորներ», ուսարարները):

Բայց Սօցիալ-Գէմօկրատիայից դատ՝ բուն Ռուսաստանում կայ մի ուրիշ սօցիալիստական կուսակցութիւն, որը տարբերուում է առաջինից, ի միջի այլոց, և ազգային խնդրի ըմբռնումով: Դա Սօցիալիստ-Յեղափոխական կուսակցութիւնն է, որը շարունակում է հին, փակապանծ «Նարոչնայա Վօլիա»-ին, — մի կուսակցութիւն, որ արտագրել է իր միջից Բալթալիցներին ու Վարպովիչներին և որը իր տաքտիկով վաստակել է արդէն մարտական անունը և այսօր դժոխային երկիւղ է ներշնչում միապետական կառավարութեանը: «Նարոչնայա Վօլիա»-ի առաջադրած պահանջը ազգային ինքնավարութեան մասին՝ նա ընդհանրացնում է և տարածում ամբողջ կայսրութեան վրայ:

«Մենք դուրս ենք մեր դրօշակի վրայ ազգութիւնների լիակատար և անպայման իրաւունք՝ իրենց վեճակը տնօրինելու: Մենք պաշտպանում ենք դաշնակցական կազմով, տեղական ամենալայն ինքնավարութիւնը, ժողովուրդների կուլտուրական ինքնուրոյնութիւնը»...

Ահա թէ ինչ ենք կարգում այդ կուսակցութեան պաշտօնական օրգանի՝ «Բեվօլիցիօննայա Բօսսիա»-ի

1) Այդպէս կոչում է Լեհաստանի, Լիտվայի և Ռուսաստանի հրէա սօցիալիստների դաշնակցութիւնը:

2) Տես «Լեհաստանի Բունդ» 1904 յունւար-փետրւար:



մէջ (1903 թ. N. 18): Ապա ողջունելով լեհ, ֆինն, հայ, վրացի և ուրիշ ազգերի վերածնութիւնը, նոյն օրգանը բացականչում է.

«Աեցցէ այդ կենսունակ ազգութիւնների դաշնակցութիւնը՝ աճող յեղափոխական Ռուսաստանի հետ», — մի դաշնակցութիւն, որ «ամրապնդւած է տանջանքների ու կռիւ ընդհանրութեամբ»։<sup>\*)</sup>

Համարձակ ու շիտակ յայտարարութիւններ, որոնք հիմնապէս տարբերում են Սօցիալ-Գէմօկրատիայի երկչոտ ու տարտամ ֆրազաբանութիւնից:

Զարմանալի չէ, որ Սօցիալիստ-Յեղափոխական կուսակցութեան հմայքը աճում է նաև բուն Ռուսաստանից դուրս, կայսրութեան ծայրերում: Թէ իր տէնօրական-ուաղմական տաքտիկով, որը ամենից աւելի է համապատասխանում մտքերի այժմեան տրամադրութիւններին և թէ ազգայնական րասիօնալ ծրագրով՝ «Նարօդնայա Աօլիա»-ի արժանաւոր յաջորդը պիտի ընդարձակէ իր գործունէութեան ու ազդեցութեան շրջանը, պիտի զարկ տայ համերաշխութեան գործին՝ բուն Ռուսաստանի և կենտրոնախոյս «Ծայրերի» միջև, պիտի փութացնէ այն բաղձալի օրը, երբ ուռս, ֆինն, լեհ, լիտվին, մալթոս, վրացի, հայ՝ բոլորն էլ սողորւած միջազգայնութեան և ազգային անկախութեան գաղափարներով, իբրև մի ներդաշնակ, անպարտելի բանակ, միաձայն կ'որոտան բունապետական դահճի երեսին. «Աեցցէ Ռուսաստանի բոլոր ազգերի յեղափոխական ուժերի մարտական Գաշնակցութիւնը»...

\*) Այդ թերթում հրատարակւած են մի շարք կարեւոր յօդուածներ ազգային ինքնավարութեան խնդրի մասին — Նազադէս երկուց ռուսական մամուլի պատմութեան մէջ:

VIII

ՀԱՅՐԵՆԻՔԻ ԳԱՂԱՓԱՐԸ  
ԵՒ  
ՀԱՅԿԱԿԱՆ ԿՌԻՒԸ

Հայի պատմական ծակատագիրը. — Բացառիկ միջավայր. — Յեղափոխութեան շարժումը օսմանսնան և ռուսական հայաստանում. — Թիւրքական շարժումը օսմանսնան և հայկական շարժման սկզբնաւորումը. — Եղափոխութիւնը խեղդելու ապարդիւն ջանքեր. — Կոնի Ռուսահայաստանում. — Հայ Յնդ. Գաշնակցութեան դերը. — Համերաշխութիւն ուրիշ ազգերի յեղափոխականների հետ. — Սօցիալիստական Պրօպագանդ. — Ազգային պաշտպանութիւնը՝ առաջնակարգ հարց:

Անիծւած ճակատագիր... Սահմանադրական երկրների մէջ ճնշւած ժողովուրդների բազմն էինք ողբում, բայց որքան դարձեալ երջանիկ են նրանք յարաբերաբար:

Արեան ու սարսափների հայրենիքը կայ երկրագնդի մի խուլ անկիւնում, որ կ'ուզէր վայելել գէթ չնչին մասը այդ ժողովուրդների անկատար ազատութեան: Հայը նախանձում է ոչ միայն Պօղոսի ու Սիւրբեայի բնակչին, այլ նոյնիսկ Գալիցիայի թշուառ, թափառական հրէային, ուստիսին: Հայը շատ անգամ երանի է տալիս նոյնիսկ բնութեան հովանու տակ ապրող վայրի գաղաններին...

Եւ երբ մենք հոգեկան անգորրութեան մէջ՝ դիմում ենք փիլիսոփայական մարդանքների, երբ կառուցանում ենք հրապուրիչ ծրագիրներ վաղւան սահմանադրութեան կամ թէ հեռաւոր «սօցիալական հանրապետութեան» մասին, — հայկական իրականութիւնը իր բոլոր



արհաւիրքներով ծառանում է մեր առջև, որպէս մի վեժխարի հարցական նշան...

Անիճւած ճակատագիր... Կայ արդեօք մի ուրիշ հայրենիք, որը իր ծագման օրերից ի վեր՝ դրւած լինէր այնքան դժբախտ աշխարհագրական և ցեղագրական պայմանների մէջ: Կայ արդեօք մի ուրիշ կէտ մեր հողագնդի վրայ, ուր պատմութիւնն ու նախապատմութիւնը, քաղաքակրթութիւնն ու վայրենութիւնը այնքան այլանդակօրէն հիւսւէին իրար հետ՝ արտագրելու համար մարդկային դարաւոր նահատակութեան սղեխարշ էջեր...

Քարտէզը սև է սկզբից մինչև վերջ: «Անցեալը տխուր, ներկան թշուառ, ապագան»...

Ոչ չ'ասենք «անյոյս»: Տառապանքներից ու արիւնից ծեփւած այդ սև քարտէզի վրայ կան լուսաւոր կէտեր՝ յուսադրող ու կազդուրիչ: Կայ նախ և առաջ այն կենտրոնական իրողութիւնը, որը տիրապետում է հայկական պատմութեան բովանդակ զարգացման վրայ և որը մի հզօր երաշխաւորութիւն է, մի փայլուն գրաւական լուսագոյն ապագայի. — դա այն անսովոր կենսունակութիւնն է, որով հայ ցեղը զարմանք է պատճառում լուսաւոր աշխարհի մտածողներին և որի շնորհիւ քանի՛ քանի՛ անգամ նա դուրս է կոչւել կորստեան անգնդից...

Քանի՛ հայրենիքներ, որոնք երբեմն փարթամ որրաններ էին քաղաքակրթութեան, կուլ են գնացել ժամանակի կործանիչ ալեքներում, չկարողանալով պատշաճ պատասխան տալ Գարվինականութեան անողոք օրէնքին՝ «յարմարում»-ի տիեզերական պահանջին. — հայի հայրենիքը ապրեց, յարատեւեց: Կր ճկուն ու գործօն հանձարի շնորհիւ՝ հայկեան փոքրածիւ ցեղը կարողացաւ գլուխ դուրս բերել պատմական ասեղ փորձութիւններից, մղեց յաղթանակով գոյութեան ու քաղաքակրթութեան պայքարը երկար ու ձիգ դարերի ընթացքում,

անընդհատ նւաճողական արշաւանքների, խուժուժ ցեղերի ու պետութիւնների դէմ և հասաւ ներկայ օրերին, ուր պիտի վճուէ նրա լինել-չլինելու հարցը...

Վիկոյի «ճակատագրական ջրջագծի» թէօրիան չէ արդարանում: Ազգերը նման չեն անհատներին. — նրանք ապրում են, բայց չեն ծերանում: Կրք նրանք չեն ձուլւում ուրիշ աւելի հզօր ազգերի մէջ, երբ նրանք կաւում արդանում են պահպանել իրենց անհատականութիւնը արտաքին հողմերի, քաղաքական փոթորիկների դէմ՝ — նրանք աճում, զարգանում են անվերջօրէն, առանց ծերանալու և առանց մահանալու: Անկման ջրջաններ լինում են, ի հարկէ, նրանց դարաւոր գոյութեան ընթացքում, բայց այդ անկումը առերեւոյթս է. նա պարուքում, բայց այդ անկումը առերեւոյթս է. նա պարունակում է իր մէջ — շէգէլեան կօնտրաստով — վերածնութեան սաղմեր:

Տասնևվեց դար է գլըբել այն ոսկէ օրերից, երբ մենք հին աշխարհին տւինք ապացոյցներ մտաւոր կուլտուրական առաջադիմութեան՝ մեր գիր ու դպրութեամբ, մեր ազգայնական-ազատագրական պայքարով: Եւ այսօր, այդ հսկայական տարածութիւնը կտրելուց յետոյ, հայը կորովի ու թարմութեան կողմից բնաւ չէ զառամել — ընդհակառակը. այսօր նա նոր կեանք առած՝ գրոհ է տալիս իր մահացու թշնամիների դէմ և պատրաստւում է մի նոր դարապլուխ բաց անել այնտեղ, ուր դարերով իշխել են միայն խաւարն ու արհաւիրքը...

Ի՛նչ էր մնում տ ա ս ն ի ն ն եր ո ր գ գ ար ի սկզբներում վաղեմի շայաստանից... Ըստ երևոյթին, խղճուկ բեկորներ միայն: Յիր-ցան վաճառականների մի ողորմելի հօրդա — այսպէս էր ներկայանում հայութիւնը լուսաւոր աշխարհին. — վաճառականներ՝ որոնք տարւած էին իրենց ետական, կաստային շահերով, առանց որևէ ազգային-հաւաքական մտահոգութեան:

Բայց ահա Արևմուտքից փչեց Յեղափոխութեան փըր-



կարար քամին: Ազատ հայրենիքի իդէալը սկսեց իր չուն  
 դէպի Արևելքը, անցաւ Յունաստանից, մտաւ Փոքր-Ասիոյ  
 խուլ ու խաւար անկիւնները: Եւ հայը արձնացաւ:  
 Արիւնը եռաց նրա երակներում, — երկու հազար տա-  
 րեկան, բայց տակաւին թարմ, կենսարար արիւնը: Այն  
 ժամանակ, երբ օսմանեան կայսրութեան բազմաթիւ ցե-  
 ղեր խորասուզած էին արևելեան ճահճացած մթնո-  
 լորտում, ծոյլ ու անտարբեր դէպի քաղաքակրթութեան  
 համասփիւռ ճառագայթները — հայը սկսեց թօթախել  
 իր վրայից հինգ դարու գերութեան մղձաւանջը և ցոյց  
 տեց առաջադիմութեան փայլուն նշաններ: Հրապարակ  
 եկաւ մի փառաւոր սերունդ, մեւաճ մեծ մասամբ ֆրան-  
 սիական գաղափարներով, որ և կրող հանդիսացաւ ազգա-  
 յին նորաբողջ քաղաքակրթութեան: Ազգային կրթա-  
 կան հիմնարկութիւններ մայրաքաղաքում ու գաւառներ-  
 րում, ժողովոգային լայն դաստիարակութեան ծրագիրներ,  
 բարեգործական հիմնարկութիւններ, պարբերական մա-  
 մուլ Մտիթարեան ընդարձակ պրօպագանդ և լին. և լին.:  
 Տպագրական խօսքը առաջին անգամը հնչեց Փոքր-  
 Ասիայի մտաւոր անապատում, հայոց բարձրամանդակի  
 վրայ («Արծիւ Ասպուրականի», 1857 թ.):

Հայկական իմացականութիւնը արտայայտեց գոր-  
 ծունէութեան բոլոր ձիւղերում անսովոր ուժով փայլեց  
 առևտրի ու արդիւնաբերութեան մէջ, հայը հանդիսացաւ  
 ճշմարիտ կուլտուր-տրեգեթ, միջնօրդ Եւ-  
 րոպայի և Ասիայի միջև: Նա դրեց իր կնիքը նոյնիսկ  
 արևեստի և ընդհանուր պետական քաղաքականութեան  
 վրայ: Իսկ 1860-ի, այժմ հանգուցեալ «Սահմանագրու-  
 թեամբ» նա աւելց իրեն շրջապատող յետամնաց ցեղերին  
 Self Government-ի, ինքնավարութեան գեղեցիկ օրի-  
 նակ. նա ուզեց ցոյց տալ թէ ինքն այնքան հասունա-  
 ցել է արդէն, որ կարող է վարել իր ներքին գործե-

ւր, — և դրանով շեշտեց իր քաղաքակրթական միասին  
 Արևելքում:

Առաջադիմութիւնը այնքան զգալի էր, որ Հ. ա. ք. ս. ա. -  
 հ. ա. ո. զ. է. ն, հռչակաւոր գիտնական-ճանապարհորդը,  
 պնդում էր, թէ հայը միակ բրիտանոնայ ժողովուրդն է  
 ճաճկաստանի մէջ, որ ընդունակ է կազմակերպելու, իբրև  
 ճշմարիտ հասարակութիւն:

Աերածնութեան փրկարար հոսանքով տարւում էր նաև  
 հայրենիքի միւս խոշոր հատւածը — Ա. ո. վ. կ. ա. ս. ե. ա. ն  
 Հ. ա. յ. ա. ս. տ. ա. ն. ր: Հէնց որ ստեղծւեցին փոքր ի շատ  
 տանելի պայմաններ՝ այնտեղ ևս ծաւալեց հայ տարրի  
 բեղմնաւոր գործունէութիւնը և անսովոր կենդանութիւն  
 հաղորդեց ոչ միայն իր երկրի, այլ և ամբողջ Արևմտի  
 կուլտուրական կեանքին: Այնտեղ ևս դպրոցներ, ազ-  
 գային մամուլ ու գրականութիւն: Այնտեղ ևս հայը  
 վաստակեց առաջնութիւն անտեսական-արդիւնաբերա-  
 կան կեանքում: Եւ Արարատեան հայութիւնը՝ օսման-  
 եան հայութեան հետ ձեռք ձեռքի տւած, ընդհանուր  
 ուժերով ու գովելի նախանձախնդրութեամբ առաջ մղեցին  
 ընդհանուր հայրենիքի վերածնութեան գործը...

Քաղաքացիական առաքինութիւնների հետ եկաւ միա-  
 նալու զինւորական-ազմական արիւթիւնը:  
 Թէ կովկասեան դժւարին պատերազմներում և թէ  
 Արևելիայի ազատ լեռների մէջ՝ հայը ապացուցեց, որ  
 ինքն ընդունակ է նաև դիւցադիտական սխրագործութիւն-  
 ների...

Զէյթունը՝ հայկական Մանտենեգրօն իր յաղթական  
 կռիւներով Եւրոպայի հիացմունքը շարժեց դեռ 60-ական  
 թւերի սկզբներում: Հայրենիքի այդ սքանչելի բեկորը, որ  
 անմատչելի բարձունքների վրայ պահպանել էր դարերի  
 ընթացքում անկախ գոյութիւն, իր հերոսական ընթաց-  
 քով ցոյց տւեց ամբողջ հայութեան, որ բաւական չէ  
 լիկ կուլտուրական վերածնութեան շարժումը, այլ որ



անհրաժեշտ է հրապարակ գալ լիակատար սպառազին-  
ութեան մէջ՝ ազատ ու անկախ հայրենիքը նւաճելու  
համար...

Աւանդ հայութիւնը իր ճնշող մեծամասնութեամբ  
գեռն ևս տկանջ չունէր լսելու ուղղի որոտումները...  
Ձէյթունը — մի օւղի ստրկութեան լայնատարած անա-  
պատի մէջ, ուր միջինաւոր ազգաբնակութիւնը սրտա-  
շարժ խոնարհութեամբ քարշ էր տալիս փաշայական  
կամայականութիւնների լուծք:

Անց դար գերութիւն... Ուր էր այն մոգական գա-  
ւաղանը, որ մի հարւածով յեղաշրջէր այդ դարաւոր,  
զարհուրելի իրականութիւնը:

Եւ այնուամենայնիւ, նա յեղաշրջեց... Ձէյթունի  
ճիչը, ուշ բայց ունեցաւ իր արձագանքները:

Կեծ Հայաստանում դպրոցն ու ուսումը յարատեւում  
էին, բայց անտեսութիւնը սրաւշաւ ընթանում էր դէպի  
քայքայում... Հայը աւերւում էր, որովհետեւ թիւրքը  
վերածնել էր ուղում. թիւրքը ուղում էր վերածնելը  
որպէսզի կարողանայ պահպանել իր դիրքը ժամանակա-  
կեց պետութիւնների համաստեղութեան մէջ, պատե-  
րազմների մշտնջենական վտանգի հանդէպ... Պէտք էր  
արմատապէս վերանորոգել, աճեցնել ճովի ու ցամաքի  
ուժերը: Պէտք էր, հետեւապէս, բարձրացնել երկրի ֆի-  
նանսները: Բայց այդ նպատակն իրագործելու համար՝  
փոխանակ գիմելու բնական ճանապարհին, փոխանակ  
զարկ տալու երկրի առևտրին ու արդիւնաբերութեան՝  
թիւրքը զարկ տւեց նրանց քայքայման: Նա մղեց թա-  
ւանի քաղաքականութիւնը՝ ասիական բոլոր  
բունապետութիւնների գերագոյն սկզբունքը:

Թաւանը ծանրացաւ առանձին ուժգնութեամբ՝ «բայա» ի  
վրայ: Նա դեռ կը համբերէր, նա շատ էր համբերել...  
Հայի հայրենիքը դարձաւ թաւերաբեմ մի կազմակերպւած  
աւազակութեան... Այդ օրերից և հնչեց հայաստանցու

աղեկտուր ողբը: Հայ ինտելիգենցիան արձագանք տւեց:  
Հայոց ուժօրմների շարատանջ խնդիրը հրապարակ եկաւ  
և Բերլինի կոնգրէսում մեծ պետութիւններից սանկ-  
ցիա ստացաւ:

Խնդր ու բերկրանք ամբողջ հայ աշխարհում:  
Սակայն և շուտով — յուսախաբուութիւն... 61<sup>րդ</sup> յօդ-  
ւածը վիժեց: Նա մնաց մի ֆիկցիա, որ միայն շա-  
րունակ գրգռեց դահճի անգթութիւնը դէպի իր զոհը:  
Եւ «բայա»-ն սպասեց... մարտիրոսութեան խարոյկի  
վրայ կապւած, իր արտասուած աչքերը միշտ յառած  
դէպի «ազատարար քրիստոնեայ աշխարհը»... Ոչ որ  
չեկաւ: Նրա տունն ու տեղը աւարի տրւեցին, նրա  
տաճարները անպատիժ կերպով սրբապղծւեցին, նրա  
ընտանեկան բոլոր սրբութիւնները ոտնատակ եղան.  
Նրա կնոջ ու աղջկայ պատիւը մատնեց քրդի սանձար-  
ձակ վաւաշտութեան. նա հաւար կանչեց, գթութիւն  
աղերսեց, — աշխարհը լուռ էր, քար ու ապուած...  
Եւ ահա այն ժամանակ լքւած ու վրէժխնդիր սարկի մէջ  
խօսեց այն սրբազան բնազդը, որ ազատութեան անմահ  
երգիչը (շիլլեր) պատկերացրել է իր հուժկու տողերի մէջ:

Երբ հարստահարւածն սպտեղ՝ աշխարհում  
Դատ ու իրաւունք բնաւ չէ գտնում,  
Երբ որ բնութեան լուծք գարնելի  
Դառնում է ստրկին անհանդուրժելի,  
Նա իր ծեղքերը երկինք է մեկնում  
Եւ վստահօրէն այնտեղից խլում  
Իր իրաւունքներն յաւիտենական,  
Որոնք երկնքի աստղերի նման  
Անշարժ, անվախճան անհունին փարած  
Ծնում են այնտեղ յաւիտեան կախւած:  
Բնութեան նախնի փրձան է հասնում,  
Երբ մարդը մարդին ոտի էր դառնում.  
Երբ էլ ծար չունիք, սրին ենք դիմում,  
Ծննք մեր հայրենի հողն ենք պաշտպանում,  
Ընդդէմ մեզ ծնող անարգ բնութեան  
Պաշտպանում ենք մեր կին ու երեխան:



Ալէկոճեց հայ երիտասարդութիւնը: Արարատեան աշխարհից մինչև Ան ու Էրզրում տարածեց մտքերի այն փրկարար խմորումը, որ նախանշանն է յեղափոխական շարժման: Կովկասը ցնցեց «Էրզրումի լեռներէն հնչող» առաջին որոտումներից. գիւղ ու քաղաքներում արագ շրջան արաւ ուսաստան գրողների ու բանաստեղծների վաղուց փայփայած հայրենասիրական կոչը՝ «Գեպի Հայաստան»: Անմոռանալի օրեր — վարդագոյն յոյսերի, անհուն, մասսային խանդավառութեան օրեր... Ո՛վ է այն համարձակը, որ վստահանայ պնդել, թէ շահախնդիր, նիւթապաշտական դրդումներ կային կովկասահայերի այդ խանդավառութեան մէջ... Շահն էր ղեկավարում (°) ... արարատեան խեղճ շինականին, որը իր համեստ լուսման էր ձգում յեղափոխական գանձարանի մէջ, շահն էր ղեկավարում — օ, մատերիալիզմի պրօֆանատօրներ — և՛ այն կենսալից երիտասարդներին, որոնք շարան-շարան անցնում էին սահմանը՝ իրենց մատաղ գլուխը զոհաբերելու տանջող հայրենիքի սեղանի առաջ...

Երիտասարդ Հայաստանն էր դա: Այդտեղ հարթուում, հարւում էին սահմանները, այդտեղ թիւրքահայ, ուսաստան ու պարսկահայ գրկախտառուում էին յանուն այն մեծ, անյաղթելի տենչի, որը յատուկ է մարդկային բոլոր արիւնակից համայնքներին, յանուն այն տենչի, որը մղում է յոյնին, բուլղարին՝ կուրի դաշտ վաղելի իրենց արիւնը թափել՝ Կրետէի ու Մակեդօնիայի ազատութեան համար...

Երիտասարդ Հայաստանն էր դա: Գաղափարական վսեմ թռիչքների, ազատ մտքի և ասպետական զգացմունքի Հայաստանը: Նա եկել էր ի կատար ածելու պատմական մի մեծ առաքելութիւն: Նա գրել էր իր գրօշակի վրայ Տ ա ճ կ ա հ ա յ ա ս տ ա ն ի ա ն կ ա խ ու թ ի լ է ն ը, լաւ գիտակցելով, որ այդ վերջինը անհրա-

ժեշտ պայմանն է հայութեան կեանքի ու բարգաւաճման:

Եւ նա սկսեց անհաւասար կռիւր՝ մի զարհուրելի, դժոխային միջավայրում, շրջապատւած ամեն կողմից մարդակերներով:

Չընայած անօրինակ խոչընդոտներին՝ հայ յեղափոխական շարժումը ունեցաւ փառահեղ արտայայտութիւններ...

Զէյթուն ու Սասուն, Խանասոր ու Խաստուր, Բանկօտուման, Սամաթիա, Գալիբաբա... անմոռանալի դրուագներ մի սրտաշարժ դիւցազներգութեան...

Հրաշալի կորովներ, անձնուրացութեան վեհ, պայծառ փիպարներ, որոնք վաղաժամ ընկան անագորոյն հարւածների տակ՝ իրենց վերջին ողջոյնը յղելով Ազատութեան կուռքին... Ave libertas, morituri te salutant!

Անյայտ, մոռացած շիրիմներ՝ ցան ու ցրիւ հայրենիքի ամբողջ տարածութեան վրայ... Պատիւ, ձեռք, ազնիւ, պաշտելի նահատակներ, ձեր անհանգիստ ու ահեղ հոգիները յաւիտենական սպառնալիքի պէս պիտի սաւառնեն Բոնաւորի գլխին, մինչև որ իրագործւեն ձեր փայփայած երազները: Պատիւ ձեր բազմատանջ աճիւններին, որոնք պիտի դառնան սեփականութիւն ապագայ հայկական պանթէօնի...

Այո. եղան վայրկեաններ—գոռ, շառաչալից—երբ նոյնիսկ «պառաւ», նորատեսց, ինքզինքը հակայեղափոխական անւանող Հայաստանը՝ ի տես իր երիտասարդ զաւակների հերոսութեան և եւրոպական փութկոտ միջամտութեան՝ փառաբանում էր և սիրով գրկում կուրի գաղափարը: Թշնամին սոսկում էր ու «րայա» ՝ ի անվեհեր թռիչքներից, մարտական մի սարսուռ էր անցնում հայութեան ջղերով և նա հպարտ էր...

Անցան փութորկոտ վայրկեանները: Եւրոպան սպառնաց ու չխածնեց: Անբլո-ուսական հակամարտութիւնը հա-



սաւ իր գագաթնակէտին: Լօբանօվ յայտարարեց բա-  
ցարձակ ձեռնպահուածիւն և խրախուսեց հայերի դահ-  
ճին: Քրանսիան համակերպեց Լօբանօվին: Միւս պե-  
տութիւնները ևս ձեռնպահ մնացին: Անգլիան չսիրա-  
խեց միայնակ միջամտել: Մայիսեան ծրագիրն էլ քննեց-  
բոլոր խոստումները մնացին խոստում: Գրա փոխարէն  
պայթեց անօրինակ կատաստրօֆը և հայրենիքը դարձաւ  
արեան ծով: Բորենիների քաղցած վոհմակները գահա-  
վեժեցին կէս-դիակնացած Հայաստանի վրայ... երկար,  
անպատիժ յօշոտեցին...

Եւ հնչեց դժոխային, յաղթական քրքիջը Երլէզզի  
պարստում. «հայը ջախջախած է և հայկական խըն-  
դիրը մեռած»...

Պատրանք... Կարծեցեալ զիակը շուտով երերաց ու  
նորից արձանացաւ իր ոտխի դէմ, որպէս վրէժի, ատե-  
րութեան մարմնացում:

Հարածը մեծ էր, անտարակոյս: Երկարատե ճգնա-  
ժամի ընթացքում յեղափոխական կորովը թուլացաւ,  
կուռնների մի մասը դասալիք եղաւ: Սակայն գրանով  
հայկական դիմադրութիւնը չ'անդամալուծուեց: Հայ  
Յեղափոխական Գաշնակցութիւնը կան-  
գուն մնաց՝ սարսափների, դասալքութեան և ընդհանուր  
յուսահատութեան այդ սև շրջանում: Նրա մէջ ար-  
տայայտուեց ցեղի յամառ կենսունակութիւնը: Կուռով  
կոխած, կուռ մէջ դաստիարակած և միևնոյն ժամա-  
նակ զինւած իր դատի վերջնական յաղթանակի հը-  
պարտ գիտակցութեամբ՝ նա անխոնջ արծարծեց յե-  
ղափոխական կրակը, պայքարեց հակայեղափոխական  
համաճարակի դէմ, պաշտպանեց, սիրտ տուեց ժողո-  
վրդին:

Եւ ահա այդ նոյն վերաւոր ժողովուրդը ուժգին  
ցնցումներով նորից խոռովում է թշնամու հանգիստը...

Ահա վերստին լուում են ուղմի աղաղակները հայ-

կական բարձրավանդակից: Սասունը բռնկուել է և Հայ  
Յեղափոխական Գաշնակցութեան բանակը՝ Տալփօրիկի  
բարձունքների վրայ ազատութեան դրօշակը պարզած՝  
կուում է թշնամու տասնապատիկ ուժի՝ կանոնաօր  
զօրքի և բուրդ աշիրէթների դէմ...

Ահա միաժամանակ ընդհարումներ ու մասսային բան-  
տարկութիւններ, ցատում ու արհաւիրք բովանդակ երկրի  
մէջ. — մի ցաւոտ, անհնարին կացութիւն, որ նշմարել է  
տալիս հորիզոնի վրայ ազատութեան կարմիր արշալոյսը...

\* \* \*

Կուռը նշանաբան է:

Բռնապետութիւնը — այդպէս է արդէն նրա ճակա-  
տագիրը — ինքն է հոգում նրա տարածումը... Կուռի  
չուինդը լուում է այսօր հայոց աշխարհի այնպիսի վայ-  
րերում, որոնք քիչ առաջ զարմացնում էին իրենց շնաչ-  
խարհիկ համբերողութեամբ... — խաղաղ արքայապաշտ  
Անդրկովկասում:

Ջւարթ օրեր են, թէպէտե ծանր, թէպէտ տագ-  
նապալի: Ել մնաս բարեաւ ուսահայի անդորրութիւն...

Մի խենթ որոշում, մի անարդ ու կազ ծայրէ ծայր  
ցնցեց ամբողջ երկիրը: Հայ ժողովուրդը ոտքի կանգնեց  
և կողակների սուինների դիմաց շեշտեց իր դարաւոր  
իրաւունքները:

Ծնունդ առաւ ուսահայի կական շարժումը  
Նա սկսեց ժողովրդական ցոյցերով զինւած, արիւնահեղ  
ընդհարումներով: Նա այսօր շարունակում է տէնօրական  
գործողութիւններով և անդուր եռանդուն ագիտացիայով:  
Նա ունի արդէն իր հերոսներն ու նահատակները: Ռուս  
յեղափոխական կուսակցութիւնները և Եւրոպայի անկա-  
շառ մամուլը ողջունեցին նրան, իբրև մի նոր ծանրակշիռ  
Փակտօր Ռուսաստանի ազատագրութեան գործում:

Հայ յեղափոխական կազմակերպութեան համար զը-



ըութիւնը բարդացաւ: Հ. Յ. Գ ա շ ն ա կ ց ու թ ի լ ն ը, որ մինչև օրս մղում էր հայոց ազատութեան կռիւը միմիայն սուլթանի կառավարութեան դէմ, — յայտնեց մի աւելի ահեղ թշնամու հանդէպ: Գատը մէկ էր, սակայն՝ թէ սահմանից անդին և թէ ասդին. Ճըն- շաճ, իրաւագործի հայ ժողովուրդն էր, որ առաջադրում էր իր հրամայական պահանջները, — և Գաշնակցութիւնը, առանց վարանելու, ստանձնեց կովկասեան Հայաստանի գատը:

Կռել բ ո լ ո Ր մ ի ջ ո ց ն ե ռ ո վ՝ սկսած խաղաղ, կուլտուրական պայքարից: Ազգայնութիւնը ոչնչացնում են — պէտք է հակադրել: Խլում են հայ տարրից նրա բոլոր իրաւունքները և ձգտում են իսպառ այլասեռել նրան, անբարոյականացնել: Բոլոր զէնքերով պէտք է մաքառել ո ու ս ա ց մ ա ն դ է մ: Բոլոր զէնքերով պէտք է պաշտպանել և կատարելագործել առաջադի- մութեան այն հրաշալի գործիքը, որ կոչւում է ազգային- հասարակական ի ն ք ն ա գ ի տ ա կ ց ու թ ի լ ն :

Վեհաստանը տալիս է այդ կողմից հիացմունքի արժանի օրինակ: Այնտեղ, այն դիւցազնական երկրում, չբաւա- կանացան միայն վիթխարի ցոյցերով ու ապստամբու- թիւններով: Այնտեղ ազգային պաշտպանութեան գործը կազմակերպեցին նաև խաղաղ շրջանում: Այնտեղ աղ- գութեան բոլոր դասակարգերը, գաղափարական բոլոր հոսանքները անխոնջ, սխտեմատիկ կռիւ յայտարարեցին ուսացման վտանգին: Խշտողը բռնութեամբ պատուաստել ուզեց իր սեփական լեզուն, — հպատակները յամառ տո- կունութեամբ առաջ մղեցին մայրենի լեզու բռնու պրօ- պագանդը: Պէս պէս ձևերի տակ երևան եկան բաղ- մաթիւ ընկերութիւններ՝ լեհական լեզուն, մամուլն ու գրականութիւնը խրախուսելու համար: Հայրենիքը դար- ձաւ մի ընդարձակ մրցարան: Գիւղ ու քաղաքներում,

ընտանիքներում ու հասարակական շրջանների մէջ՝ մէկ էր նշանաբանը — ուսացման դէմ...

Գովելի եռանդ, ազգային հզօր նախանձախնդրու- թիւն: Եւ քաղաքակիրթ աշխարհը ծափահարեց լեհե- թիւն: Թշնամին անգամ պատկառանք զգաց այդ հսկա- յական զօրութեան առաջ և բռնեց զեջուճների թեք ճանապարհը:

Կուլի մի ձեն է դա՛ զօրաւոր, թէև անարիւն՝ որ անհրաժեշտ է պատուաստել նաև կովկասեան Հայաս- տանում: Նա լրացուցին է զինւած պայքարի...

Հայ Յեղափոխական Գաշնակցութիւնը կռիւ է քա- ռողում և համերաշխութիւն: Բռնապետութեան դէմ մղելիք կուլի մէջ նա ձեռք է մեկնում բոլոր բախտա- կից, դժգոհ տարրերին: Նա արդէն փոխանակում է համերաշխութեան արտայայտութիւններով՝ վրացի սօ- ցիալիստ-ինքնավարականների և ուս սօցիալիստ-յե- ղափոխականների հետ:

Յեղափոխութեան աւետարանը պիտի աջողէ համե- մատաբար կարճ ժամանակում միացնել տարբեր, նոյնիսկ իրարու հակառակ ազգերը...

Միացնել, սակայն ոչ ձուլել: Ա զ գ ա յ ի ն ի ն ք ն ա վ ա Ր ու թ ի լ ն ը պէտք է լինի անկիւնաքարը բո- լոր տարրերի քաղաքական դաւանանքի: Եւ փոքրիկ ազգերի ներկայացուցիչները պէտք է միշտ շեշտեն այդ պ օ ս տ ու լ ա տ ը՝ ո ու ս յեղափոխական կուսակցու- թիւնների առաջ:

«Ազգային ինքնավարութիւն» կամ «անկախութիւն» բառը չըպէտք է տեղիք տայ թիւրեմացութիւնների: Հ. Յ. Գաշնակցութիւնը — հարկ կայ արդեօք ասել — անջատ հայկական թագաւորութեան կուսակից չէ: Նա իր ծրագրով ու գործունէութեամբ, իր բովանդակ կեր- պարանքով միշտ եղել է և է ժողովրդական



կուսակցութիւն, պաշտպան աշխատաւոր ընդ-  
հանրութեան շահերի, ատող ամեն տեսակ աւանձնա-  
շնորհումների լինի ազգային, թէ դասակարգային:

Եւ եթէ լեհ, ռուս, վրացի՝ կարող են երեւակայել  
իրենց անկախութիւնն ու ինքնավարութիւնը՝ դաշնակ-  
ցական մի հանրապետութեան մէջ—դրանից աւելի հե-  
ռուս չեն գնում «Գաշնակցութեան» բաղձանքները:

Եւ երբ Մարքսիզմի թէօրեօրկոս կարը կառուցելի փա-  
փագ է յայտնում իրագործւած տեսնել հայոց ազգային  
անկախութիւնը—նա ևս, անտարակոյս, ուրիշ կերպ չէ  
մտածում...

Ազգային շարժումը չըպէտք է հակասէ սօցիալիս-  
տական շարժման: Օրինակ առնենք Պոզնանի և աւս-  
տրիական երկրների սօցիալիստներից: Այդ միանգա-  
մայն անհրաժեշտ պահանջին գիտակից է Հ. Յ. Գաշ-  
նակցութիւնը, որ 12 տարի սրանից առաջ մտցրել է  
իր ծրագրում՝ ազգային անկախութեան պահանջի հետ  
միասին՝ սօցիալիզմի գաղափարը, որ և արծարծել է  
նա տարիների ընթացքում՝ իր հրատարակութիւնների  
մէջ:

Նոյնիսկ սօցիալիզմի աջող պրօպագանդի համար, նոյն-  
իսկ դասակարգային կռիւր նպաստաւորելու համար՝  
Հ. Յ. Գաշնակցութիւնը պաշտպան է հանդիսանում  
ազգային ինքնուրոյնութեան: Սկզբունքի նկատու-  
ման հարցը, որ թերեւ կարեւորագոյնն է ներկայ  
պայքարի մէջ:

Անգոյն, ֆրազմոն կօսմօպօլիտիզմը, անտարբերութիւնը  
դէպի ազգային-հաւաքական ստացւածքները՝ արգելք են  
լինում ժողովրդային մեծ զանգւածներին՝ յարելու սօ-  
ցիալիզմին: Հասարակութեան յետագէմ տարրերը պատ-  
րաստ են միշտ շահագործելու այդ կօսմօպօլիտիզմը և

ներկայացնելու իրանց՝ իբրև ազգայնութեան միակ հո-  
վանաւորներ, նրա ճակատագրի միակ կրողներ:

Միւս կողմից՝ որքան անհրաժեշտ է յայտնում ազ-  
գային ինքնուրոյնութիւնը — նոյնիսկ կազմակերպական  
խնդիրների մէջ — երբ նկատի էք առնում պայմանների  
այլազանութիւնը միևնոյն ռէժիմի տակ ապրող երկրնե-  
րում: Տարբեր լեզուներ, տարբեր պատմական աւան-  
դութիւններ, միանգամայն տարբեր հոգեբանութիւն...  
Մէկ ամբողջական (einheitlich) տաքտիկ, մէկ կենտրո-  
նական՝ ամբողջ ռուս կայսրութիւնը ընդգրկող մարմին՝  
չէ կարող իրագործել և յարատեւել, ինչպէս փաստերն  
էլ վկայում են արդէն:

Սօցիալիստական կուսակցութիւնները՝ հայ, վրացի,  
ռուս և այլն՝ պէտք է անհրաժեշտաբար գործեն ինք-  
նագլուխ, իւրաքանչիւրը իր ազգային միջավայրում, հա-  
մաձայն այդ միջավայրի յատուկ պահանջներին, — մի և  
նոյն ժամանակ բոլորն էլ կապւած սերտ դաշնակցական  
կապով: Այդ կերպ միայն կարելի է սահմանել աշխա-  
տանքի խելացի ու արգասաւոր բաժանում. այդպէս  
միայն կարելի է աճեցնել յեղափոխական եռանդն ու  
կորովը այլ և այլ լծակից երկրների մէջ և ուղղել  
նրանց դէպի ընդհանուր նպատակակէտը — բռնապե-  
տութեան ու կապիտալիզմի տապալումը:

\* \* \*

Ամփոփենք:

Սօցիալիստական նորաբողբոջ շարժումին Հ. Յ. Գաշ-  
նակցութիւնը — հաւատարիմ իր ծրագրի ոգուն — կը բերէ  
իր գործուն աջակցութիւնը, սակայն այդ շարժումը չէ  
կարող շեղել և չըպէտք է շեղէ նրան իր կենտրո-  
նական մտահոգութիւնից, որ է՝ ազգային  
պաշտպանութեան գործը:

Ազգային-բաղաբական դատ, — ահա մեր ցաւոտ այժ-



մեութիւնը: Այլ կերպ չէ կարող տրամաբանել մի հայ մարմին, մի կուռղ մարմին, որ ուզում է կանգնած լինել իր կոչման բարձրութեան վրայ:

Ի՞նչ է «գասակարգային կոիւնների» դերը այն ահռելի տարտարոսի մէջ, ուր բացակայում է—թէ «բուրժուայի» և թէ «պրօլետարի» համար—նոյնիսկ ապրելու, աճելու իրաւունքը: Ո՞վ է այն աստիճան խզել պարտքի և առողջ դատողութեան հետ, որ գնայ քարոզէ սօցիալիստական թէօրիաները՝ ջարդի յարատե կոչմարի տակ ապրող Մշեցուն, Վանեցուն... Կամ ի՞նչ է նոյն այդ «գասակարգային կուլի» ծաւալը կովկասեան Հայաստանում՝ համեմատած այն խոր, արիւնահոս վէրքերի հետ, որոնք բացւած են ազգային մարմնի վրայ...

Այո: Հայրենիքի արիւնաներկ տեսարանի առաջ, այն խորտակւած օձախների և լացող աւերակների դիմաց՝ այն յարաժամ դաւերի և պարբերական ջարդերի հանդէպ՝ մենք մի վայրկեան անգամ չպէտք է մոռանանք մեր առաջնակարգ, մեր հրամայական, մեր սրբազնագոյն պարտաւորութիւնը, որի առջև նսեմանում են բոլոր ուրիշ մտահոգութիւնները: Այն մեծ, անլեզու մասսան, որ դեգերում է բռնակալական սարսափների տակ, մերթերերալով ու փոթորկելով, մերթ հոգեվարքի դուռը հասնելով, բոլորից հալածւած և բոլորից լքւած, — այսօր նա մեզ վրայ է յառել իր տրտում հայեացքը, մեզնից է սպասում առաջնորդութիւն և աջակցութիւն:

Զրգաւածանները նրան, չլմասնները ի սաստ ճակատագրի և մանաւանդ... Ըրյուսահատուները նրանից: Ճրգանկարեկիր աշխարհի առաջ իր խորունկ ծալքերում մթերւած՝ հսկայական ուժն ու կորովը: Նրա անվահեր կամքը, կարելի է ասել, հաւասարեց նրա անօրինակ դժբախտութեան...

Եւ այսօր յոյսի մի զօրաւոր ճառագայթ է անցնում յօշոտւած Հայաստանի վրայով:

Այսօր— ո՞վ չէ տեսնում այդ—հայութիւնը ամենուրեք՝ կովկասում թէ Թիւրքահայաստանում, թէ ուրիշ վայրերում՝ վաստակել է մի անգնահատելի ուժ, — իր մի ու թե ան կորովի գիտակցութիւնը, իր ազգային ինքնաճանաչութիւնը, որ ոչ մի հողմ չէ կարող խախտել: Հայրենիքի ոգին հանդէս է գալիս այսօր՝ աւելի մեծացած, աւելի ամբողջացած՝ այն սարսափելի հարւածների տակ, որոնք նպատակ ունէին բնաջինջ անել նրան...

Ներշնչենք այդ յամառ, անյաղթելի ոգիով և արծարծենք նրա անհրաժեշտութիւնը հայրենակիցների մէջ՝ որպէս մի սուրբ, անաղարտ պաշտամունքի՝ որի անունով արժէ և պէտք է զոհաբերել:

Ի՞՞՞՞՞նք մենք ևս այն ազատարար, տիեզերական աշխատանքի մէջ, որ պիտի խորտակէ բոլոր շրթանները և պիտի իրականացնէ մարդկային ճշմարիտ եղբայրութիւնը. սակայն չմոռանանք — մարդկութիւնը այնքան ընդարձակ է, որ նրա ներշնչած զգացումը կարող է իսպառ կորէ, որ նրա ներշնչած զգացումը կարող է իսպառ կորէ: Արժեքները աւելի լուծւել իր տարտաման հունուութեան մէջ: Արժեքների սիրել նրան այն փոքրիկ, սահմանափակ մարդկութեան միջոցով որի հետ կապւած ենք սերունդների աղի արցունքներով մեր մտքի խորունկ արմատներով, մեր սրտի ամենանուրբ թելերով...

Յառաջ: Պատմութեան անիւր թաւալում է արեան ու արտասուքի միջից՝ պաղ ու անտարբեր դէպի ճնշւածների հեծկտուբները: Նա բարձրացնում է, պատւաւոր դիրք տալիս միմիայն ըմբոստներին, իրենց ազատ ու թիւնը նւաճողներին... Խոր արձանատուները մեր գիտակցութեան մէջ այդ համատարած, անօգրեք օրէնքը և սոււրացնենք, սեղմենք մեր շարքերը:




Անդուլ մարտուժով հարթենք ճանապարհը հայրենիքի ազատ բարգաւաճման համար՝ սպասելով այն երանելի օրին, երբ գոյութեան դժնդակ պայքարը տեղի կըտայ ամենուրեք խաղաղ կուլտուրական մրցման, երբ ժողովուրդները՝ ազատած ընդմիշտ տիրանների և կապիտալի բռնակալութիւնից՝ կեղբայրանան տիեզերական հոյակապ Դաշնակցութեան մէջ:

## ԲՈՎԱՆԴԱԿՈՒԹԻՒՆ

	Ծրես
I ԱԶԳԵՐԻ ԾԱԳՈՒՄԸ . . . . .	7
II ԱԶԳԱՅՆՈՒԹԵԱՆ ԷՈՒԹԻՒՆԸ . . . . .	13
III ԱԶԱՏ ՀԱՅՐԵՆԻՔԻ ԻԳԷԱԸ . . . . .	20
IV ՀԱՅՐԵՆԻՔԻ ԳԱՂԱՓԱՐԸ ԵՒ ՍՕՑԻԱԼԻԶՄԸ . . . . .	27
V ԴԷՊԻ ԻՐԱԿԱՆՈՒԹԻՒՆ . . . . .	37
VI ՓԱՍՏԵՐ . . . . .	43
VII ԱԶԳԱՅԻՆ ԻՆՔՆԱՎԱՐՈՒԹԻՒՆ . . . . .	55
VIII ՀԱՅՐԵՆԻՔԻ ԳԱՂԱՓԱՐԸ ԵՒ ՀԱՅԱԿԱՆ ԿՈՒՒՆԸ . . . . .	75







« Ազգային գրադարան



NL0194216



